

DZIMBUDZISO NA DZIPHINDULO

KHA VHAHEVHERU TSHIPIDA III

♪ ...u vha hone fhano ano madekwana hafhu thaberenakejeni, u lavhelela nga kha vhuno vhuledzani na u losha u mona na Ipfi la Mudzimu le la newa riñe nga mahala. Huno ri... funa u vha na mukovhe kha ino phathutshedzo.

⁵⁵⁴ Huno ndi tou fulufhela fhedzi uri Mudzimu u do ri fhañutshedza madekwana a ñamusi sa zwe A ita nga matsheloni, nga mulaedza wa matsheloni. Huno ndo vha ndi tshi khou amba na muhura wanga, Vho-Mme. Wood, tshifhinganyana tsho fhiraho, huno ro vha ri na nyambedzano, na Vho. Wood na vhañwe. Huno ndi tenda uri heiña yo vha i yone theroy a nñhesa kha Mukomana Neville kha dzoñthe dze vha funza, heiña yo vha yone ya khwinesa kha nñe kha dzoñthe dze vha funza. Ngangoho ndo tama na u livhuwa heiña theroy yavhuñi. Huno yo nnea ñhuthuwedzo, nahone yo khwathela vhukuma. Ngauralo ndi—ndi tama u tanganedza ngoho, ni a ñivha. Ngauralo, nga ha zwipiða zwa ñhuthuwedzo, ni a ñivha, u vha a ñutuwedzeaho, na u... Davita o vha e hone, huno na nga ndila ye... Musi a kha houla mulingo muhulu, nga nnñani ha urí a ri "Zwo luga, ndi do ya nda ita hezwi, Murena, Iwe itou nthusa," o lindela, a ya a vhudzisa Murena zwine a fanela u ita. A tsitsela fhasi khanzu, ni a ñivha, a ri, "Zwino kha ri ime ri vhudzise Mudzimu, 'Na ri ite mini kha heli dandetande?'" Oo, hezwo zwo vha zwo pfuma vhukuma. Hezwo zwo vha zwi na vithamini nnzhi vhukuma u fhirisa mavhengele oñthe a philisi dze dza vha dzihone shangoni. Ee, muñe wanga, hezwo zwi ni ita wavhuñi.

⁵⁵⁵ Zwino, madekwana ano, a ri—ri lavheleli u dzulesa u fhira vhusiku-kati, arali ri tshi nga kona, kha hedzi mbudziso. Ngauralo ri—ri do namba ra tou dzhena khadzo, nga u bonya ha iño. Ndi u tou fhedzisa u fhindula hedzi mbudziso, huno tshifhinga tshoñthe tshi ne nda thoma u dzi fhedzisa... Zwino, Khaladzi Hattie, ndo vha ndi songo ñiimisela hezwo, ni a zwi ñivha hezwo. Ndo—ndo vha ndi khou sokou ñiambela, ni a vhonan; huno, zwo luga. Huno ndo wana dzo omaho vhukuma hafha u bva kha mureri, nahone dzi tou vha dzi kondaho u fhindula. Ni a ñivha, avho vhareri, vha i monamonisa nga kha Bivhili vha lingedza u wana phindulo yavho phanda ha musi vha tshi nga ni vhudzisa, ni a vhonan. Huno zwenezwo... huno hezwi zwi khou rikhodiwa kha theiphi, zwi tsa u ya Georgia kha khonani yanga ya mureri a re na mbudziso dza malo dza nñhesa dza Bivhili hafha dzine, dzo dzivhafhala vhukuma.

⁵⁵⁶ Huno zwino, heyi vhege i ḫaho, ni songo hangwa na uri rabelela.

⁵⁵⁷ Huno mufumakadzi wanga u khwine nga maanda; o ima zwino, huno u ya thusa nga u bika, ḥamusi. Khonani yashu u bva Canada, Mukomana, na Khaladzi Sothmann, vho ḫa hafha uri dalela, huno zwa vhukuma ri a livhuwa u dalelwa. Huno mufumakadzi wanga, vha tshi ḫivha uri vho vha vha tshi khou ḫa, mulandu, o vha a tshi khou ya u fhinduwa uri a kone u vha na zwiñwe zwi mvumvusi na vhuṭama ha avha vhafuñwa vha Vhakriste. Ro takala nga maanda u vha na Mukomana Freddie na riñe madekwana a ḥamusi, huno o dzula na... O vha a fhano ano matsheloni, fhedzi ndi a tenda o dzula na... hai, ndi zwone, u na Meda, u vha nae musi ri tshi tsa fhasi; ngauri ndi a zwi ḫivha uri zwi do vha u lenga madekwana a ḥamusi, ndi tshilalelo na u ḫanzwana milenzhe. Ngauralo ro takala u vha navho na vhaeni vho ri dalela.

⁵⁵⁸ Zwino, phanda ha musi ri tshi lingedza u fhindula mbudziso... Huno itanu elelwa uri ndi—ndi nga khakha, ni a vhona, a—a thi vibili u vha a re kha zwone kha tshiñwe na tshiñwe tshire nda ita. Ndi—ndi lingedza u ita zwi re zwone, fhedzi khañwe ndi—ndi a khakha. Huno—huno arali ndi tshi khakha, zwenezwo ni tou mpfarela; huno ndi a rabela uri Mudzimu u ḫo ralo, nae—vho, ngauri a thi ḫodi u khakha nga khole. A thi lingedzi u dici fhindula u tou—...kana nga ndila ine nda... u tou haṭula, ndi dici fhindula u ya nga ndivho yanga ya khwinesa, ni a vhona. Huno arali ndi tshi tea u shandukisa mihumbulo yanga kha mbudziso ya Bivhili, ndi elekanya uri ndi zwenezwo zwine nda tea u ita. Ri tea u shandukisa, tshifhinga tshoṭhe, musi Ipfi ḫa Mudzimu li tshi amba; ngauri ndi Ipfi ḫa Mudzimu.

⁵⁵⁹ Huno zwino, ndi humbula uri ri khou ya u rabelela vhalwadze hafhu madekwana a ḥamusi, sa nga misi. Huno tshiñwe tshifhinga ni tou ḫivhudzisa; ni dzhia tshigwada tshiṭuku sa hetshi, tshiṭuku kha, oo, thaberenakele ḫukhu hafha, huno tshiñwe tshifhinga a ni vhoni mvelele dzine na ḫoda u dici vhona. Fhedzi tshithu, ndi mini zwine na khou ita, ni khou tou kunga u bva kha vhatu vha madana mavhili. Huno miniwe ya miṭangano mihulwane, khañwe ni khou kunga u bva kha zwiraru u ya kha zwigidi zwa fumi, ni a vhona, huno—huno khañwe na u fhirisa. Ngauralo ndi nga yeneyo ndila, ni tea u vhona magogo manzhi. Fhedzi madekwana a ḥamusi, ndo vha ndi khou fhindula... Ngauri ḫingo dzashu dici a lila munete muñwe na muñwe ḫuvha ḫoṭhe na zwiñwe zwifhinga nga madekwana.

⁵⁶⁰ Naa a vha ndi Vho- Mme. Reisert vho dzulaho afha, vhane ndo vha lavhelesa? Bivhili yañu, khaladzi, Khaladzi Wood i hone murahu afho. Ndo ni disela yone ano matsheloni, huno a—a tho ngo kona u ni fha. Huno a—a tho ngo ni vhona ano matsheloni, Vho-Mme. Wood vha nayo.

⁵⁶¹ Ngauralo kha u fhindula ḥthingo na u wanulusa zwone—zwone zwithu zwiḥulu zwe zwa itwa. Mufumakadzi o mpfounela, a ri, “Mukomana Branham, ndo vha ndi kha muṭangano *mukene-nene* huno ndo vha ndi khou tambula nga thaidzo *nkene nkene* lwa *tshifhinga* tshilapfu. Huno, ni a ḫivha, no tou amba murahu hafho, huno na . . .” A ri, “Ndi ṭoda u ḥnoka musi I tshi vhuisa murahu vhutshilo.” Huno a ri, “A thi athu tambula u bva tshetsho.”

⁵⁶² Huno mufumakadzi a da nahone a ri . . . a tenda u fhano madekwana a namusi, kana o vha a tshi khou ya u reila u bva Bedford, ndi a tenda, kana huñwe fhetħu n̄ha heneħfo. Murwa wavho o vha e heneħfo, ndi a tenda, o vha e na thaidzo ya mbilu, kha tshiimmo tsho vhifhaho nga u ralo. Huno o vha o dzula hafha kha muṭangano, huno—huno Murena a tshimbila u mona huno a mu kwama . . . a amba na mutukana nga ha thaidzo yawe, huno o vha a tshi kundelwa na u imisa tshanda tshawe, huno na vhulwadze ha mbilu, na zwanda zwawe zwe oma, nahone mbilu yawe i tshi nga hezwi. Huno nga u ḥavħanya a dzhena goloini huno a reila a tshi ya hayani, huno a sa vhuya a diñwa ngazwo u bva tsheetsho. Naa uyo musidzana o dzhena afha a bvaho Bedford? Naa ni fhano, musidzana? Khoyo heneħfo, ngei murahu. Ee, o tou mpfounela, tshifhinganyana tsho fhiraho.

⁵⁶³ Zwenezwo hu na musidzana we a mpfounela u bva fhasi ngei Evansville. Huno o vha a nga si dzhene hafha ngauri u kule, o vha a sa zwi ḫivhi uri ri khou ya u vha na tshumelo madekwana a ḥnamusi ya phodzo. Huno a ri “Mukomana Branham, ndo vha ndo dzula kha muṭangano wa Evansville,” huno a ri, “wo lavhelesa murahu kha gogo huno wa ri . . . a mmbudza uri ndi n̄ne nnyi, na zwe nda ita, na zwine nda vhaiswa ngazwo, na zwiñwe zwinzhi zwi ngaho izwo.” Huno a ri, “Ndo vha na iyo nyimele ya asima, huno ndo tea u fhisia Asthmador na tshiñwe na tshiñwe lufherani u bva ndi ḥnwana muṭuku.” A ri, “Izwo ndi miñwaha mivhili yo fhiraho, a tho ngo vhuya nda vha na vhadzi ḥlayo u bva zvezwo.” Ni a vhona?

⁵⁶⁴ Huno kha avho vha re hone madekwana a ḥnamusi, vhe vha vha vha siho ano matsheloni u ḥiphina nga vhutanzi; ndo vha ndi hangei kha vhengèle la masenthe a fumi, ndi tshi renga mupopi, mulovha. Zwino, uyo wo vha u si wanga, ni a vhona. Wo vha u wa musidzana muṭuku, Rebeka, hafho. Huno—huno Sara o vha a tshi khou ya kha tshiñwe tshithu, tshiñwe, ḥnamusi. Vhañwe vha vhana vhane a dzhena navho tshikolo vho vha vha tshi khou vha na luñwe lushaka lwa u kuvhangana, lwa ḫuvha la mabebo kana tshiñwe tshithu, huno o vha o dzhia tshifhiwa tshawe tshiñku; huno ndo vha ndi tshi khou renga ḥnwana muṭuku wa mupopi, mungafha nga u lapfa. Huno ho vha hu na musidzana we a ḫa hafho, a ri, “Naa u ya nyelelwa?”

⁵⁶⁵ Hundo nda ri, “A thi tendi uri ndi a ralo.”

⁵⁶⁶ Huno nda da nda wanulusa uri ho vha hu shaka la Mukomana Neville hafha, uri izwo... musi ndo vha ndi ndilani yanga ya u ya Sweden, vho... O da ngomu hafha, o vha a na mutukana muṭuku kha wilitshea, u tou fana na Edith muṭuku heneffho, huno muthu muṭuku o vha a na pfuko, tshibvo tsho ḥula kha maluvhi awe. Huno hei thoho yo nembelela fhasi, huno a... huno madokotela vho vha vho tou mu fha vhege tharu fhedzi dza u tshila. Vho zwi bvisa nahone vha zwi ṭola, huno vha vhona uri ho vha hu... zwe zwa vha zwi zwone, huno vha tou mu fha vhege tharu dza u tshila. Huno vho tea u mu sukumedza u mona kha tshidulo, huno zwenezwo vha mu vhea kha siṭiretsha musi a tshi ya lufherani nahone u mu ṭola, huno zwenezwo vha mu vhuisa fhasi. Ro ya ra rabelela uyo mutukana muṭuku, huno ra humbelia Murena uri vha mu fhodze. Huno duvha li no tevhela, musi vha tshi mudzhia nga hangei, a ri, “A thi ṭodi iyo wilitshea.”

⁵⁶⁷ Vha dzhena goloini huno a tsela afho, huno dokotela a vula siṭiretsha, a ri, “ha ṭodi itsho siṭiretsha.”

⁵⁶⁸ A gidimela heneffho a dzula fhasi, dokotela a mu ṭola, a ri, “Zwo ralo,” a ri, “madzuloni a vhege tharu, ndi khou ya u u fha minwaha ya ḫana na malo ine wa khou ya u tshila.”

⁵⁶⁹ Huno, mulovha, mme vho ḫangana na nn̄e. Huno vha nga di vha vha fhano, u ya nga hune nda q̄ivha, madekwana a ḫamusi. Huno mutukana muṭuku o vha a nnda a tshi khou tamba bola, muṭhannga muṭuku zwino. Maliginete, pfuko kha maluvhi, huno zwi tou ya u sumbedza...

⁵⁷⁰ Oo, zwithu zwinzhi zwa zwigidi, ni a vhona. Mudzimu a nga si kundelwe. U—U tou vha a nga si kundelwe.

⁵⁷¹ Mukomana John, na liṭo ḫanu li khwine, mukomana? O vha na khombo, huno o vha a tshi khou reila huno ya mu kwama kha liṭo. Huno rothe ro vha ri tshi khou rabelela Mukomana John O’ Bannon, murathu washu u bva Louisville we a vha na khombo ya tshibikiri tshe tsha mu ḫavha kha liṭo.

⁵⁷² Zwino, hedzi mbudziso ndi dza—dza vhudzivha kha mbilu ya muniwe muthu; vhane vha vhala nga kha Luñwalo nahone vha wana hezwi zwithu, huno a vha... a vha koni u difusha, ngauralo vho dzi ḫisa kha riṇe uri ri lingedze u fhindula. Huno ni a vhona uri zwi ni vhea kha vhukondi vhungafhani; ngauri, zwine na ḫo amba, vha ḫo ditika ngazwo. Ngauralo ni tea u vha na vhuṭanzi uri ni khou amba zwone, huno ndi... u vha na vhuṭanzi u ya nga hune ni nga vha. Ngauralo zwenezwo, tshithu tsha u vha na vhuṭanzi uri ri kha zwone, kha ri tou humbelia Muya Mukhethwa uri a ri ḫalutshedzele zwone, musi ri tshi kotamisa zwifhaṭuwō zwashu.

⁵⁷³ Zwino, Khotsi wa Ṭaḍulu, oo, ndi u tondwa hani uri “Khotsi” kha Musiki muhulu wa maṭaḍulu na lifhasi. Huno ri tou humbelia uri U ḫo dzhia hedzi mbudziso kha ndondolo Yau Iwe muṇe zwino. Dzo ḫiswa afha nga vhungoho ho dzivhafhalaho.

Mudzimu, tendela izwo zwi bve mbiluni dzashu, vhungoho ho dzivhafhalaho, u fhindula nga ndila ya khwine ine ra kona ngayo; zwi tendele.

⁵⁷⁴ Huno ngavhe khathutshelo Dzau dzi tshi dzula kha muňwe na muňwe. Huno ngavhe tshiňwe tshithu tshi tshi ambiwa hafha madekwana a ñamusi tshire tsha do thusa muňwe na muňwe a re hafha. Huno musi ri tshi tuwa, nga murahu ha thabelo ya vhalwadze na u dzhia tshilalelo na zwiňwe zwinzhi, ngavhe ri tshi amba u fana na avho vha bvaho Emmausi, “Naa mbilu dzashu a dzo ngo thavhea ngomu hashu musi A tshi amba na rine ndilani?” Ngauri ri zwi humbelo Dzinani la Yesu. Amen.

⁵⁷⁵ Zwino, vhunga ndo amba zwifhinga zwinzhi, uri hezwi—hezwi hafha ndi—ndi muhumbulo wanga wa khwinesa nga hazwo, huno tshiňwe tshifhinga zwi takusa nyambedzano thukhu. Ya u thoma hafha, ndi a vhona ndi tshiňwe tshithu tshe nda amba murahu, tshe tsha vhuiswa murahu hafhu. A thi nga... ḥoda u i vhala zwino, arali ni tshi do ralo.

65. Musi Adamu na Efa vha tshi vha na vhana vhavho ngei Edeni, naa ho vha hu na vhaňwe vhathe kha lifhasi nga itsho tshifhinga? Kha Genesi ndima ya vhu⁵ na ndimana ya vhu¹⁶, Kaini o dzula shangoni la Nod nahone a ȳivha mufumakazi wawe.

⁵⁷⁶ Zwino, huno iyo—iyo ndi mbudziso yavhuđi. Zwino, ro funzwa Bivhilini... Huno tshifhinga tshinžhi hezwi... tshiňwe tshifhinga ri na u sa londa... Ndo vha ndi tshi anzela u vheya tshipida tsha bammbiri, huno nda ri, “Vhudzisani. Phindulani mbudziso iňwe na iňwe ya Bivhili.”

⁵⁷⁷ Huno muňwe muthu a ri, “Zwo luga, ndi nnyi mufumakadzi wa Kaini?”

⁵⁷⁸ Oo, ndo vha ndi tshi do ita muswaswo muťuku ngazwo kana tshiňwe tshithu, nda ndi tshi do ri, “Oo, o vha a ňwana wa makhulu mubeba mufumakadzi wawe,” kana tshiňwe tshithu tsha u ralo, ni a ȳivha, kana—kana “O vha a Vho-Mme. Kaini.” Fhedzi hezwo a zwi fhinduli mbudziso. Hu na... .

⁵⁷⁹ Heneffo Kaini o vha na mufumakadzi, ngauri Bivhili yo ri o ralo. Huno arali Kaini o vha a na mufumakadzi, o vha a tshi tea u mu wana huňwe fhethu. Huno hezwi zwi do tevhekana hafha ngomu:

Naa ho vha hu na vhaňwe vhathe kha lifhasi musi Adamu na Efa vha tshi vha na vhana vhavho ngadeni ya Edeni?

⁵⁸⁰ Zwino, arali na dzhieila nzhele, kha Bivhili zwi a kond  u pfa mabebo a mufumakadzi a tshi rekodiwa. Hu dzulela u vha ňwana wa mutukana ndi ene ane vha mu rikhoda kha Bivhili, hu si mufumakadzi. Zwi a kond  u wana hu tshi bulwa nga ha mabebo a ňwana wa musidzana, kha Bivhili. Kana, zwavhuđi, a thi ȳivhi hune ndi nga humbula huňwe zwino, muhumbuloni

wanga, hune yo vhuya ya rikhoda u bebiwa ha ñwana; ya ri, “Vho beba vharwa na vhananyana.”

⁵⁸¹ Zwino, yone Bivhili i ri nea fhedzi rekhodo ya vhana vhararu vhe vha bebiwa nga Adamu na Efa, huno uyo o vha a Kaini, Abele, na Sethe. Zwino, arali avho vhararu vha tshi vha vhanna, arali hu songo vha na muñwe musadzi we a bebwa, huno zwenezwo musi mufumakadzi muthihi we a vha a hone (Efa) a tshi fa, lushaka lwa vhatatu lwo vha lu tshi do vha lwo guma heneffo, ngauri ho vha hu tshi do vha hu si na ndila yavho ya uri vha—vha vhe... lushaka lwa vhatatu lu ande, ngauri ho vha hu tshi do vha hu si na muthu o salaho wa musadzi. Efa o vha a tshi do vha ene a eþhe. Fhedzi, ni a vhona, a vha rikhodi one—one mabebo a vhana vha vhasidzana, kha Bivhili, ngauralo vho tea u vha na vhasidzana u fana na vhatukana.

⁵⁸² Zwino, muñwali wa kale, muñwe wa vhañwali vha kale vha ne ra vha navho, Josephus, u vhila uri vha na vhana vha fusumbe, huno Adamu na Efa; muñwe wa vhañwali vha kalelsa, “vhana vha fusumbe, huno vho vha vhe zweþhe vhatukana na vhasidzana.”

⁵⁸³ Zwino, arali... Huno zwenezwo arali Kaini o ya shangoni la Nod... Zwino, arali na limuwa, muñwali o vha a tshi, a tshi kona u ñwala nga maanda hafha. Naa no limuwa nga ndila ye a zwi topola ngayo?

Ngei Edeni, musi vha tshi vha na vhana vhavho ngei Edeni... Zwino, hu si ngadeni ya Edeni, muñwali o zwi divha hezwo. Onoyo o ñwalaho heyi notsi hafha, o ri: **Musi Adamu na Efa vha tshi vha na vhana vhavho ngei Edeni...**

⁵⁸⁴ Hu si ngadeni ya Edeni, ngauri vho bviselwa nnnda ha ngade ya Edeni. Fhedzi vho vha vha tshi kha di vha Edeni, huno ngade ya Edeni yo vha yo dzula vhubvaðuvha ha Edeni. Fhedzi Edeni ho vha hu tshi tou nga shango kana—kana mini... kana vundu, huno zwenezwo Nod ho vha hu liñwe vundu kana liñwe shango tsini naþo.

⁵⁸⁵ Zwino, muthu a eþhe ane Kaini a nga vha o vha nae, kana o mu mala, o vha a tshi do tea u vha khaladzi awe. O do tea u ralo. Ngauri hu na wa tshinna na wa tthisadzi muthihi ane vha nga vha vho bva khae, ni a vhona, huno o do tea u mala khaladzi awe. Zwino, zwe vha zwi mulayoni nga ayo maðuvha.

⁵⁸⁶ Huno Isaka o mala khaladzi awe wa malofhani wa u thoma, Rebeka, zwe tendelwa nga Mudzimu. Sara o vha a khaladzi a Abrahamu, khaladzi awe wa malofhani; hu si nga mme awe, nga khotsi awe. Ni a vhona, khaladzi wa malofhani we—we Abrahamu a mu mala; mme vho fhambanaho, fhedzi vho khotsi vhatihii.

⁵⁸⁷ Ngauralo, ni a vhona, u mala kha mashaka zwenezwo, phanda ha—ha musi lutsinga lwa malofha lu tshi kulwa nungo

kha lushaka lwa vhathu, zwo vha zwi mulayoni na u tendelwa. Zwino a zwo ngo ralo. Arali na mala khaladzi anu ɿamusi, huno na vha na vhana, nga khonadzeo vha do vha . . . zwo ralo, vha do vha holefhala na tshiñwe na tshiñwe. Na fhasi kha wa u thoma na kha wa vhuvhili khaladzi a zwi ngo tendelwa u mala, ni a vhona, nga nthani ha uri lutsinga lwa malofha lu khou shaya nungo na u shaya nungo.

⁵⁸⁸ Fhedzi tshithu tshi tshothe tshe Kaini a vha o tea u ita, ho vha hu tshi, u mala khaladzi awe. Huno afho ndi he vhana vha vha . . . O wana mufumakadzi wawe, a ya shangoni la Nodo huno a mu ɿivha, huno u bva heneffo ha da vhone—vhone vhana. Ni a vhona, vhone . . .

⁵⁸⁹ Huno arali na limuwa, u bva kha lutsinga lwa Kaini ho bvelela vhanna vho thanyaho. U bva kha lutsinga lwa Sethe ha da vhathu vha vhurereli, ndi amba lwone—lwone lutsinga lwa u luga. Heneffo, avho vhavhili, vho ɿisa lutsinga luthihi lune ra khou tshila nalwo ɿamusi.

⁵⁹⁰ Arali na nga limuwa ɿamusi (kha u pendela ino mbudziso): lushaka lwa Kaini lu kha di vha hone, lushaka lwa Sethe lu kha di vha hone. Vho tou tsa fhasi nga ndila i fanaho. Vhana vha Kaini vha hone fhano Jeffersonville madekwana a ɿamusi, na vhana vha Sethe vha hone fhano Jeffersonville madekwana a ɿamusi. Vhunga lutsinga lu tshi shaya nungo na u fhela, fhedzi ulwo lutsinga lu kha di vha hone.

⁵⁹¹ Zwino, lavhelesani. Vhana vha Kaini vha dzulela u vha . . . huno phanda ha mutshinyadzo wa mudalo, vho vha vha vhathu vho thanyaho: vho rasaintsi, vha gudisi; na vha vhurereli nga maanda, fhedzi vho vha tshigwada tsho lañwaho. Ni a vhona? Zwino lavhelesani, vho vha vha tshi tou nga khotsi avho Kaini. Kaini, o vha a munna wa vhurereli. O fhaña aleñari yavhuñi, a ita tshivhidzo tsha vhudi, huno a tshi lingedza u tshi ita tshavhuñi u fhira itsho tshiñuku tshe Sethe a vha a natsho fhasi afho. Naa ni tshi zwi ɿivha izwo? Zwa vhukuma . . . O nakisa aleñare nga maluvha, huno a i lugisa ya naka, huno a i nakisa; huno a ita tsha nthia, tshihulu, tshivhidzo, ngauri o lekanya uri a nga wana u takalelwa nga Mudzimu nga u ita izwo.

⁵⁹² Huno Abele a ya nga hangei a wana ngwana thukhu, huno a thoma u i kokodzela kha aleñari, huno a i vheya kha tombo huno a i vhulaya.

⁵⁹³ Huno zwino, arali Mudzimu o luga, arali zweþhe zwine A ɿoda hu u losha, Kaini o losha Mudzimu nga vhungoho u tou fana na Abele o ralo. Vhoþhe vho vha vhe vha ngoho. Vhoþhe vho vha vha tshi khou lingedza u wana tshilidzi kha Mudzimu. Ho vha hu si na na muthihi wavho a re mudzia u sa tenda. Vhoþhe vho vha vha, zwa vhukuma, vhatendi vha Yehova. Zwino, heneffo, zwi ri nea tshiñwe tshithu tsha u humbula ngatsho.

⁵⁹⁴ Vhańwe hafha madekwana a ḥamusi a thi athu vha vhona, vhathu; a thi athu ni vhona murāhu. Fhedzi ni tea u limuwa hezwi, nahone ni vhulunge hezwi muhumbuloni wanu. Ni a vhona? Zwi si na ndavha uri ni wa vhurereli u swika gai, izwo a zwi na mushumo nazwo. Ni nga dzula tshivhidzoni, ni nga vha wa vhungoho nga maanda, na vha ni kha di vha no xela! Ni a vhona?

⁵⁹⁵ Huno ni ri, “Zwo luga,” ni ri, “vhafunzi vhashu ndi vhańwe vha vho ḥalifhesaho, vha da nga kha dzi seminari u wana pfunzo ya khwine. Ndi vho rathiolodzhi, vha divha yothe—yothe thiolodzhi na zwińwe zwinzhi. Huno vho thanya, vho pfumbudzwa, vhone vha...vho nanga vha khwinesa vhanne ra vha divha.” Huno naho zwo ralo vha nga kha di vha vho xela! Ni a vhona?

⁵⁹⁶ Zwino Kaini, kha mutalo wawe: vho vha, muńwe na muńwe, o vha a wa vhurereli; vhathu vho thanyaho; huno vho vha vho rasaintsi, na madokotela, na vhafhańi, na vhashumi, na vhanna vho thanyaho. Fhedzi ulwo lushaka lwothe lwo vha lwo landulwa, u bva kha Kaini u tsa fhasi.

⁵⁹⁷ Huno kha sia la Abele: ho vha hu si na vhafhańi kana vhagudisi kana vhanna vho thanyaho; vho vha vha, nga maanda kana zwińuku, vha u diťukufhadza, vha fuwi vha dzinngu, na vhalimi, vhe vha tshimbila nga Muya.

⁵⁹⁸ Zwino, yone Bivhili yo ri, “A hu na u latwa kha avho vha re kha Kristo Yesu, a vha tshimbili u ya nga ḥama fhedzi u ya nga Muya.” Muthu wa tshimuya u na muthu wa nga ngomu une a nga si vhuye a fa. Huno muthu wa ḥama u na mufhe wa vhurereli u mona nae (huno u ḥoda u losha na zwińwe zwinzhi) fhedzi ndi wa ḥama; hu si a sa tendi, fhedzi mutendi wa ḥama; nahone ndi ulwo lushaka lwe lwa landulwa.

⁵⁹⁹ Zwino, u bva heneffo, Kaini o bva a yo mala mufumakadzi wawe shangoni la Nod. Zwino, a i ambi uri Sethe o mala nnyi, kana vhe vhańwe vha mala. Huno tshithu tshavhuđi tsha izwo ndi u divha uri-uri, Kaini o mala, ri na phindulo kha hezwo. Ngaurio vha a tshi tea u mala khaladzi awe, kana u...kana ho vha hu tshi do vha na...

⁶⁰⁰ Ho vha hu si tshe na vhafumakadzi kha lifhasi, fhedzi vho tea u bva kha Efa. O vha a mme a zwethe zwi tshilaho. Ndi, vhathu vhothe vhe vha vha vha tshi khou tshila, o vha a mme a vhothe. Ndi yone mbuno ya uri a ralo... Lone ipfi Efa li amba “mme a zwi tshilaho.” Ngauralo o da a bveledza hoyu ḥwana. Huno Kaini a mala khaladzi awe, ndi yone ndila i yothe ine nda nga vhona hezwo zwithu. Ngauralo ho vha hu na vhathu vha tshi khou tshila nga ilo ḥuvha, zwa vhukuma. Ni a vhona? Zwo luga, huno...

Musi Adamu na Efa vha tshi vha na vhana vhavho Edeni...
Zwino lavhelesani, ndi yone mbudziso: **Musi vha tshi vha**

na vhana vhavho ngei Edeni, ho vha hu na vhañwe vhathu kha lifhasi nga itsho tshifhinga? Hai! Zwenezwo kha Genesi 5:16, ni a vhona, Kaini o dzula shangoni la Nod huno a ñivha mufumakadzi wawe. Zwa vhukuma. Ni a vhona?

⁶⁰¹ Iyo ndi Genesi 1, he A sika muthu tshifanyiso Tshawe Ene-muné, zwe zwa vha hu kha muvhili wa ḥadulu. Huno kha Genesi 2, O ita muthu u bva buseni la mavuni, zwe zwa vha hu muthu wa ñama ane ra vha nae zwino. Huno zwenezwo, kha ya vhu³ ho vha hu u wa, huno a bviswa ngadeni ya Edeni; huno zwenezwo vhana vha beba vhana. Huno Kaini a dzhia mufumakadzi wawe huno a tshila nae shangoni la Nod, nga nn̄da, ngauri Mudzimu o vha o mu fhandekanya kha vhuñama na murathu wawe (nga n̄thani ha lufu lwa—lwa Abele). Huno uyo ndi we a vha nae, khaladzi awe ene muné, huno a mu mala; ndi yone ndila i yothe ine ndi nga, nne muné, ndi nga kona u vhona uri o—o mala hani.

⁶⁰² Zwino, zwo no ambiwa . . . Huno ndi a fhulufhela uri khonani dzanga dza vharema vha do khangwela kha heli li ambele, ngauri zwa vhukuma a lo ngo dzula nga ndila yone. Lwa u thoma he nda vhuya nda ḥangana na muñwe muthu vhatshiloni hanga, nga murahu ha musi ndo shandukiswa . . . Ndo vha . . . ḥangana na Mukomana George DeArk na avho fhasi afho. Huno nda tshimbidzwa, huno Murena vha nnyisa fhethu hutuku. Huno vho vha vha tshi khou amba he muthu wa murema a bva hone. Huno vho vha vha tshi khou lingedza uri muthu wa murema . . . Uri Kaini o mala tshipuka u fana na pfeñe, huno u bva henehfo ho da muthu wa murema. Zwino, zwo khakhea! Zwa vhukuma, zwo khakhea! Huno ni songo vhuya na kondelela hezwo. Ngauri ho vha hu si na murema kana mukhuwa, kana inwe phambano, hu tou vha lushaka luthihi lwa vhathu kha muñalo. Zwenezwo u bva kha muñalo na thawara ya Babele, musi vha tshi thoma u balangana, ndi hone he vha dzhia mivhala yavho na zwiñwe. Vhothe vha bva kha muri muthihi. Ndi zwone kokotolo. Adamu na Efa vho vha vha khotsi na mme, lwa lifhasi, lwa tshivhumbwa tshiñwe na tshiñwe tsha vhathu vhe vha vhuya vha vha kha lifhasi. Ndi zwone. Murema, mukhuwa, lutombo, buraweni, tshitopana, muvhala muñwe na muñwe une ni nga vha, ndi fhethu hune na tshila hone zwa vhukuma, huno nga ndila ine—in na . . . U tou fana na . . .

⁶⁰³ Huno ndi elekanya uri ndi nga bvisela hezwi khagala musi ndi kha ñi vha khazwo. Vhathu zwino kha hovhu u khethulula na milayo na zwithu zwine vha khou zwi themendela, ndi elekanya uri ndi tshi pengo. Ndi tou ralo zwa vhukuma. Thetshelesani, itanu litsha avho vhathu vha vhothe, vha a ñivha zwine vha ḥoda. Mudzimu o ita muthu wa murema, nahone zwi a mu takadza. Zwa vhukuma! Arali Mudzimu o nnyita muthu wa murema, ndi ño takala nga hazwo; arali O nnyita muthu wa buraweni, ndi ño takala; arali O nnyita mukhuwa, ndo takala; arali O nnyita muthu wa tshitopana, ndi ño takala. Mudzimu o ri ita nga kha

mivhala yashu, huno O ri ita nga ndila ye A vha a tshi ri ḥoda, huno roṭhe ri vhana Vhawe. Zwa vhukuma! Huno a vha tei u ṭata na u ḫifara nga u ralo. Zwo khakhea u ita hezwo. A vho ngo tea u zwi ita. Mudzimu o ri ita . . . nga ndila ine ra ḥoda.

⁶⁰⁴ Huno muthu wa murema, ha ḥodi u bva nn̄da hafho huno a kwasha wawe—wawe murafho kana muvhala, huno a u ṭanganyisa kha mutshena na tshiñwe na tshiñwe nga u ralo. A thi muswayi phoswo. A thi ralo. Murema u na zwithu zwine mukhuwa ha nazwo. Zwa vhukuma! Ndi zwone kokotolo. Huno Mudzimu ha ngo vhuya a vha ḥoda nga iyo ndila.

⁶⁰⁵ Zwo ralo, lavhelesani. Muthu wa murema ndi . . . ndi—ndi ene . . . u na—u na vhubvo nga hae ine mukhuwa ha nayo. U na mashudu, u “u fulufhela Mudzimu, huno a litsha zwiñwe zwoṭhe zwa sokou itea”; kana u nazwo kana ha na, o takala naho zwo ralo. Ndi nga takalela u vha na zwinzhi zwa hezwo, madekwana a ḫamusi, ndi do ralo zwa vhukuma. Zwo ralo, u nazwo, nahone ndi mvumbo yawe. a vha ḥodi u ṭangana na luñwe lushaka huno vha zwi bvisa, naho zwo ralo. Ndi zwone kokotolo.

⁶⁰⁶ Ndi elekanya uri musadzi fhasi ngei Shreveport o ita huñwe ha u redza ha khwinesa—he nda vhuya nda hu pfa vhutshiloni hanga. O bula u redza, huno vha zwi vhea kha bambiri. O da n̄tha a ri, a ri, “Nga ndila ine hezwi zwithu zwa khou tshimbila ngayo hafha, kha hohu u khethulula, A thi ḥodi vhananga vha tshi ya kha hetshiña tshikolo tsha vhatshena.” A ri, “A vha nga wani tshenzhemo ine vho vha vha tshi do vha vha nayo arali vho vha vha na mudededzi wa murema.” Houla mufumakadzi ndi mufumakadzi o thanyaho. O ḫivha zwe a vha a tshi khou amba nga hazwo, vha na pfunzo ya khwine. Ndi zwone kokotolo. Ngauralo ndi tenda uri vhatu vha ya khakha vha tshi ita hezwo.

⁶⁰⁷ Huno zwenezwo vha ri, “Kaini na Abele . . .” Na zwi ngaho izwo nga u ralo. Hai, muñe wanga! Muvhala a u na vhushaka nazwo. Ndi mya nga ngomu heneffo une wa vha na tshiñwe tshithu nazwo. Ndi zwone kokotolo.

⁶⁰⁸ Ngauralo Kaini a divha mufumakadzi wawe, huno uyo o vha a khaladzi awe. Huno vha . . . huno a mu dzhia a mu isa shangoni la Nodo, huno heneffo ha bvelela tshaka nnzhi dza lifhasi: vha vhurereli na vhaloshi.

⁶⁰⁹ Huno itanu elekanya ḫamusi, khonani, itanu ima ni elekanye lwa tshikhalyanya. Hu na zwigidi zwa zwigidi zwa zwigidi, vhatu vha dzhenario kereke, vha tou fulufhedzea na u dikumedza kha itsho tshihidzo, vhane vho tou xela u tou fana na Kaini o ralo. Ni a vhona? Ndi Mudzimu A nangaho! Ndi Mudzimu A nangaho! Ni a vhona? Mudzimu Ane a ḫea khathutshelo! Vumba a li koni uri kha muvhumbi, ndi muvhumbi kha vumba. Ndi zwone.

⁶¹⁰ Zwino kheyi yo nakaho, i tevhelaho hafha:

Kha Petro ya Vhuvhili 2:4—2:4 . . .

⁶¹¹ Muňwe muthu u na Bivhili, ri khou ḥoda u vula kha haya maňwalo nga u ḥavhanya musi ndi tshi khou a vhala, arali ni tshi ḥoda. Huno ni nga nthusa nga hafha, ri na hedzi mbudziso.

⁶¹² Zwino, kha hezwi Kaini na—na zwiňwe, arali izwo zwi sa zwi fushi zwino, itanu ri litsha ri vhe nazwo. Ri ḥo takala nga maanda . . .

⁶¹³ Zwino Petro ya Vhuvhili 2:4. Zwo luga, muňe wanga, hafha ri hone:

66. Petro ya Vhuvhili 2:4, “Ngauri arali Mudzimu a na, . . . Arali Mudzimu a songo litsha vharuňwa vhe vha tshinya, fhedzi a vha posa heleni,” zwenezwo ndi ngani Kristo o funza kha mimuya i re heleni, kha Petro ya U thoma 3:19?

⁶¹⁴ Zwino, ro wana Petro 2:4, ya u thoma. Zwo luga:

Ngauri arali Mudzimu a songo litsha vharuňwa vhe vha tshinya, fhedzi a vha posa fhasi—fhasi heleni, huno—huno a vha vhofha nga tshaini dza swiswi, uri vha lindele khaṭhulo;

⁶¹⁵ Zwino, zwino kha ri wanuluse kha Petro ya U Thoma (ndi Petro ya Vhuvhili), Petro ya U Thoma 3:19, thetshelesani kha hezwi. Hafha ro swika, hanefha. Havha vha tou dzhena, mbuno ya uri ndi si vhe nadzo dzo ñwaliwa.

. . . zwine navho . . . vho ya vha funza kha mimuya i re dzhele;

⁶¹⁶ Oo, ee, hafha ri hone. Kha ri thome murahu ha hezwo, ndimana ya vhu¹⁸:

Ngauri Kristo nae . . . o vhuya a kondelela tshivhi, o lugaho kha vha songo lugaho, uri a ri ḫise kha Mudzimu, o vhwewa lufuni kha ɣama, fhedzi o hanyiswa nga Muya:

Ane ngazwo O ya a funza kha mimuya i re dzhele;

Vhane nga tshiniwe tshifhinga vho vha vha songo thetshelesa . . .

⁶¹⁷ Khonani yanga, arali na nga tou vhala ndimana i no tevhela, huno heneffo, heneffo i ya Zwi ḥalutshedza. Ni a vhona?

Vhane nga tshiniwe tshifhinga vho vha vha u sa thetshelesa, vhane u sa fhela mbilu ha Mudzimu ho vha lindela mađuvhani a Noaxe, musi gungwa li tshi kha di vhadiwa, hune vha si gathi, vhane vha vha, mimuya ya malo vho tshidzwa nga mađi. (Ni a vhona?)

⁶¹⁸ Zwino, arali na dzhiela nzhele ngomu hafha, ndi humbula uri hoyu mureri o wana iňwe kha . . . tshiniwe tshithu kha muhumbulo muthihi, zwine zwa ḥo fhindulwa nga murahunyana.

⁶¹⁹ Petro ya u Thoma 4...kana 2:4, arali na dzhiela nzhele, “arali Mudzimu songo litsha vharuňwa,” avho *vharuňwa* vho peletiwa hani? Thukhu “v.” Ni a vhona? Zwino, nga hafha, “mimuya ye ya vha i khothoni ye ya si rembuluwe kha u sa fhela mbilu ha maduvha a Noaxe,” vharuňwa vhathihhi. Ho vha hu vhatihu: *vhađinda*, vhareri; “ha ngo litsha vharuňwa.” Naa no vha ni tshi zwi *divha* uri...ipfi *muruňwa* li bva kha ipfi “muđinda”? Ndi vhangana vha no zwi *divha* uri *muruňwa* ndi “muđinda”? Kokotolo, muruňwa ndi muđinda, “huno Ha ngo litsha vharuňwa.” Ni a vhona?

⁶²⁰ Huno nga kha Vhahevheru, ni a zwi elelwa ro fhira khazwo vhege dzi si gathi dzo fhiraho, “vhone vharuňwa”?

⁶²¹ Huno nga kha Vhahe-...kha Nzumbululo, “Kha muruňwa wa tshivhidzo tsha Saradisi ñwala hezwi zwithu. Kha muruňwa wa tshivhidzo tsha Efesa ñwala hezwi zwithu. Kha muruňwa wa tshivhidzo...” Ni a elelwa izwo? Huno ra sengulusa ipfi *muruňwa*, huno u bva kha *thalusamaipfi*, huno ra wanulusa uri li amba “muđinda.” Zwi nga vha “muđinda kha *lifhasi*, muđinđa wa n̄tha ha mupo,” ipfi *muruňwa*.

⁶²² Ngauralo kha heli fhungo, arali ra nga dzhia lexicon huno ra sengulusa, ni do wanulusa uri i thoma kha “muđinda, muđinda wa u thoma.” Ni a vhona, “Arali na...Arali a songo litsha... Arali Mudzimu a songo litsha vharuňwa vhe vha tshinya,” (Ni a vhona?) “na zwivhumbwa zwa n̄tha ha mupo,” (Ni a vhona?) “nga murahu ha u lindela...”

Zwino lavhelesani, o ri:

...arali... a songo litsha vharuňwa vhe vha tshinya,
fhedzi a vha posa heleni, huno a vha vhofha nga tshaini
dza swiswi, kha u lindela khađhulo;

⁶²³ Zwenezwo lavhelesani kha Petro ya u Thoma hafha hafhu, 3:19, lavhelesani nga ndila ine hezwi zwa vhalea zwino:

Ngauri ngazwo o ya a funza kha mimuya i re khothoni;

Ine nga tshinwe tshifhinga yo vha ya u sa thetshesla,
musi u sa fhela mbilu ha Mudzimu ho lindela maduvhani
a Noaxe,...(ni a vhona, ho vha hu *vhađinda* vha
ilo đuvha, *vhađinda*)...musi gungwa li tshi kha di
lugiselwa, hune...ndi he, mimuya ya malo ya tshidzwa
nga madi.

⁶²⁴ Zwino arali na dzhiela nzhele musi izwo zwivhumbwa zwi Tađulu. Zwino, kha Nzumbululo11...kana ndima ya vhu7, ndi a tenda...kana hai, hai, ndi ndima ya vhu12. U ñea tshifanyiso tsha musadzi o ima; ñwedzi u n̄tha ha *thoho* yawe na đuvha... kana, đuvha li n̄tha ha *thoho* yawe na ñwedzi fhasi ha milenzhe yawe. Huno *livhanda* litswuku lo imela u mila Ñwana wawe nga u *tavhanya* musi A tshi tou bebwā, huno a dzhia mutzhila wawe a kokodza tshithihi kha tsha raru tsha ñaledzi dla Tađulu huno

a dici posa kha lifhasi. Naa no dzhieila nzhele izwo? Zwino, izwo a zwi ambi uri Sañhane u na—na mutzhila mulapfu une a kokodza ngawo vhathu, fhedzi “mazwifhi e a *amba*,” huno a kokodza tshipida tshithihi kha zwiraru tsha idzo naledzi. Hedzo naledzi dzo vha dici mbeu ya Abrahamu.

⁶²⁵ Abrahamu o ri, “Oo . . .”

⁶²⁶ Mudzimu o vhudza Abrahamu, “Lavhelesai ngei mañadulu, huno u vhale naledzi arali u tshi nga kona.”

⁶²⁷ A ri, “Ndi nga si zwi kone u zwi ita.”

⁶²⁸ A ri, “Na zwone a u nga koni u vhala mbeu yau,” dzone naledzi.

⁶²⁹ Ndi nnyi a Penyaho na Naledzi Masase? Yeso wa Nazaretha, ene we a penyesa we a vhuya a tshila kha nama ya muthu. Ndi ene a Penyaho na Naledzi Masase. Ndi Ene Mbeu ya Abrahamu, a tshi da nga kha Isaka. Huno riñe, musi ro fa kha Kristo, ro dzhia Mbeu ya Abrahamu nahone ri vhañaifa u ya nga ha pfulufhedziso.

⁶³⁰ Ngauralo naledzi dza tañdulu dici amba maya wa muthu hafha. Huno musi livhanda litswuku (Roma, fhasi ha u tovhola hayo) u kokodza kha zwivhili zwa zwiraru zwa . . . kana tshithihi tsha zwiraru zwa naledzi, huno a dici posa fhasi, ho vha hu kha u vhambiwa ha Murena washu Yeso musi vha tshi Mu landula huno O vha a . . . huno vha Mu bvisela nn̄da nahone vha sa tq̄di tshithu Ngae; ndi heneffho hune i tsho tshipida tshithihi tsha zwiraru tsha vharuñwa vha tañdulu tsha vha, zwivhumbwa zwa vharuñwa.

⁶³¹ Ni a vhona, kha muvhili wañu, nga ngomu hanu . . . (ri na inwe mbudziso kha hezwo, thwii, u i fhindula khwine). Ngauralo musi . . . Nga ngomu hanu hu na maya, muñwe muthu. Nga nn̄da hanu ndi muñwe muthu, nga ngomu hanu ndi muñwe muthu. Nga ngomu hanu ndi wa nt̄ha ha mupo, nga nn̄da hanu ndi wa ñama. Ni a vhona? Huno hoyu muthu, arali ni tshi rangwa phanda nga Muya, nga Mudzimu, ni vha mudinda wa Mudzimu, kana muruñwa. *Mudinda* wa Mudzimu, *muruñwa* wa Mudzimu, kha ipfi l̄ithihi; ni nga si zwi fhandekanye: *mudinda* wa Mudzimu, kana, muruñwa wa Mudzimu.

⁶³² Huno ndi nnyi a na ndango khulwane? Muruñwa a bvaho Tañdulu kana muruñwa kha phuluphithi? Ndi nnyi a re nayo? Muruñwa kha phuluphithi! Paulo o ri, “Arali Muruñwa a bvaho Tañdulu a da a funza mañwe mafhungo-madifha kha inwi nga nn̄da ha aya e nda ni funza, kha vhe o señwaho.” Ngauralo muruñwa o doliswaho nga Muya Mukhethwa na nga Ipfi u ima tsini na Mudzimu. Ndi zwone. Kha Mañadulu, ndango yawe . . .

⁶³³ “Maanda othe ngei Tañdulu na kha lifhasi o vhewa tshandani Tshanga. Tshimbilani, Ndi do tshimbila na vhoinwi. Tshiñwe na tshiñwe tshire na vhofha kha lifhasi, Ndi do tshi vhofha Tañdulu.

Tshiñwe na tshiñwe tshine na tshi vhofholola kha liphasi, Ndi do tshi vhofholola Tađulu.”

⁶³⁴ Oo, arali Tshivhidzo tshihulu tshikhethwa tsha tou limuwa maanda atsho a u ita zwithu. Fhedzi hu na u tima-tima hunzhi na nyofho na u tetemela, u divhudzisa arali zwi nga ralo, “Zwi nga itea?” Musi hezwo zwi tshi kha di vha hone, Tshivhidzo tshi nga si vhuye tsha ima thwii. Huno musi nyambo dzothe dza nyofho dzo no nyamalala huno Muya Mukhethwa u kha ndango yo fhelelaho ya Tshivhidzo, zwenezwo nyofho dzothe dzo tuwa, huno itsyo Tshivhidzo tshi na maanda. Ni a vhona? Ndi ngani, tshi na tshiñwe na tshiñwe tshine Litadulu la langa tshi tshi khou vha tikedza. Ndi vha imeleli vha Khuluñoni kha shango lisili. Kokotolo! Muimeleli wa Kristo u na ndango, huno tshiñwe na tshiñwe tshine Kristo a tshi langa ndi tsha uyo muimeleli. Huno A ri, “Iyani mashangoni othe, ni dzi thanzi Dzanga nga murahu ha musi Muya Mukhethwa wo da kha inwi.” Huno thanzi ndi mini? Ndi muimeleli; ndi u da a tanziela tshiñwe tshithu. Maanda othe a Tađulu a heneffo kha zwanda zwañu! Oo, ndi ngani ri tshi dzula? Huno tshivhidzo tshi sa bebi, huno ra dzula ro ralo ri sa bveledzi tshithu. Ndi nga nthani ha uri a ri limuwi hezwi zwithu.

⁶³⁵ Zwino, mimuya ye ya vha i dzhele (ye ya si rembuluwe), yo vha i si zwivhumbwa zwa Vharuñwa vhe vha—vha diswa phasi nga tshivhumbeo tsha Vharuñwa, fhedzi ho vha hu mimuya ya avho vharuñwa vhe vha wa phanda ha musi shango li sa athu sikwa, murahu musi nndwa i kha di bvela phanda Tađulu. Huno Sathane na—na livhanda who lwa, huno zwenezwo...kana Mikaele na—na na—na livhanda who lwa (na Lucifer). Huno Lucifer o poswa phasi na vhana vhawehothe (na vharuñwa vhawehothe vhe a vha fhura), huno avho vharuñwa vha da kha liphasi huno vha kha u ūoda u vha vhathu. Huno musi vha tshi ralo, ndi hone “he vharwa vha Mudzimu vha vhona vhananyana vha muthuuri vho naka, huno vha diwanelka vhasadzi.”

⁶³⁶ Ndi vharwa vha Mudzimu. Muthu muñwe na muñwe ane a bebwa kha heli liphasi ndi murwa wa Mudzimu. Zwi si na nda vha uri ndi muitazwih kana zwine a vha zwone, ndi murwa wa Mudzimu. O sikwa kha tshifanyiso tsha Mudzimu u itela thendo dza Mudzimu, o sikwa nga yeneyo ndila. Fhedzi Mudzimu u rangani o zwi divha uri ndi nnyi ane a do Mu tanganedza na ane a nga si Mu tanganedze. Zwenezwo-ha A dzula o tela phanda, kana, hu si u tela phanda, fhedzi nga u divhela phanda A nga amba uri ndi nnyi ane a do tshidzwa na ane ha nga tshidzwi, ngauri O zwi divha uri ndi nnyi ane a do dzhia muya ufhio.

⁶³⁷ Huno iyo mimuya ine ya bva kha Khuluñoni ya Mudzimu, huno ya ima phanda ha Khuluñoni ya Mudzimu, huno ya tshila...huno bilioni na bilioni na zwikhala zwa tshifhinga phanda ha musi shango li sa athu vhuya la thoma, kha Vhuhone ha Mudzimu, ni elekanya uri a vha divhi tshiñwe tshithu nga u losha? Vha tsela phasi huno vha džhena kha vhathu, huno

vha losha Mudzimu! Kokotolo, vha losha Mudzimu; huno vha na ndivho ya Mudzimu, nahone vho thanya, na vhukwila, na u funzea, tshifhinga tshothe. Fhedzi Mudzimu o vha landula u bva u rangani!

⁶³⁸ Ngauralo-ha, khonani, vhurađo ha tshivhidzo, kana—kana ndivho ya iñwe thiolodzhi kana tshiñwe tshithu, a zwi na mushumo Nazwo. Zwi tea u vha Malofha a Yeso Kristo na mbebo ntswa ine ya ni ūuma Nae sa muthu muthihi. Khezwo-ha.

⁶³⁹ Mudzimu, u rangani musi A tshi divha... Vhanna na vhasadzi vho itwa muthihi, hu si vhavhili, vho itwa muthihi. Vho fhandekanywa, muñwe a vhewa ñamani huno muñwe a vhewa kha muvhili wa ṭadulu. O zwi divha hezwo. Ngauralo u itela u tikedza hezwo kha inwi: musi Mudzimu a tshi ita musadzi, Ha ngo vhuya a dzhia liñwe buse huno a Mu ita vhunga o ita munna; O dzhia luvhabvu kha lurumbu lwa Adamu, huno a vha tshiñangula tsha munna (ngauri ndi tshipida tshawe). Ni khou Zwi wana zwino? Ni a vhona? Khezwo-ha.

⁶⁴⁰ Khevho vharuñwa. Huno Mudzimu na muya wo ūumanaho na Mudzimu ndi Muya muthihi. Ndi zwone. Zwino, Muya wa Mudzimu une wa dzula kha Tshivhidzo, ndi Muya une wa bva ṭadulu, une Mudzimu o u divha phanda ha musi shango li sa athu sikwa, avho vhe vha hana mazwifhi a diabolo. Huno uyo muya wo tea u dzhia muvhili wa ñama uri u vhe... u vha na u lingwa hawo. O do tea u da nga ñama u fana na vharuñwe vho ralo, huno vhothe vha vhewa kha dzhogo i edanaho. Huno Mudzimu, u bva u rangani o divha mimuya ye ya vha i tshi do ralo, na i sa do ralo. Khezwo-ha. Uyo diablo o ṭalifha nga maanda lu ne a nga fhura vhone vhanangiwa, arali zwi tshi konadzea.

⁶⁴¹ Ngauralo heyi mimuya, havha vharuñwa vhe vha funza, vho vha vha khotthoni; *vharuñwa*, arali na nga dzhieila nzhele hafha, ndi danzi liñku “a” zwine zwa amba “muthu”; vharuñwa, vhađinda hafha kha liphasi. Vho tshinya, huno ndila i yothe ine vha nga ita tshivhi ndi nga u sa tenda! Huno vha... Who vha na vhurereli havho, huno a vho ngo tenda mulaedza wa Noaxe. A vho ngo tenda mulaedza wa Enoko. Huno vha landula Mulaedza wavho, “huno vha hañulwa,” huno Bivhili i ri vho ralo.

⁶⁴² Enoko o vha porofita, a ri, “Murena u khou vhuya na vha zwigidi vhakhethwa Vhawe.”

⁶⁴³ Huno vhaporofita. Huno Noaxe a fhaña gungwa, huno vha ri, “Ndi muvhumbuluwi mukhethwa! Ndi wa vhusweleli! A hu na tshithu tsho raloho sa mvula i no khou da.” Huno miñwaha ya ñana na fumi ya fhira, huno o vha a na vhurereli he ha vha hu na u tshidza khaho, ho vha hu na ndila ya u tshidzwa yo ñetshedzwaho, fhedzi vho vha fushea kha nyimele yavho.

⁶⁴⁴ Ndi nga ndila ine zwa vha nga ngayo ñamusi, uri vhathu vho fushea kha nyimele dzavho. Fhedzi hu na ndila ya u ponya, huno

iyō ndila ndi nga kha Yeso Kristo. Amen. Khezwo-ha: lushaka luthihi, mimuya mithihi.

⁶⁴⁵ Huno zwa vhukuma vho vha vha vhathu vha vhurereli, vha vhurereli nga maanda, fhedzi vho pfukwa nga muano wa mulanga.

⁶⁴⁶ Ngauralo zwe tou ralo na ḥamusi. Muthu u ya tshivhidzoni, huno vha dzhoina tshivhidzo tshihulu, huno a lingedza u vha muthu a ḥivheaho kha dorobo. Arali vha tshi khou ṭoda tshivhidzo, vha wana vha ḥthesa doroboni, vha khwine na vha humbulwaho-luvhuya doroboni. Nga vhukule-đe hune vha pfukwa nga mbidzo! Nga vhukule-đe hune vha pfukwa Ngayo!

⁶⁴⁷ Ndila i yothe ine na nga vhuya na divha Yesu Kristo ndi nga nzumbululo ya tshimuya, hu si nga thiolodzhi na uri ni vhala hani Bivhili. Kana ni vha Mukriste wa Saintsi, Methodisi, Thanzi dza Jehova, kana tshiñwe na tshiñwe tshine na vha tshone; zwi si na ndavha uri ni mini, a ni nga I ḥivhi nga Ipfi, ndi Muya wa Mudzimu une wa dzumbulula Ene kha inwi. Ndi nzumbululo ya tshimuya!

⁶⁴⁸ Musi Adamu, ngei ngadeni ya Edeni, na Efa, musi avho vhana vha tshi pandelwa, hafha hu da Kaini na thiolodzi yavhuđi. O ri, “Mudzimu u tea u zwi ḥivha uri ndi khou ita hezwi u bva vhudzivhani ha—ha mbilu yanga. Ndi do fhaṭa aleṭare yavhuđi, ndi do vhea maluvha khayo, ndi do vhea mitshelo khayo, ndi do i ita ya naka. Zwa vhukuma ndi nga takadza Mudzimu nga hezwi nahone nda Mu tendela a ḥivha uri ndi a fulufhedzeaho mbiluni yanga.” O vha a khou amba ngoho u ya nga he Ipfi la ya; Mudzimu o ṭoda u loshwa, o ya u losha. O ita fhethu havhuđi ha u losha, huhulu, holo khulu (sa zwine vha zwivhidza ḥamusi). Huno a i ita nga ndila yone, o i fhaṭa nga ndila yone huno a vhea aleṭari khayo; o vha a si mudzia-u sa tenda.

⁶⁴⁹ Fhedzi Abele, kha Ipfi la Mudzimu... Ho vha hu si na Bivhili yo no ḥwaliwaho nga itsho tshifhinga, fhedzi Mudzimu o mu dzumbululela uri ho vha hu si mitshelo ye ya ri bvisa ngadeni ya Edeni, ho vha hu si maapula e Adamu na Efa vha la, zwavhukuma ho vha hu zwithu zwa vhudzekani zwe zwa vha fhandekanya na u vha khetha. Huno vha tshi ḥivha uri ndi vha u fa, huno nga kha malofha a Adamu, huno na nga kha malofha a ḥnowa ye ya thoma hezwi, Abele, nga nzumbululo Khethwa, o ya a wana ngwana a i ḥnekedza. Huno Mudzimu a ri, “Ndi Zwone!” Zwa vhukuma.

⁶⁵⁰ Musi vha tshi tsa fhasi ha Thavha ya Tshandukiso, Yesu o ri, “Naa vhathu vha ri N̄e Murwa wa muthu ndi nnyi?”

⁶⁵¹ “Vhañwe vha ri U ‘Mushe,’ huno vhañwe vha ri U ‘Eliya,’ huno vhañwe vha ri U ‘Yeremia,’ huno vhañwe vha ri U ‘Muporofita.’”

⁶⁵² A ri, “Fhedzi inwi ni ri ndi Nñe Nnyi?”

⁶⁵³ Petro a ri, “Iwe u Kristo, Murwa wa Mudzimu a Tshilaho.”

⁶⁵⁴ O ri, “Mufhaṭutshedzwa ndi iwe, Simon Bar-jona, ngauri nama na malofha a two ngo u dzumbululela hezwi.” (Lavhelesani!) “Hu si nga kha luñwalo, hu si nga kha tshikholo; a ni ngo vhuya na zwi guda kha seminari, kana muñwe muthu o ni vhudza. Nama na malofha a two ngo u dzumbululela, fhedzi Khotsi Anga vhane vha Tađulu vho ni dzumbululela zwone kha inwi. Nahone n̄tha ha heli tombo Ndi ḫo fhaṭa Tshivhidzo Tshanga, nahone khoro dza hēle a dzi nga Tshi kundi.” Khezwo-ha. Khetsho-ha Tshivhidzo tsha Mudzimu a tshilaho. Ndi zwone. Kha itsho tshivhidzo... Kha iyo *nzumbululo*, hetshi Tshivhidzo tsho fhaṭiwa. Ndi nzumbululo Khethwa ye Mudzimu a dzumbulula, uri Yesu Kristo ndi Murwa wa Mudzimu, huno ni a Mu ḫanganedza sa Mutshidzi wañu, no bva lufuni na ya Vhutshiloni.

⁶⁵⁵ Huno Muya Mukhethwa u khou tshimbila na u shuma kha mirađo ya Muvhili. Khetsho Tshivhidzo! Hu si na ndavha uri tsho shaya, nahone tshi kha midavhi, huno ni ima fhasi ha muri wa muphaini huñwe fhethu, kana huñwe na huñwe hune zwa vha, arali hu nn̄du ya muñwe muthu kha muñangano wa tshidzumbe, zwi si na ndavha hune zwi nga vha hone. Lunako na zwithu a zwi vhofhi Mudzimu. Ndi u fulufhedzea ha mbilu nga nzumbululo uri Yesu Kristo o vhonadzwa sa Murwa wa Mudzimu, Mutshidzi washu. Amen!

⁶⁵⁶ Nne, ri... a ni vhuyi na wana hezwi, ni tshi fhira nga u ralo, naa ri ḫo ralo?

⁶⁵⁷ Ndi havho vhane vha...nga henefho vhane O ya u; vharuñwa: vhadinda, avho vhareri, avho vha vhavhuṭali, avho vhadinda vhe vha si tende musi Noaxe a tshi ya u rera khavho huno a vha vhudza, “Ndi ngani, vha ḫa kha heli gungwa.”

⁶⁵⁸ Vha ri, “Thesthelesani kha hoyu muvhumbuluwi-mukhethwa. Thetshelesani kha uyo wa vhusweleleli. Mulandu, a hu na mvula. Ndi nnyi o no vhuyaho a pfa nga tshithu tsho tou ralo-ho? Mulandu, nñe nñe, naa a ri na zwivhidzo? Naa a ri vha vhurereli?” Mulandu, vho vha vha vha vhurereli!

⁶⁵⁹ Yesu o ri zwi ḫo vha murafho we wa fhira zwenezwo, uyo murafho u ḫo dovhola hafhu phanda ha u Vhuya Hawe, “Vhunga two ralo mađuvhani a Noaxe, zwi ḫo ralo kha u vhuya ha Murwa muthu. Ngauri vho vha vha tshi khou la, vha tshi khou ñwa, vha tshi khou mala, vha tshi nekedzwa mbinganoni.” Vho vha vha na Reno, Nevada zwenezwo, huñwe fhethu. Vho vha vha na tshaka dzothe dza maloto dzine vha vha nadzo ñamusi; guvhanganu, na u thamukana, na u nyefula, u goda na zwiñwe; vha tshi vha na tshivhumbeo tsha vhukhethwa, fhedzi vha tshi hana Ngoho: mulanga, Mulaedza wa tshilidzi. Mudzimu a tshi khou ita ndila Yawe, a tshi fha vhatu mulanga Wawe—Wawe,

uri vha nga ponya hani; Zwo vha zwi na u tshidzwa khazwo, u tshidzwa ho vha hu fhethu ha u ponya.

⁶⁶⁰ “Ndi mini zwine ra ṭoda kha u tshidzwa?” Namusi vhathu vha ri, “Naa a ri khou tshila fhasi ha muvhusi wa mbofholowo? Ri kha di ṭoda mini?”

⁶⁶¹ A thi na ndavha uri ri khou tshila kha muvhuso wa mbofholowo, ri khou ṭoda Malofha a Yesu Kristo. Ndi zwone! Ri khou ṭoda Kristo. Ndi a livhuwa muvhuso wa mbofholowo; zwine a zwi na, mushumo na tshidzo ya muya. Zwa vhukuma! Iyo mivhuso i do fhira, huno lushaka luñwe na luñwe lu do fhira. Huno ndo ima nga... hune farao o ima, huno ni tea u gwa mitha ya fumi u tsa fhasi u wana khuluñoni dzavho he vha dzula. Vhofarao vhothe na mivhuso yavho ya lino lifhasi, na lunako lwayo zwi do kundelwa na u nyamalala, fhedzi Yehova u do vhusa u swikela, ngauri Ndi Mudzimu a sa fi. Ro khwañtha ro ima kha Tombo Kristo Yesu, ngauri mañwe maimo ndi mañuvha u mbondomelaho.

⁶⁶² A thi na ndavha uri ndi... mivhuso i do ima na u wa, fhedzi oo, a hu na tshithu... A thi na ndavha uri ndi... tshiñwe na tshiñwe; a hu na tshithu tshi re hone, a hu na (nđala kana mañeteletele kana tshiñwe na tshiñwe) tshire tsha nga vhuya tsha ri fhandekanya na lufuno lwa Mudzimu lune lwa vha kha Kisto. Musi muthu o bebwa nga Muya wa Mudzimu, fhedzi ndi tshivhumbwa tsha U Ya Nga Hu Sa Fheli. Amen. O bva lufuni u ya Vhutshiloni. O bva kha... O fhira kha tshikhathi tsha tshifhinga, kha U Ya Nga Hu Sa Fheli. Ha nga vhuyi a lovha! Huno Mudzimu o ana uri U do mu vusa nga mañuvha a u fhedza.

⁶⁶³ Huno vha nga vha na tshividzo tshavho tshihulu, na zwifhinga zwavho zwihiulu, na zwine na tama, huno na amba miswaswo huno na vha na mitambo yanu ya Bunco, na zwilalelo zwa madekwana na tshiñwe na tshire na ṭoda; huno ni vhe na vhareri vho funzeaho vho ima heneffo. Khamusi a nga ita mushumo wa khwine khazwo u fhira vhañwe vha vhatukana vha kale vhane vha kundelwa u divha na dici ABC. Fhedzi ndi khou vha vhudza ngoho, ndi nga vhumbwa nda vha na mutukana a sa divhi ABC a tshi khou funza kha nne (vhane vha divha Kristo) u fhira vhoratheołodzhi vhahulu vha re hone na pfunzo yanu yothe ine ya nga humbulwa ngayo. Zwa vhukuma!

⁶⁶⁴ Fhasi hafha Kentucky, hu si kale, mutukana muñuku wa kale a sa koni u vhala dzina lawe, o ri Murena o mu vhidza uri a funze nahone o ṭoda tshikolo tsha nđuni. Mulandu, vhamulayo vho vha vha nga si mu tendeli uri a vhe nayo. Vhañwe vhareri vhahulwane vho da nga hanefho na tshifaro kha dzina lawe nga u ralo, vhañwe madokotela mahulu a vhukhethwa, mulandu, vha mu tendela a vha na tshikolo. Zwa vhukuma. A fara vhege mbili dza mvuseledzo, hu si vhe na muya na muthihi. Huno khotsi awe vha humela murahu, vha ri, “Zwino mu litsheni a vhe natsho, ndi

mubadeli wa muthelo, ndi na pfanelo ya uri mutukana wanga a vhe natsho. Huno mutukana wanga u tea vha natsho nae-vho.”

⁶⁶⁵ Ngauralo a humela murahu u wanulusa, huno a vha vhudzisa, vha ri, “Zwo luga, ri do mu tendela a vha natsho lwa vhusiku vhuvhili fhedzi.” Huno vha bvela phanda huno vha mu tendela a vha natsho masiku mavhili.

⁶⁶⁶ Huno uho vhusiku mutukana mučuku wa kale a takuwa nahone a sa koni na u vhala Bivhili, a toda na muňwe muthu a mu vhalela. Fhedzi musi a tshi gonya kha pułatifomo, o vha o doliswa nga Muya Mukhethwa. Huno musi a tshi rera, vha no swika fumi vha da kha aļetari; huno uyo mureri wa mačelele a ya Khalivari nga mičodzi, kha alītare.

⁶⁶⁷ Zwa vhukuma, murathu, a si—a si zwine na divha, ndi Ane na divha. Ndi wone muhumbulo, ndi zwine zwa džhia, zwa dzhia u divha Kristo. U Mu divha, ndi Vhutshilo; u Mu landula, ndi lufu.

⁶⁶⁸ Nga u ḥavhanya kha iňwe mbudziso, mbudziso zwino i no ya phasi Georgia:

67. Naa matombo kha... o fanyiswaho kha Nzumbululo 21:19 na 20?

⁶⁶⁹ Arali ni tshi takalela u dzhia tshifhinga na vula Bivhili džanu, zwine a ri na tshifhinga tshinzhi zwino, fhedzi ndi do lingedza u dzi fhindula nga u ḥavhanya. Nzumbululo ya fumi-... Ndi a tenda ndi 21:19 na 20. Ee.

⁶⁷⁰ Zwo luga, heneffo ni do wanulusa uri o vha a tshi khou amba nga matombo e a vha a kha tshifhačo. Huno matombo o vha a mutheo. Arali na nga dzhieila nzhele... Ndi a tenda uri ni nayo heneffo, Mukomana Neville. Huno tombo linwe na linwe lo vha li mutheo. Hu si tombo lithihi mutheo, na maňwe... fhedzi tombo lithihi ho vha hu mutheo. Tombo linwe na linwe lo vha li mutheo. Huno ho vha hu na matombo a fumimbili. Huno arali na dzhieila nzhele ayo matombo a fumimbili, na dzhia linwe na linwe... La u thoma ndi jasper, na saradisi, na zwiňwe zwi ngaho izwo, zwi tshi imelela tombo linwe na linwe.

⁶⁷¹ Kha Bivhili heneffo ni do wanulusa uri a vhidza maňwe matombo. Maňwe a hone phambano ḥukhu, a ni athu vhuya na a pfa. Arali ni tshi sedza kha ḥalusamaipfi ni wanulusa uri ndi tombo li fanaho, ho tou fhambana madzina; o shandukiswa.

⁶⁷² Fhedzi a thoma nga—nga jasipa. Jasipa lo vha li tombo la—la Benjamin, kana, tombo la... oo, murwa wa u thoma, Rubeni. Tombo la u thoma ho vha hu Rubeni, zwine zwa vha jasipa. Tombo la u fhedza ho vha hu Benjamini, tombo la u fhedza n̄ha.

⁶⁷³ Zwino, haya matombo a fumimbili ane mutheo wo vhewa khawo, ayo—ayo matombo o nembelela kha tshipilelakhana tsha Aaroni. Huno a—a imelelwa, o vha a tshifhe muhulu wa hedzi—hedzi tshaka. Linwe na linwe la matombo a mabebo hafha, kha hetshi—hetshi tshipilela. Huno musi vhatu vha tshi vhona

hetshi tshipilela, vho limuwa uri Aaroni o vha a tshifhemuhulu wa idzo tshaka dzothe, musi vha tshi vhona tombo la mabebo kha hetshi tshipilela.

⁶⁷⁴ Zwino, musi ri tshi dzhena a no matsheloni kha mulaedza wa Mukomana Neville. Huno lunzhi vha tshi disa Urim Thummim. Ni zwi vhona zwi tshi bulwa kha Bivhili sa ndila ine vha divha uri ndi mulaedza wa Ngoho kana hai. Ayo matombo, musi vha tshi ya u amba zwe muthu a amba, muporofita o porofita, huno ayo matombo a taidza othe. Tsho ita mutingati wa tshedza une wa penya, huno jasipa, na khunabulu, na hayo maniwe matombo a tshi khou taidza tshedza tshao, zwo ita muhulu wo nakaho muvhala wa musengavhadzimu we wa tuma zwithu zwothe fhethu huthihi.

⁶⁷⁵ Zwino, zwino, namusi, musi iyo Urim Thummim yo tuwisa na uvho vhutshifhe, zwino heyi Bivhili ndi Urim Thummim ya Mudzimu namusi. Huno musi mureri a tshi funza, a zwi tei u tou vha tshipida tshithihi hafha, nahone zwa vha zwothe zwine a vhea fulufhelo lawe khazwo; zwi tea u vha Bivhili i tshi khou sumbedza mulaedza une munna a khou rera. Ndi tshenetsho tshithu. Hu si fhethu huthihi, huno na ri, "Zwo ralo, Bivhili i amba hezwi." Oo, zwa vhukuma, i amba zwithu zwinzhi. Fhedzi ni tea u i dzhia yothe na i vhea fhethu huthihi. Huno musi Muya wa Mudzimu u tshi da wa dzhena kha—kha Ipfi, U li vhea lothe na u vhonadza Tshedza tshithihi tshihulwane, huno itszo Tshedza ndi Yesu Kristo. Amen.

⁶⁷⁶ Zwino, haya matombo a fumimbili ho vha mitheo ya fumimbili ye ya thomiwa u bva kha Rubeni, na Gadi, na u tsa fhasi kha Benjamin; tshaka dza fumimbili, matombo a fumimbili. Huno ayo matombo kha Thembele, kha Jerusalema la Taadulu liswa, mutheo muñwe na muñwe u do vhewa kha vhokhotsi.

⁶⁷⁷ Zwino lavhelesani, ni limuwa matombo, zwino ni khou ya u vha lavhelesa avho vhokhotsi vha tshi vhonala kha tshinwe tshithu, kha iñwe mbudziso.

68. Kha vha talutshedze—talutshedze ya vhuna...mavhanda mana a Nzumbululo 5.

⁶⁷⁸ Mukomana Neville, arali ni nayo tsini, kana vhañwe vha vhoinwi, ya Nzumbululo 5, ri do vhala hezwo lwa minete. Ndi—ndi tshifanyiso tsho nakaho hafha tsha... Hafha, ndi natsho nne muñe, Nzumbululo ndima ya vhu5:

*Huno nda vhona kha tshanda tsha u la tsha uyo
we a vha o dzula kha yone—kha yone khuluñoni bugu
yo nwaliwa nga ngomu na nga nnnda na—na—na nga
murahu, yo pfunelwa nga mapfundo a sumbe.*

Huno nda...

⁶⁷⁹ Zwino, a si afho fhethu. Ndi khou tou lindela u ya phandanyana, mavhanda maṇa. Kha ri vhone, ndimana ya vhu14. Zwo luga, muṇe wanga. Zwino hafha khezwi, ndi zwone. Zwino kha ri thome hafha kha—kha ndimana ya vhu12, hai, ndi a kholwa . . . “Huno mavhanda maṇa a ri, ‘Amen.’” Hai, hu na fhethu huṭuku murahu ha hafho, Mukomana Neville. “Vhonani, ndo pfa ipfi . . .”

⁶⁸⁰ Kha ri vhone, lwa minete, ndo vha ndi khou zwi vhala tshifhinganyana tsho fhiraho. Oo, hafha khezwi, kha ri thome kha ndimana ya vhu6. Yone ndimana ya vhu5:

Huno muṇwe wa vhahulwane a ri kha nne, U songo tswimila: vhona, Ndau ya lushaka lwa Ŷuda, Mudzi wa Dafita, yo kunda u vula bugu, na u pfuṇulula . . . mapfundo zwenezwo.

Huno nda vhona, huno, . . . vhukati ha khuluṇoni na . . . mavhanda maṇa, huno, na vhukati ha vhahulwane, ho ima Ngwana vhunga, yo tou vhulawa, i na ṭhoho dza sumbe na maṭo a sumbe, ine ya vha Mimuya ya sumbe . . . yo rumelwa nn̄da u bva kha . . . kha lone ḥifasi.

⁶⁸¹ Ndi khou ṭoda ni tshi fara heyo mbudziso, huno arali nda sa i wana ndi tshi tsa lwa minete, Ndi khou ṭoda ni tshi i vhuisa murahu hafhu, ndi khou ṭoda u shuma kha hezwo, “yone Mimuya ya sumbe na maṭo a sumbe e a vha a kha Ngwana.” Oo, ndi tshithu tshavhuđi tsho nakaho. (Zwo luga, ri khou ṭoda u wana mbudziso ya uyu murathu zwino.) Zwo luga, ni songo hangwa hezwo zwino.

Huno a da a dzhia bugu kha tshanda tsha u la tsha uyo o dzulaho kha khuluṇoni.

Huno musi o no i dzhia, mavhanda maṇa na one magota a fumbili-iṇa a wela fhasi phanda ha ngwana, . . . muṇwe na muṇwe wavho a na zwihwana, . . .

⁶⁸² Zwino, ndi one—one maṇa—one maṇa mavhanda hafha, ni do nzhiela nzhele. Zwino kha ri ye phanḍa ri tou vhala zwiṭukunyana:

. . . zwiṭhwana zwiṇa, . . . zwo ḫala mat̄hupho na minukho, . . . na thabélo dza vhakhethwa.

Huno vha imba luimbo luswa, . . . Iwe wo fanelwa . . . (huno vha bvela phanḍa huno vha ita dzavho . . . u losha havho kha Murena)

⁶⁸³ Zwino, haya mavhanda maṇa a Nzumbululo, arali na a dzhieila nzhele, fhethu huṇwe nā huṇwe . . . (Vhoiṇwi vhavhalli vha Bivhili, vhane vhathu vha khou ya u thetshelesa kha heyi theiphi rekhodo). Ayo mavhanda maṇa, o vha a na zwifhaṭuwo zwiṇa: tshiṇwe tsho vha tshi na tshifhaṭuwo tshi ngaho tsha

muthu, tshiñwe tshi na tshifhañwo tshi ngaho tsha phulu, huno tshiñwe tshi na tshifhañwo tshi ngaho tsha goni, huno tshiñwe tshi na tshifhañwo tshi ngaho tsha ndau. Huno a vha vhuyi vha ya murahu, a vha koni u ya murahu.

⁶⁸⁴ Naa ndi vhangana vha no elelwa bugu ya kale ya Nzumbululo musi vha tshi i funza miñwaha yo fhiraho, musi ndi tshi fhedza miñwaha mivhili kha Bugu ya Nzumbululo? Vhathu vhanzhi vhakale vha ya ralo.

⁶⁸⁵ Lavhelesani, zwo vha zwi sa koni u humela murahu, ngauri ndila iñwe na iñwe ye a fara yo vha i tshi khou bvela phanda. Arali zwo ya zwa bva nga *heyi* ndila, zwo vha zwi khou tshimbila sa muthu; arali zwo bva nga *heyi* ndila, zwo vha zwi khou tshimbila sa ndau; nga *heyi* ndila, vho vha vha tshi khou ya u vhonala sa goni; arali vho bva nga *heyi* ndila, vho vha vha tshi khou ya u vhonala sa phulu. Ni a vhona, vho vha vha sa koni u humela murahu, vho vha vha tshi khou ya phanda tshifhinga tshoñthe.

⁶⁸⁶ Zwino hayo mavhanda maña. Zwino uri ni t̄avhanye u wana hezwi, ngauri a thi ḥodi u dzulā tshifhinga tshilapfu kha hezwi. Fhedzi mavhanda maña... One *mavhanda*, kha Bivhili, a imela “maanda.” Huno ni džhiela nzhele uri haya mavhanda o vha a si ho nn̄da kha tivha kana kha lwanzhe huñwe fhethu a tshi khou da, fhedzi o vha a kha Khuluñoni ya Mudzimu, nahone o vha a tshi khou losha Mudzimu. Ayo mavhanda maña a amba maanda maña e a bva kha l̄ifhasi, huno ayo maanda maña o vha a Mafhundo-madifha maña: Mateo, Mariko, Luka, na Yohane; a hu na a no hanedza muñwe.

⁶⁸⁷ Huno mañwe ao, one... Sa Mafhundo-madifha a tshi ya sa ndau, ndi tsinde, o dzingindela; Mafhundo-madifha a na tshivhindi sa ndau, nahone a khosi sa ndau. Arali a ya kha lurumbu lwa tshifhañwo tsha muthu, o ḥalifa na u thanya sa muthu. Arali a ya kha goni, a na phapha khulu na vhulapfu. A... Ni a vhona zwine nda khou amba? Arali a ḥuwa sa phulu, ndi bere i shumaho ine ya nga kokodza, phulu i shumaho ine ya kokodza wone—wone—wone muhwalo wa Mafhundo-madifha. Mavhanda maña ho vha hu maanda maña, a ne o vha: Mateo, Mariko, Luka, na Yohane; Mafhundo-madifha maña ane a pfala Vhuhoneni ha Mudzimu. Izwo ho vha hu...

⁶⁸⁸ Arali na džhiela nzhele, zwo vha zwi na maño nga phanda na nga murahu. Zwo—zwo... Huñwe na huñwe hune zwa ya, zwo vhonadza. Zwo vhona huñwe na huñwe he zwa vha tshi khou ya. Huno ayo ndi maanda a Mafhundo-madifha vhunga a tshi bvela nn̄da, zwi nga... A na u thanya ha muthu; a na u fhufha ha goni; a na—na—na maanda, maanda a dzhogo, u kondelela u fana na phulu; a na—na tshivhindi na u sa ofha ha ndau. Ni a vhona, ndi Mafhundo-madifha maña, zwine a vha maanda maña a Nzumbululo, ndima ya vhu4.

Zwo luga, zwino i no tevhela:

69. Ndi vhonnyi magota a fumbili-iṇa? Zwo luga, ndi a tenda uri zwi ḍo vha kha—kha... **Ndi vhonnyi magota a fumbili-iṇa?**

⁶⁸⁹ Zwino izwo two leluwa, ri nga dzhena khazwo. Magota a fumbili-iṇa o vha o dzula phanda ha Khuluṇoni. Izwo ndi kha... Ndi a tenda ndi kha ndimana ya vhu⁴, ndi hune ya wanala hone. “Huno ha bva muṇwe...” Ndi tea u... Kha ri vhone, ndi na... 4:10.

⁶⁹⁰ Zwo luga, yone Nzumbululo, ndima ya vhu⁴, huno na ndimana ya vhu¹⁰. Ndi zwone. Ri ḍo dzhena khayo.

Huno magota a fumbili-iṇa a gwadama phanda hawe we a dzula kha khuluṇoni, huno a losha uyo ane a tshila lini na lini, huno vha posa khare dzavho phanda ha khuluṇoni a tshi ri,

Iwe wo fanelwa, O Murena, u tanganedza vhugala na khuliso na maanda: Ngauri iwe wo sika zwithu zwothe, u itela u takadza iwe zwi hone nahone two sikelwa zwenezwo.

⁶⁹¹ Zwino magota a fumbili-iṇa. Gota ndi mulavhelesi. Zwino dzhielani nzhele, ho vha hu na vhokhotsi vha fumimbili na vhaapostola vha fumimbili. Huno vho vha vho dzula, vha fumimbili kha luṇwe lurumbu huno vha fumimbili kha luṇwe. Ho vha hu na vha fumiṇa-iṇa, vhane vha vha vhokhotsi vha fumimbili kha luṇwe lurumbu, Testamennde Ndala; na vhaapostola kha luṇwe lurumbu, vha Testamennde Ntswa. Naa Yesu ha ngo ri “Ni do dzula kha khuluṇoni dza sumbe, ni tshi khou haṭula tshaka dža fumibili dza Isiraele”?

⁶⁹² Zwino, yone mitheo. Lavhelesani, hu na muri heneffo. Huno muri kha liṇwe sia u aṇwa mitshelo ya tshaka dza fumimbili. Huno vha fula mitshelo yavho luthihi nga nwedzi, zwine zwa vha miṇwedzi ya fumimbili nga nwaha. Vha ḡekedza mitshelo ya tshaka dza fumimbili nwaha muṇwe na muṇwe u tshi fhela. *Fumimbili*, kha “u losha” nomboro, ni a vhaba. Huno hu na magota a fumbili-iṇa, vha ḍo vha fumbili-iṇa, vhaapostola vha fumimbili na vhokhotsi vha fumimbili. Vho dzula kha Khuluṇoni.

⁶⁹³ Zwo luga, zwino ndimana ya vhu⁴, kana, mbudziso ya vhuṇa:

70. Naa ludugu lutswuku kha Genesi 38 lu imela mini?

⁶⁹⁴ Ludugu lutswuku, arali na nga dzhieila nzhele, ho vha hu Juda. Huno o vha a na vharwa, huno muṇwe wa vharwa vhawé a mala musadzi wa Mukanana. Huno hoyu musadzi wa Mukanana o vha a si na vhana, huno murwa wawe a lovha. Zwenezwo, mulayo zwenewo wo vha u wa u dzhia... murwa a tevhelaho o vha a tshi tea u dzhia mufumakadzi wa mukomana huno a vusa

mbeu ya mufu. Huno hoyu murathu a si zwi ite nahone a ita zwine a funa, huno Murena vha mu vhulaya. Zwenezwo o vha a na muñwe murwa muñku; ngauralo Yuda a ri, “Lindela u swika murwa a tshi hula . . . a tshi aluwa u vha kha tshiimo tshine u nga mu mala.”

⁶⁹⁵ Huno musi a tshi aluwa u swika fhethu hune a nga mala vhasadzi vhavhili vha vhakomana vhawe, zwo ralo, o vha o tea u mu dzhia zwenezwo, u vusa mbeu kha vhahawé vhe vha vha . . . vhe vha lovha phanda hawe. Juda a si fhe mufumakadzi (musadzi wa Mukanana) murwa, mutukana, huno a sokou mu litsha a bvela phanda. Ngauralo a vhona uri o vha a tshi khou khakha, ngauralo a bvela nn̄da huno a diputela tshifhañuwo nga luñwenda, huno a dzula fhethu ha nnyi na nnyi vhunga phombwe.

⁶⁹⁶ Juda a fhira nga henefho huno a dzhia musadzi sa mufumakadzi wawe, huno o vha a phombwe, huno a mu ñivha. Huno a ri, a ri, “Zwo ralo, ndi tshifhio tshine wa ño mpha?” Huno a ri . . . a ri . . .

⁶⁹⁷ A ri, “Ndi ño u fha—fha ñwana.” A ri, “Zwo ralo, mphe tshiga tsha uri u ño zwi ita.” Ngauralo a dzhia zwithu zwawe na rinngi na zwiñwe, huno a dzula nazwo.

⁶⁹⁸ Huno musi vha tshi ñisa ñwana, vha si wane phombwe, ngauri o vha a si phombwe.

⁶⁹⁹ Nga murahunyana, a sumbedza uri u khou ya u vha mme. Huno musi a tshi sumbedza uri u khou ya u vha mme, vha ña vha vhudza Juda, “Mazwale wau o tamba tshipiða tsha u vha phombwe.” A ri, “Ngauri u—u tea u vha mme, nahone vhatukana vhau whoþe vho fa.”

⁷⁰⁰ A ri, “Zwo ralo, u ño vhidzwa, nahone a vhiswa.”

⁷⁰¹ Huno ngauralo a isa mulaedza kha Juda, huno a ri, “Muthu we a ita hezwi, ndi muñ we hezwi zwithu na rinngi.” Zwo luga, ho vha hu mazwale wawe.

⁷⁰² Huno a ri, “O luga u fhira na nn̄e.”

⁷⁰³ Zwino, musi a tshi ñivha uri vhana vhawe vha tsini na u bebwa, vho vha vha malwelavanda. Huno musi malwelavanda . . . Tanzhe li tshi tea u bebiwa, maitele a kale a Vhayuda, tanzhe li na vhulaifa, ñwana wa u thoma u bvela nn̄da. Huno hezwo, elelwani, ho vha hu ñwana wawe wa u thoma. A hu na na muthihi wa vhatukana o vhaho na ñwana nae. O vha a sa athu vha na ñwana u swika nga tshino tshifhinga.

⁷⁰⁴ Huno musi ñwana wawe wa u thoma a tshi bvelela, ho vha hu tshanda fhedzi. Huno mubebisi a vhea ludugu lutswuku khatsho, ngauri ludugu lutswuku lu amba ndamulelo uri murwa wa u thoma wa tshipofu Maria u ño vha . . . na ludugu lutswuku lwa ndamulelo.

⁷⁰⁵ Huno musi a tshi humisa tshanda tshawe murahu, u la muñwe a mbo di bva u thoma. Huno müsi o ralo, a ri, "Ndi ngani no ita hezwi? Houlà muñwe u na vhulaifa."

⁷⁰⁶ Ngauri ndi zwine Genesi 38 ya amba, ni a vhona. Zwauri tanzhe li tshe lo sala u swika u vhuya ha Murena Yesu Krsito. Uri tanzhe lo vha li fhasi ha mulayo wa ndamulelo.

⁷⁰⁷ Ni a divha ndo ri... meila thukhu, ni a divha, ndo no amba nga hazwo, uri maço ayo o vha... tshiñwe na tshiñwe, ndevhe dzayo dza nembelela, fhedzi, arali yo bebwa na vhulaifa, i si na mulandu, ngwana yo khunyelelaho yo fa vhuimoni hayo. Kheyo henehfo.

⁷⁰⁸ Ngauralo zwe vha zwi zwa vhulaifa. Nwana wa u thoma we a bva kha mme, huno vha vhona itsho tshanda (huno vha zwi divha uri tshi nga di humela murahu hafhu). Huno musi a tshi bvisa tshanda tshawe u sumbedza uri u naho, o vha a tanzhe, mubebisí a vhofha ludugu lutswuku u mona natsho huno a humisa tshanda tshawe. Ni a vhona? Fhedzi, zwa vhukuma, o vha a wa u thoma. Izwo ho vha hu ludugu lutswuku, ludugu lutswuku lu na...nga kha Bivhili yothe, lu amba ndamulelo; zwine lwo vha lu tshi khou amba nga ha u da ha murwa wa u thoma.

⁷⁰⁹ Bere ya u thoma u bebiwa, kholomo ya u thoma u bebiwa, tshiñwe na tshiñwe tshine tsha vha thone, tshiñwe na tshiñwe tshe tsha bebiwa (tshe tsha da) tsho vha tshi fhasi ha ndamulelo, tsho tea u lamulelwa; tshiñwe na tshiñwe tsho tea u lamulelwa! Haleluya! Oo, izwo zwi tou nyanyula. Naa ni khou zwi wana? Tsha u thoma tsho tea u rengululwa. Ho vha hu mulayo. Dzina la Murena kha li rendwe!

⁷¹⁰ Huno musi Yesu Kristo a tshi bebiwa, O rengulula shango lothe. Zwa vhukuma, O ralo. O vha a Mulamuleli wa tshivhumbwa tshiñwe na tshiñwe tshe tsha vhuya tsha vhumbiwa kha lifhasi. O vha a Mulamuleli. Huno kha... ndamulelo yothe yo dzula Khae, huno a hu na ndila na nthihi ine ni nga da nga mishumo yavhudzi, nga u dzhoina tshivhidzo, kana tshiñwe na tshiñwe tshine tsha vha thone; ni tea u da nga ulwo ludugu lutswuku, uyo Mulamuleli, uyo Mulamuleli wa lushakani.

Zwo luga, zwino i no tevehela ndi:

71. Dzi gai mpho... Ndi dzifhio mpho dzine dza khou tea u rumelwa zwi tshi kwamana na lufu lwa thanzi mbili dza Nzumbululo 11?

Oo, Mukomana Palmer, arali ni nga si vhudzise dziñwe mbudziso!

⁷¹¹ Zwino, ndamulelo, holwu ludugu hafha, holwu ludugu lutswuku hafha, ri lu vhona lu tshi amba ndamulelo.

⁷¹² Zwino mbudziso i no tevhela ndi:

Naa dzimpho ndi mini kha Nzumbululo 11?

⁷¹³ Hu khou da tshifhinga... Zwino hezwi zwi khou ya u fhindula mbudziso ye ya vhudziswa vhuñwe vhusiku, uri muñwe mufunzi wa khonani yanga o ñwala nga ha Vhayuda, uri zwi do vha hani.

⁷¹⁴ Zwino havha Vhayuda vha na miñwaha miraru yo fulufhedziswaho vhone. Ndi vhangana vha no ñivha izwo? Vhege dza fusumbe dzo vha dzo fulufhedziswa. A ri, “Mesia u ño da nahone a tumulwa vhukati.” Miñwaha miraru na hafu Kristo o funza, o vhulawa kokotolo nga miñwaha miraru na hafu, miñwaha miraru na miñwedzi ya rathi O funza.

⁷¹⁵ Huno zwino vhuñudzi vhune ha ñisa tshinyalo, yone—yone Omar ya vha musilimyo vhewa kha Mavu Makhethwa; vhunga Mudzimu o amba, miñwaha ya mađana a fumbili-ðhanu phanða ha musi zwi tshi bvelela, i do vha yo ima heneffo. Muporofita a zwi vhona, huno a zwi vhona, huno a zwi amba, “Vho vha vha tshi... Vhannda vha ño vha kha ndaulo heneffo u swika tshifhinga tsha Vhannda tshi tshi fhelela.”

⁷¹⁶ Zwino hu kha di vha na miñwe miñwaha miraru na hafu yo fulufhedziswaho. Arali na nga dzhiela nzhele, hedzi ðhanzi dza Nzumbululo 11 dzi porofita a tshigidi, mađana mavhili na mađuvha mararu; kokotolo miñwaha ya miraru na hafu. Zwino... huno vho vha vha kha dzo kherukanaho. Zwino, lavhelesani vhushumeli havho, zwine vha vha zwone. Zwino, hedzi ðhanzi mbili dzi a vhulawa.

⁷¹⁷ Zwino, one... Vha vhuyela murahu kha Vhayuda nga murahu ha U Takulelwa Tađulu ha Tshivhidzo tsha Vhannda. Tshivhidzo tsha Vhannda tshi ya Hayani u itela Tshilalelo tsha Munyanya, huno vhunga Rebeka o iswa kha fhethu ha Abrahamu na Isaka huno heneffo vha malana. Huno Rebeka na Isaka vha bva vha na tshiñwe na tshiñwe tshe Abrahamu a vha a natsho, huno zweøthe zwa ya kha Isaka. Zwa vhukuma! Huno zwe vha zwi si nga di kha Isaka u swikela Isaka a tshi mala u thoma. Oo Haleļuya! Khezwo-ha.

⁷¹⁸ Huno Kristo a mbo vha... Mudzimu o dzula kha uyo wo khunyelelaho, muvhili wo didwaho lwa tshoøthe na kha U Ya Nga Hu Sa Fheli. Musi Ngwana na Muselwa vha tshi malana Tađulu, u ña kha vhuimo ho fhelelaho. Zwa vhukuma! Isaka na Rebeka vho da kha vhuimo ho fhelelaho.

⁷¹⁹ Huno musi hovhu vhuñtambo vhu tshi khou bvela phanða Tađulu, ha Muselwa, Muselwa wa Vhannda a tshi malana na Mukololo (Murwa wa Mudzimu), ngei Vhugalani; musi vho malana, hu na miñwaha miraru na hafu i no itea musi vha... Mushe na Eliya...

⁷²⁰ Zwine, Mushe ha ngo vhuya a vha a siho... hai, muvhili wawe wo tou hwala. Vharuñwa vho mu dzhia, ha ngo sina, ha ngo tshinyala. O vha a tshifanyiso tsho khunyelelaho tsha Kristo. O fa nahone Vharuñwa vha mu hwala, huno na vho-diablo a vha

vhuyi vha zwi divha uri o vhulungwa gai, huno a lingedza u lwa na Mikaele Muruhwa-muhulwane nga ha mbulungo yawe. Ndi zwine Bivhili ya amba. Mudzimu vho mu dzhia kha U Takulelwa Tađulu.

⁷²¹ Huno Eliya, musi a tshi khou tshimbila heneffo, muporofita wa Mudzimu, o tsa fhasi Yorodane, a dzhia nwenda wawe huno a rwa fhandekana kha tsha u la na tsha monde. Huno a gonya thavha. Elisha a ri... A ri, "U khou tevhelela mini?"

⁷²² A ri, "Ndi khou ḥoda Muya wau kavhili."

⁷²³ A ri, "Wo humbelu tshithu tshi kondaho, fhedzi arali wa mbona ndi tshi ḥuwa." A dzudza mađo awe khae.

⁷²⁴ Huno nga murahu ha tshifhinganyana, u bva Tađulu ha da gariki ya mulilo na Vharuhwa vha mulilo, na bere dza mulilo, huno Eliya a tshi bvela phanda a ya Vhugalani. Ha ngo vhuya a thetshela lufu, o tou shandukiswa, u tea u fa!

⁷²⁵ Huno arali na nga lavhelesa havha vhaporofita vhavhili vha Nzumbululo 11, vha ita zwithu zwithihi zwe Mushe na Eliya vha ita. Inwi ni ri, "Mukomana Branham, ni khou ḥoda u mbudza uri Eliya na Mushe vha kha di tshila?" Ee!

⁷²⁶ Mulandu, phanda ha Thavha ya Tshandukiso... Kha Thavha ya Tshandukiso, phanda ha musi Yesu a tshi ya Khalivari, heneffo ho ima vhothe Mushe na Eliya vho ima heneffo vha tshi khou amba Naye. Zwa vhukuma, vho ralo, a vho ngo fa. Huno a vho ngo vhuya vha fa; ndi vhafaho, vha tea u fa. Ngauralo vha tou vha kha tshimo tsha u galafhadzwa vho lindela itsho tshifhinga.

⁷²⁷ Huno zwenezwo musi vha tshi vhuya murahu huno vha funza kokotolo miňwaha miraru na hafu fhasi ha ndodzo ya Ndovhedzo ya Muya Mukhethwa, musi phađhutshedzo dzo dzhiiwa kha vha Nd   (huno na Tshivhidzo tsho takulelwa n  ); huno u rothola, tshivhidzo tsha fomala tshi tshi khou zwimiwa vhunga dzimmbwa, nga vhakomunisi na dzangano la Roma, huno musi vha a zwimiwa vha vhulawa. Vha—vha a vhulawa zwenezwo; havha vhaporofita vha funza miňwaha miraru na hafu, huno Bivhili iri vho vhulawa vhe vhanzhi... tshitarađani, hune ha vhidzwa nga lwa tshimuya, Sodoma na Egipita, he Murena washu o vhambiwa. Ndi hangei murahu Jerusalema; ni a vhona, murahu Jerusal  ma, lwa tshimuya hu tshi ambiwa.

⁷²⁸ Huno vha edela tshitarađani lwa maduvha mararu na vhusiku. Huno zwenezwo magumoni a maduvha mararu na hafu, maya wa vhatshilo wa da khavho huno vha vuwa. Vho do tea u fa u nga vhaňwe vha faho, vho do tea u zwi ita. Huno musi vha tshi vhulaya avha vhareri vhavhili...

⁷²⁹ Vho funza vha tshi hanedzana na zwo khakheaho, huno vha disa mulilo u bva tađulu. Ndi nnyi o itaho izwo? Ni a vhona? Vho disa mađhupho u bva tađulu, huno vharwa lifhasi nga u tađhvanya

sa . . . huno tshifhinga tshiñwe na tshiñwe tshe vha ṭoda. Huno vha dugisa mulilo u bva ṭađulu. Huno vha imisa mađadulu uri i sa ne, nga hune vha funa. Ndi nnyi uyo? Mushe Kokotolo na Eliya. Huno khedzo ḫanzi mbili.

⁷³⁰ Huno musi vha tshi tambudza tshivhidzo, kana shango, nga u funza havho; na u tanganedza murahu Vhayuda, na u vha disa kha u rembululwa, vha tshi vha disa kha u tenda . . . Musi vha tshi vhona Yesu a tshi khou ḫela Muselwa, vha do ri, “Lo, hoyu ndi Mudzimu washu We ra mu lindela. Ndi Ene!” Fhedzi Ha khou ḫela vhone; U khou ḫela Muselwa Wawe. Huno Muselwa Wawe . . .

⁷³¹ Musi Yosefa a tshi ya Egipita, ha ngo ḫuwa na mashaka awe, fhedzi o wana muselwa wawe heneffo. Zwa vhukuma! Fhedzi musi a tshi ḫidivhadza kha mashaka awe, ho vha hu si na muthu tsini. Ndi zwone kokotolo. Huno musi A tshi ḫidivhadza kha havha Vhayuda, hu do vha hu si na muthu heneffo fhedzi Vhayuda. Ndi avho vhe vha vhulaya Yosefa, who ima heheffo; huno a ri, “Zwo luga, ndi nñe Yosefa, murathu wañu.” A lila.

⁷³² Huno vha ri, “Zwino ri a zwi ḫivha uri zwo fhela nga rine, ngauri ro mu vhulaya.”

⁷³³ Tshithu tshi fanaho, avho Vhayuda vha do vha na tshifhinga tshihulu tsha khakhathi phanda ha u vhuya zwino, tsha u tovholwa vha tshi vha humisela murahu shango-haya lavho. Vha tshi vha khada sa sambi la dzinngu murahu kha Thavha ya Karamele seli.

⁷³⁴ Musi Murena Yeso a tshi do ḫela Muselwa Wawe, huno vha ya Mu vhona, vha do ri, “Ndi Ene we ra mu lindela, ndi Onoyo heneffo!” U do vuwa a na phodzo kha phapha Dzawe. Ndi zwone.

⁷³⁵ Huno tshivhidzo, masalela a Vhayuda, musi vha tshi fhedza vho vhulaya avha vhaporofita vhavhili, huno vha dzula tshiṭaraṭani lwa tshimuya hu no vhidzwa u pfi Sodoma na Egipita, he Murena a vhambwa hone, vha rumelana zwifhiwa (shango li a ralo).

⁷³⁶ Zwino, Mukomana Palmer, khezwo-ha. Lavhelesani murahu kha divhazwakale ya Vharoma huno ni do wanulusa uri hu tou vha na lushaka luthihi fhedzi kha shango lothe lune lwa rumela zwifhiwa nga murahu ha nndwa, ndi Vhuvhusi ha Vharoma.

⁷³⁷ Ndi yone mbuno ya uri ndi ri mulwana-na-kristo u bva Roma. Lone ḫivhanda li bva Roma, li nga si bve Moscow. Li bva Roma, ḫivhanda ḫitswuku le la ima phanda ha musadzi u mila Nwana wawe nga u ṭavhanya A tshi tou bebwā. Uyo diabolo, o vha a gai uyo diabolo? O vha a nnyi? Caesar Augustus we a rumela na u vhulaya vhana vhothe u bva kha miñwaha mivhili u tsa phasi. Lone ḫiragoni ḫitswuku, lone ḫiragoni, ḫivhanda zwi

amba maanda "maanda." One maanda a Vharoma o tovhola na u lingeda u wana Nwana Kristo.

⁷³⁸ Huno na hezwo zwi fanaho! Tshifhinga tshothe uvho Vhuroma, Vhuroma ha vhuhedeni ha kale ho vha hu tshi anzela u vha na gundo, vho vha vha tshi do rumelana matombo matshena na tshiñwe na tshiñwe nga tshavho, sa dzimpho ngauralo, sa tshihumbudzo. Ngauralo a yo matombo o vha a... Zwe a vha a zwone, o vha a dzimpho ḫukhu dzo rumelwaho vhukati ha tshivhidzo tsha Vharoma. Zwa vhukuma! Kokotolo. Zwi tea u ralo.

⁷³⁹ Ndo ima heneħħala kokotolo kha Dorobo ya Vatican huno nda zwi sengulusa nga Bivhili. Mupapa o ambara khare tharu, *Vicarivs Filii Dei*, izwo zwithu zweħe zwe nda zwi pfa na zwiñwe zwinzhi, ndi ngoho ya vhukuma; tshigwada tsha vhurereli tshine tsha vhusa lushaka luñwe na luñwe fhasi ha Litadulu, nahone vha a ralo. Khezwo heneħho, zwe ralo.

⁷⁴⁰ Ndi sa khou lwa na vhatħu vha Katolika (hai, mune wanga), vha tou vha vhavħudi u fana na muñwe muthu-vho, fhedzi vhurereli havho ho khakhea u ya nga Bivhili. Arali Bivhili i yone, vhone vha a khakha. Vha ri a vha... "A zwi na ndav uri Bivhili i amba mini, ndi zwine tshivhidzo tsha amba." Ri tenda uri Bivhili i amba i na ndangulo khulwane! Zwa vhukuma, ndi Ipfi la Mudzimu.

⁷⁴¹ Ngauralo ni a vhona heneħho, haya matombo o rumelwa zwenezwo, a Nzumbululo hafha, ndi one—one matombo ane a vha zwifhiwa zwine vha rumelana. Zwine zwa ya u sumbedza... Bivhili yo ri, Nzumbululo hafha, yo ri, "Irani uyo a re na vhuṭali a whale nomboro dza ħivħanda. Irani uyo a re na vhuṭali a ite *zwikene-nene*. Irani avho vha re na muya wa tshifhiwa tsha luñwe lushaka a ite *zwikene-nene*." Ni a vhona uri tshivhidzo tsho ḥahelelwa hani?

⁷⁴² Muṭhannga o mbudzisa ano matsheloni nga ha zwifhiwa zwa muya, nga ha u amba nga dzindimi. Muthu muṭuku, wa vhungoho nga maanda, ndi a tenda u khou u vha mushumeli nga liñwe la haya mađuvha. Huno nga ha tshivhidzo, nda ri, "Hu na zwinzhi zwa izwo zwi re namani. A ri ḥodi izwo, fhedzi ri ḥoda tshithu tsha vhukuma. Ri ḥulutshelwa u vha natsho."

⁷⁴³ Ni nga si ye na zwi funza tshivhidzioni; tshithu tsha u thoma tshine na tea u tshi ɖivha, ni wana, muñwe u na ndimi, muñwe u na luimbo, huno ni tea u lwedzana khazwo. Fhedzi musi Mudzimu o fha tshifhiwa tsha vhukuma, tshi do ɖivhonadza. Ndi zwone. Ni a vhona, itsho ndi tshifhiwa tsha Mudzimu, ndi zwine A rumela kha Tshivhidzo nga u kunda.

⁷⁴⁴ Zmino, mulwanakristo u na tshithu tshi no nga tshivhuya na tshivhi, u na—na—na ndila yo shandeaho ya u zwi ita. Huno uyo ndi muvhuso wa Vharoma une wa rumelana zwifhiwa, zwifhiwa

zwa mupo. Mudzimu u rumela zwifhiwa zwa tshifhiwa kha vhakundi; Vharoma vha rumelana zwifhiwa zwa mupo.

⁷⁴⁵ Ri tenda Muya Mukhethwa uri ndi Muya, ri U ḥanganedza nga ndovhedzo ine ya bva N̄tha.

⁷⁴⁶ Tshivhidzo tsha Katolika tshi funza u ri, “Tshilalelo tshikhethwa ndi muvhili wa Kristo; uri musi ni tshi ḥanganedza hetshi tshinnkwa na kosha, ndi zwone Muya Mukhethwa, Muya Mukhethwa, tshilalelo tshikhethwa.” Ni a vhona?

⁷⁴⁷ Ri tenda uri ndi tshipida tsha tshinnkwa, a ri tendi uri ndi muvhili wa Kristo, (ri khou lugisela u zwi dzhia nga miniti i si gathi). Ri tenda uri zwi imela muvhili wa Kristo. Fhedzi a si . . .

⁷⁴⁸ Ndi yone phambano vhukati ha pfunzo ya Katolika na Vhaphuresitente. Ni a vhona? Tshivhidzo tsha Katolika tshi ri, “Muvhili ndi . . . Tshinnkwa ndi wone muvhili wa vhukuma. Tshivhidzo tshi na maanda a u shandukisa hezwi.” Naa no no vhuya na vhona Mukatolika a tshi fhira tshiyhidzo, u kotamisa ḥohoho yawe, a ita zwifhambano? Huno ngauri hetshiła tshedza tshiṭuku hafha tshi khou duga ngomu tshiyhidzoni heneffo fhasi ha iyo thaberanakele. Tshi na tshedza tshiṭuku ngomu heneffo, huno itsyo tshinnkwa tsha kosha tsho dzula heneffo. “Huno ndi muvhili wa Kristo. Huno musi ni tshi dzhia izwo, ni khou dzhia muvhili wa vhukuma wa Kristo nga tshilalelo tshanu tsha vhukuma na u ḥibula hanu na zwińwe zwinzhi. Ni khou dzhia, wa vhukuma, muvhili wa Kristo.”

⁷⁴⁹ Riñe ri ri u *imela* muvhili wa Kristo, ni a vhona, a si tshithu kha shango fhedzi tshipida tsha tshinnkwa. Huno naho wo vha u si tshinnkwa, arali ho vha hu tshińwe tshithu-vho, tsho vha tshi tshi do imela zwi fanaho. U tou—tou vha kokotolo. Kana vha a . . .

⁷⁵⁰ U fana na hayha vhathu vhane vha ri, “ndi nga si lovhedzwe kha bambelo, ndi khou ḥoda u lovhedzwa kha mulambo.”

⁷⁵¹ Naa zwi ita phambano ifhio, tenda fhedzi na vha no lovhedzwa? Arali no vha ni kha bambelo, na . . . Mulandu, Filipi o lovhedzwa kha bambelo . . . musi nduna i tshi lovhedzwa. Musi Filipi a tshi lovhedza nduna kha bambelo, wone Muya Mukhethwa wo mu fara lwe Wa dzhavhula Filipi, a si vhonwe lwa maela dza madana mavhili. Wa Mu dzhavhula Muyani, wa mu nea yone—yone gariki u bva Ṭadulu lwa maela dza madana mavhili. Amen. Zwo naka!

Zwino:

Naa vhakhethwa vha do vha vha gai nga murahu ha u vhusa ha nwahagidi? Nahone vha do vha vha na muvhili wa lushaka-de? Ndi do vhuya murahu kha hezwo nga tshifhinganyana. [Mukomana Branhamu fhindula hezwi kha ndimana ya820, sa mbudziso 74—Mudz.] Vha do vha vha na Yesu.

⁷⁵² Zwo luga, ya—ya vhusumbe mbudziso:

72. Naa ri do haṭula hani vharuňwa?

⁷⁵³ Izwo zwi a wanala kha . . . Naa ri do haṭulisa hani vharuňwa? Nga u vha vharwa na vhananyana vha Mudzimu. Vharuňwa ndi vhashumeli; ri vharwa na vhananyana vha Mudzimu. Huno Bivhili i ri ri do haṭula vharuňwa. Ndi zwone. Zwino, arali na . . .

Yone mbudziso ya vhu8:

73. Mulandu mavhudzi nga nthani ha vharuňwa vha Vhakorinta ya u Thoma?

⁷⁵⁴ Zwino muňwe muthu a ngwaneleni Vhakorinta ya u Thoma, yone—yone ndima ya vhu11, huno ri do vhona heneffo, uri ni do wanulusa uri yone—yone . . . Kha Vhakorinta ya u Thoma, ya—ya vhu11, ri wanulusa uri Paulo u khou amba. Irani ndi ye khayo lwa minete, huno zwenezwo ri do i vhala nga u ḥavhanya huno zwenezwo ri do—ri do vha nayo yo ḥwalwa fhasi.

⁷⁵⁵ Ndi na tshiňwe tshithu tsha u amba kha heyi inwe ndimana hafha, tshire ndi a fulufhela uri Murena u ri fha tshone nga ndila ine tsha tea u bvisa zwone. Arali muňwe muthu a i wana . . . Ndi humbula uri ndi ndima ya vhu11, ee, zwo luga. Zwino thetshelesani, nga vhuronwane zwino, uri ni kone u pfectesa. Zwino dzhiani u limuwa hanu hothe ni hu vhee kha tshikwama tshańu u swika ndi tshi fhedža u v̄hala hezwi, ni a vhona, ni bule Khazwo. Thetshelesani nga vhuronwane, HAYA NDI MA AMBA MURENA:

Ivhani vha tevheli vha nne, vhu nga nne . . . ndi wa Kristo. (Paulo o ri, “Ni tevhele nne, vhunga ndi tshi tevhela Kristo.”)

Zwino ndi a ni renda, vhahashu, uri ni nyelwelwa kha zwithu zwoṭhe, na u vhulunga ndaelo, vhunga ndo ni laedza . . . kha inwi.

Fhedzi ndi do vha na vhoiñwi uri ni divhe, uri ḥoho ya munna muňwe na muňwe ndi Kristo; huno ḥoho ya mufumakadzi ndi munna; nahone ḥoho ya Kristo ndi Mudzimu.

⁷⁵⁶ Ni a vhona uri zwi hani? Mudzimu, Kristo, munna, musadzi. Zwino:

Munna muňwe na muňwe a tshi rabela kana u porofita, a na ḥoho yawe yo fukedzwa, u nyadza Kristo.

Fhedzi musadzi muňwe na muňwe a tshi rabela kana a tshi porofita na ḥoho yawe i songo fukedzwa u nyadza ḥoho yawe: . . .

⁷⁵⁷ Zwino ri wana nga minete, huno ra ni sumbedza uri mavhudzi a mufumakadzi a tou vha tshiputeli tshawe:

...nga hezwo...zwi fana na musi o vheula. (Izwo zwi amba uri arali—arali a tshi khou ya u a ḥunya mavhudzi awe, zwenezwo kha a vheule.)

Ngauri arali musadzi a songo fukedzwa, nae kha vhe, o vheulwa: (u vheulwa zwi amba u gerwa, ni a vhona)...
fhedzi arali zwi ḥoni uri musadzi a geriwe kana u vheulwa, kha vhe o fukedzwaho.

⁷⁵⁸ Zwino arali ra tsa fhasi kha mbudziso hafha ine na khou vhudzisa. Ni a vhona? Zwo luga, zwino two khakhea kha—kha musadzi a tshi ḥunya mavhudzi awe, u ya nga Bivhili. Zwino ni a thetshelesa hafha huno na vhona arali Bivhili i sa fhi munna thendelo i re mulayoni u fhambana na musadzi wawe arali a ḥunya mavhudzi awe, vhonani arali izwi zwi zwone kana hai.

Arali munna... Ngauri munna zwa vhukuma ha ngo tea u fukedza ḥoho yawe (ndi, a vhe na mavhudzi malapfu), ngauri nga maanda a kha tshone tshifanyiso na hone *vhugala ha Mudzimu: fhedzi musadzi ndi hone vhugala ha munna.* (Naa no no vhuya na elekanya nga izwo?)

⁷⁵⁹ Zwino ndi khou ḥoda u ima hafha, ngauri ndi khou ḥoda hezwi zwi tshi ḥwelela vhukuma, ni a vhona. Huno zwino elelwani, ndo no vhona vha zwigidi zwa fumi zwa vhasadzi vha funeaho (ndi a vha ḥivha zwino, huno vhunzhi havho vho dzula kha tshino tshivhidzo) vhanne vha na mavhudzi mapfufhi, vhanne ndi Vhakriste. Huno zwine nda vhea kha vhoiñwi ndi uri a si vhoiñwi, ndi zwe na funzwa. Ni a vhona? Ndi zwezwo. Mufunzi wañu ha ngo vhuya a ni vhudza hezwi. Fhedzi arali hu na muñwe wa vhabumakadzi u mona na thaberenakele nga u ralo, zwenezwo ni na mulandu. Ni a vhona, ngauri zwa vhukuma ri a vha vhudza nga hazwo.

⁷⁶⁰ Zwino, zwino lavhelesani hezwi:

...munna... Ngauri... (Ndimana ya vhu7)...
Ngauri munna...

⁷⁶¹ Zwino, ndi nnyi ane a khou amba hafha? Zwino, tshiñwe tshifhinga mufumakadzi o ri, “Oo, Paulo o vha a mu vhengi wa vhasadzi wa kale.”

⁷⁶² Zwino, musi ri kha ñi vha kha hezwo, kha ri tou vula hafha kha Vhagalata 1:8, huno ri vhone zwine Paulo a amba nga ha hezwi, ni a vhona, kha Vhagalata 1:8. Ni ño wanulusa uri Paulo o amba hafha kha Vhagalata 1:8:

...naño riñe, kana muruñwa u bva ḥadulu, a rera
 mañwe mafhundo-madifha u fhirisa haya e na a pfa, kha
 vhe o señwaho.

⁷⁶³ Zwino ni songo swaya nñe phoswo, ni swaye Ene phoswo, ni a vhona.

Ngauri munna zwa vhukuma ha tei u fukedza thoho yawe, ngauri nga maanda a kha hone vhugala na tshifanyiso tsha Mudzimu: fhedzi musadzi u kha hone vhugala na tshone tshifanyiso tsha munna.

⁷⁶⁴ Zwino lavhelesani ndimana i no tevhela:

Ngauri munna ha bvi kha musadzi; fhedzi musadzi u bva kha munna.

Nahone munna ha ngo sikelwa musadzi; fhedzi musadzi o sikelwa munna.

⁷⁶⁵ Zwino, ndi amba hezwi zwino nga lufuno lwa vhukuma na vhulenda, nahone ndi a kholwa uri ni a pfectesa nga ndila nthihi ine nda amba hezwi. Fhedzi Amerika . . . Sa muendela mashango, Amerika lo no vha na ya fhasisa, milayo ya fhasisa kha vhasadzi vhavho u fhira luñwe lushaka kha shango. Paris, France li nga vha zwifhato zwilapfu nga thungo ha ndila ine Amerika la tendela vhasadzi vhalo vha tshi ralo. Ndi u shoniswa!

⁷⁶⁶ Naa no zwi limuwa uri mudzimu wa Amerika ndi musadzi? Ndi nga ni tikedzela zwone nga Bivhili. Ndi zwone. Naa ni a zwi limuwa uri zwi tea u da nga iyo ndila uri tshivhidzo tsha Katolika tshi kone u disa pfunzo yatsho ya tshipofu Maria?

⁷⁶⁷ Zwino, arali musadzi a songo itelwa munna, a songo . . . Arali munna a songo itelwa musadzi, fhedzi munna o itelwa munna, zwenezwo ni khou ya u losha hani musadzi? Ni a vhona? Zwino, ndi mini two zwi itaho, two thoma Paris huno zwa swika Hollywood. Zwino Paris i tea u da Hollywood u wana modele dzavho na u wana fesheni na zwithu, ndi u tshinyala ha vhasadzi vhashu vha Amerika.

⁷⁶⁸ Ndi mini? Lushaka lwashu two no vha lwa fhasisa u swika vha tshi dzhiela na vhanna mushumo, huno vha vhea musadzi hafha nnda kha haya mafhethu, u swika phesenthe dza fuþahe dzavho, kaþuku, vha dziphombwe. Huno ni amba nga ha vhanna uri vho fhela, zwa vhukuma, ndi ngauri vha na vhasadzi nnda henehfo kha mishumo yavho. Huno vho no vha vha fhasisa u swika vha tshi vhea vhasadzi sa mapholisa a mulalo zwiþaraþani. Ndi u shoniswa kha lushaka luñwe na luñwe! Ee, muñe wanga. Ni khou ya u ita mini nga hazwo?

⁷⁶⁹ “Naa ni khou ya u itani nga hazwo, Mukomana Branham?” Ndi tea u zwi þonifha, ndi mudzulapo wa Amerika, ndi ita zwine boswo ya ri ita. Arali nda vhuya nda . . . Arali—arali muþa wa vhuya wa xedza þonifho yawo sa muþa (vhana vha xedza þonifho kha vhabebi), ulwo lushaka two kwashékana. Arali—arali tshivhidzo tsha vhuya tsha xedza þonifho yatsho kha mufunzi tsho fhela. Huno arali lushaka lwa vhuya lwa xedza þonifho yalwo kha khothe khulwane na tsheyoyayo, lushaka two kwashékana. Ndi zwone kokotolo. Ri tea u þonifha hezwo

zwithu ngauri ndi vhasa muhulwane, ni a vhona. Fhedzi a zwo ngo lulama u bva u rangani. Zwa vhukuma!

⁷⁷⁰ Naa ni tshi zwi diivha uri munna Bivhilini...ya Genesi, ndima ya 1, musi Mudzimu a tshi sika musadzi na—na munna, huno a ita munna na musadzi, huno Mudzimu a vhudza Efa uri “munna wau u do vhusa iwe, u vha muvhusi wau”? Ambani hezwo Amerika huno ni vhone hune na do ya! Mutukana, a si hezwo, musadzi u vhusa munna; vha tea u ita hezwo, fhethu ha nnyi na nnyi o dzudzanywa...

⁷⁷¹ Ndi nga disa musadzi, arali ndi tshi tea u ralo, u bva lufherani lwanga henefho, nga dzidozeni, dza vhasadzi vhavhuđi... A thi ambi uri vhasadzi vhođe tshiňwe tshifhinga a vha tei u shuma; khaňwe vha na munna ane a khou lwala kana tshiňwe tshithu, huno vha tshi tea u shuma. Fhedzi arali vha sa tei u ralo, a vha tei u zwi ita. Fhethu havho ndi hayani, khasele yavho ḥukhu, ndi hune vha tea u vha hone kokotolo.

⁷⁷² Huno vhasadzi vhashu vha Vhaamerika vha na u tondwa ha u ya u ḥa nguluvhe kana vha lovha. Na kha zwipuka zweithe na zwiňwe, musi itsho tshithu tshi tshi kunda, tshi dzhia fhethu nahone tshi tshinyadza lushaka lwođe lwatsho.

⁷⁷³ Hu na tshiňoni tshiňuku ngei Afrika, huno tshi tou vha tshiňoni tshiňuku tsha mólomo mulapfu.

⁷⁷⁴ Zwino, kanzhi, tsha tshisadzi ndi tshone tsho vhfihaho kha izwo zwivhili. Tsha tshinna ndi tshone tshine kanzhi tsha vha tsho naka, tholo ya nduna, nyala ya nduna, khwali ya nduna, lone—lone gukulume, huno tshifhinga tshothe kha... Ngauri, tsha tshisadzi ndi tshiňoni tsha hayani. Tshi dzula kha tshiňaha, tshi alusa vhaťuku vhatsho. Tsho dzumbiwa kha maanga, dzinowa, mavhanda, na tshiňwe na tshiňwe, ni a vhona, u alusa vhaťuku vhatsho.

⁷⁷⁵ Fhedzi kha lushaka lune hetsho...kana kha mbeu ine—ine—ine mufumakadzi, kana tshisadzi, tsha vha tsho nakesaho, tshi vha dabada. Ngei Afurika, ni dzhia tshiňoni...Hu na tshiňoni tshiňuku henefho, huno tshithihi fhedzi kha dzhang tshire nda tshi diivha, tshire tsha tshisadzi tsho naka u fhira tsha tshinna. Huno musi tshi tshi ralo...Itsho—itsho tshiňoni ndi phombwe ya tshifhinga tshothe. Tshi do gidima u mona huno tsha wana mufarisi, huno tsha gidimela nnđa huno tsha vheya makumba manzhi nga murahu ha musi tsho ḥangana na tshiňwe, huno tsha litsha mufarisi a alamela makumba musi tsho ya tsha ḥoda muňwe mufarisi. Ndi zwone kokotolo. Ni a vhona? Ni a vhona zwine nda khou amba?

⁷⁷⁶ Kha, zwino lavhelesani, Amerika ḥamus, kha vhasadzi vhashu. Muđhangwa muswa u bva Kentucky o mmbudza, mađuvha a si gathi o fhiraho, ho vha hu na vhasadzi vha mađana a malo vha tshi khou shuma kha ḥiňwe li maga hafha Kentucky. Huno a ri, “Ndi a pfa ndo vhlungea kha u ana uri uri vha

madana maña vhavho ndi dziphombwe dza tshiṭaraṭani, na vhasadzi vho malwaho vha na vhana.” Muñwe muṭhangā o dzhia mufumakadzi wawe a mu isa heneffho huno a mu sinyusa nga vhalangi, huno zwenezwo a ḥoda u mu vhulaya. Huno muñwe a ya u thuntsha munna. Huno muñwe a tshi dziba na u lwa. Izwo a zwe ngo tea u ralo. A si zwone.

⁷⁷⁷ Vheani musadzi murahu tshiṭangani hune a tea u vha hone, zwenezwo tshiñwe na tshiñwe tshi ḥo vha tsho luga. Fhedzi ni mu vhea heneffho nn̄da kha mushumo wa muvhuso, o ya. Zwavhu-... A thi ambi izwo...

⁷⁷⁸ Vhasadzi vha Amerika vha imisa ningó dzavho vha ri, “A hu na tshithu kha Izwo.” Huno, “Ni ntsumbedze.” Zwa vhukuma, ni tea u zwi ita, ngauri Bivhili i bula uri ni ḥo zwi ita. Ni tea u zwi ita.

⁷⁷⁹ Huno hafha musi... Zwi anzela u vha, tshifhinga tsha kale tsho fhiraho, kha tshivhidzo tsha Methodisi, arali musadzi a ḥunya mavhudzi awe, o vha a tshi bvisela nn̄da ha tshivhidzo. Zwa vhukuma, vho zwi ita. Ee, zwe ralo. Vhanazarini, Vhafhiri Vhakhethwa, Vhapentekostala, na vhañwe vhoṭhe vho vha vha tshi anzela u zwi ita. Ho bvelela mini?

⁷⁸⁰ Ni a divha uri ndi ngani? Ni na vhañwe khaladzi murahu ha phuluphithi. Ndi zwone kokotolo. Muñwe muthu u khou ofha uri u hanya havho... u ofha uri ni ḥo vha bvisela nn̄da, vha bvisela nn̄da ha tshivhidzo. A vho ngo vha na tshivhindī tsha u ima, u ima kha Ipfi ḥa Mudzimu naho Li tshi vhaisa kana Li sa ralo. Izwo ndi zwone kokotolo.

⁷⁸¹ Thetshelesani hafha, munna ndi muvhusi. Naa a ni elekanyi uri ni ḥo vhusa nn̄du. A ni muvhusi wa nn̄du. Ni tou vha zwa vhukuma... A ni phuli zwino, fhedzi ni mufarisi. Huno Adamu... Munna u na ndango kha mufumakadzi wawe, nahone u na vhudifhinduleli kha mufumakadzi wawe. Mudzimu u ḥo ita uri munna a fhindulele mufumakadzi wawe. Zwino, vhalani ni vhone arali Mudzimu a songo amba izwo zwino.

Ngauri munna zwa vhukuma ha tei u fukedza thoho yawe, ngauri nga maanda a kha tshone tshifanyiso na hone vhugala ha Mudzimu:...

⁷⁸² Mudzimu a si musadzi, Mudzimu ndi Munna. Ni a divha musi vha tshi ita Maria tshipofu na hezwo zweṭhe, na u rabele-... kana u rabelela na tshiñwe na tshiñwe sa hezwo, huno vha rabela kha Maria tshipofu, ni a divha uri zwi nkumbudza nnyi? Ene mudzimu muhulu wa musadzi Diana, we Paulo a mu kaidza nahone a shavha. Ndi zwone. A ri, “Mulandu, Mudzimu a si musadzi!”

⁷⁸³ Tombo ḥo wa tshikhali, vha ri mudzimu wa musadzi o posa phasi tshifanyiso tshawe, ndi ngazwo vhasadzi ngei Korinta, na

n̄tha heneffho, vhone...vhe vha losha Diana, vho vha vha tshi khou ḥoḍa u funza.

⁷⁸⁴ Vha ri, "Malandu, muya wo ri vhudza uri ri nga funza."

⁷⁸⁵ A ri, "Mini? Naa Ipfi la Mudzimu lo bva kha inwi, nahone lo bva kha inwi fhedzi? Arali muthu a tshi ḥidzhia uri ndi wa tshimuya kana muporofita, mu tendeleni a tanganedze uri zwine nda amba ndi milayo ya Murena: irani vhasadzi vha fhumule nahone vha vhe phasi ha ndangulo zwivhidzoni, u sa funza kana u vha na inwe ndango." Ndi zwone kokotolo! Ndi zwine Lunwalo lwa amba. Ni a vthona? Huno Mudzimu u khou ya u ita tshigwada tsha vhareri uri vha fhindulele izwo nga ḫuvha ḥa Khatlulo.

⁷⁸⁶ Zwo ralo, thetshellesani! Inwi ni ri, "Zwo ralo, ndi a ni vhudza, ndo funzwa hezwo." Ni a divha khwine zwino! Ndi zwone. Arali inwi kana muñwe muthu a thoma u ḥwa mushonga, huno muñwe muthu a ni vhudza uri ndi mulimo, huno inwi—inwi na bvela phanda na u ḥwa naho zwo ralo, ndi malandu wañu inwi muñe nga murahu ha hezwo. Ni a vthona?

⁷⁸⁷ Zwino thetshellesani kha hezwi:

Ngauri munna ha bvi kha musadzi; fhedzi musadzi u bva kha munna.

Nga n̄thani ha hezwi ene musadzi ha tei u vha na maanda nga n̄tha ha ḥhoho yawe nga n̄thani ha vharuñwa.

⁷⁸⁸ Muñwe wa vhoiñwi ane a khou i vhalo? Ndi Vhakorinta ya u Thoma, ndima ya vhu11, na ndimana ya vhu10. Arali na dzhiela nzhele, "maanda," (Malandu?) "a vharuñwa," Vhakorinta ya u Thoma, ngauri muruñwa ndi munna, mudinda. Lavhelesani, ndi ḥukhu "v" hafhu. Hune zwa kwamana na Vharuñwa, vha Vharuñwa Vhaṭadulu, ndi khulwane "V," danzi "A." Hune ha vha hu "v," ndi vharuñwa vha vhatu.

Naho zwo ralo a hu na munna...kana musadzi,... a hu na musadzi hu si na ene munna—ene munna, kha Murena.

Ngauri musadzi u bva kha munna, nazwo-vho na wa munna u bva kha musadzi;...zwothe ndi zwa Mudzimu.

Haṭulani...inwi mune: arali zwo fanela uri musadzi a rabele kha Mudzimu (na mavhudzi mapfufhi) a songo fukedzwa? (humbulani ngazwo zwino)

⁷⁸⁹ Zwino lavhelesani:

Naa na mupo wone une a u ni funzi, izwo, arali munna a na mavhudzi malapfu,...

⁷⁹⁰ Ni ri, "Naa zwi kwamana na mini?" Mavhudzi. Naa a ni vhonni zwine Paulo a khou amba nga hazwo? Mavhudzi, mavhudzi malapfu! Arali...Vhasadzi vha tea u vha na mavhudzi malapfu. Ndimana ya vhu14 zwino:

*Naa na mupo wonē a u ni funzi, uri, arali munna
a na mavhudzi malapfu, ndi ḥtoni khae?*

⁷⁹¹ Naa ni khou zwi wana? Ndi ḥtoni kha munna u vha na mavhudzi malapfu, fhedzi musa...ndi fhethu ha musadzi. Mudzimu o ita uri munna a fhambane na musadzi, nga mbeu na mbonalo, na kha tshiñwe na tshiñwe. Ha ngo tea u ambara nguvho...Bivhili i amba uri “Arali musadzi a tshi nga ambara phere ya zwileke kana inwe nguvho ya munna, ndi mbonalo ya vhuṭunzi na tshika na vhuada phanda ha Mudzimu.” Huno Mudzimu u do mu ita uri a zwi badele. Naa ni khou ya u thetshelesa kha nne? Fhedzi heyi ndi Bivhili!

⁷⁹² Huno ni gidima u mona na ri, “Malandu, ndi humbula uri zwo naka u...ni a vhona vhasadzi vha tshi ambara zwileke.” Fhedzi Mudzimu o vha o zwi ita nga ndila yo fhambanaho, U vha ṭoda vha tshi ambara nga lwo fhambanaho.

⁷⁹³ Huno Bivhili i ri, “Arali musadzi a tshi nga vhuaya a ambara nguvho ine ya vha ya munna, ndi vhuṭunzi.” Ni a divha uri vhuṭudzi ndi mini? Ndi “tshiñwe tshithu tsho tshikafhalaho phanda ha Mudzimu.” Huno Yehova Muhulu Ane a lavhelesa phasi kha inwi sa tshithu tsha tshika...Huno Bivhili i ri...

⁷⁹⁴ Huno inwi ane na ri...Vhañwe vha vhoiñwi dzi khaladzi zwino, kha vhana vhanu vha miñwaha ya thangana murole, ya fumimalo, miñwaha ya fumbili, ni tshi vha litsha vha tshimbila nn̄da hafha vho ambara nga ndila ye vha ralo!

⁷⁹⁵ Huno vhoiñwi, na inwi-vho, mama! Ni a vhona? Musi ni tshi bvela nn̄da na ambara hezwo zwileke na zwithu na tshila...na bvela nn̄da zwiṭaraṭani, huno—huno na vha na izwo zwiambaro zwa kale zwine vha khou ita musalauno, huno zwa ni ita uri ni vphonale ni tshiñwe tshithu tshire a ni ngo ralo. Ni a vhona? Huno ni ya nn̄da henehfo tshiṭaraṭani ni tshi vphonala lwa vhudzekani, ni nga di vha ni si na mulandu na u vha o kunaho phanda ha munna wanu na tshiñwe na tshiñwe, fhedzi arali na ya nn̄da tshiṭaraṭani huno munna a ni lavhelesa ngauri no divhonadza nga u ralo, ni na mulandu, nahone ni khou ya u zwi fhindula nga Duvha la Khathulo nga u ita vhupombwe na munna muñwe na muñwe we a ni lavhelesa nga yeneyo ndila. Izwo ndi zwe Bivhili ya amba.

⁷⁹⁶ Bivhili i ri, “Nnyi kana nnyi ane a lavhelesa kha musadzi lwa u mu emula, o no ita vhupombwe nae mbiluni kale,” nahone ni na mulandu huno ni do...

⁷⁹⁷ Ni da kha khatlulo huno na ri, “Murena, U divha mbilu yanga; A tho ngo vhuaya nda ita vhupombwe, ndo tshila zwa ngoho kha munna wanga.”

⁷⁹⁸ Fhedzi hafha hu do vha hu munna, hafha hu muñwe, hafha muñwe, muñwe, fumiñhanu, fumbili, fuiña vhavho vho

ima heneffo vha tshi ri, "Mulandu wa vhupombwe!" Mulandu? Vhañwe vhanna vho lavhelesa kha inwi.

⁷⁹⁹ "Zwo ralo, a tho ngo vha na mushumo nazwo." Zwo ralo, ndi ngani ni tshi nga divhonadza nga u ralo? Musi Mudzimu o ni vhudza uri ni si songo ambara, zwo vha zwi vhuñudzi u zwi ita, huno na ya u thetshelesa *Who Loves Susie?* Kana ndimi izwo . . .

⁸⁰⁰ Naa no wanulusa uri ho iteani nga ha *Who Loves Susie?* munna wawe? No zwi vhona noñhe hafha kha bambiri. Musi ro vha ri nda kha Casper, Wyomimg, zwo bvela nn̄da. Huno dzina lawe ndi nnyi? Ula muñhangwa we . . . kha iyo *We Love Susie*, kana ndi mini—kana ndi mini kha shango zwezwo? Yone . . . Oo, ndi ifhio ine vhoiwe na dzula hayani nga Lavhuraru nga madekwana huno na pfukwa nga muñhangano wa thabelo uri ni i vhone. Naa ndi mini zwino? *Ri Fun* . . . Naa dzina lazwo ndi nnyi? [Khaladzi u ri, "Ri Fun Lucy."—Mudz.] Ri Fun Lucy, munna wawe u tea u vha a . . . dodoma hoñhe, o waniwa nga hangei Reno, Nevada, na mavhudzi o dayiwaho, a tshi khou tshila nae lwa minwaha. Huno ndi zwine na dzulela zwone hayani u vhona madzuloni a u ya, u pfa Mafhungo-mañdifa. Musadzi o zwi bu. Oo, khathutshelo! A hu na tshithu tsho kunaho nga nn̄da ha Yesu Kisto!

⁸⁰¹ Mudzimu a fhañutshedze mbilu yanu, murathu, ndi—ndi do ni vhudza inwi—inwi muñhangwa, vhañwe vha vha . . . Inwi ni ri, "Oo, nne nne, sedzani kha kiñasi." Mañwe a—a maanga mavhi nga maanda ane ra vha nao, one malanama, ndi zwinoni zwo nakaho. Ni nga si hañule tshinoni nga mathenga atsho, ni a vhona. Ngauralo itanu elelwa hezwo. Yawee, nne nne!

⁸⁰² Zwino lavhelesani:

Naa na mupo a u ni funzi . . . (iyo ndi ila ndimana ya vhu14) . . . u ni funza, uri, ndi ñhoni musi munna a tshi vha na mavhudzi malapfu? (Izwo ndi zwa vhasadzi.)

Fhedzi arali musadzi a na mavhudzi malapfu, ndi vhugala khae: . . .

⁸⁰³ Zwino ndi mini zwine a khou amba nga hazwo? Kuñwadzi kune vhoiñwi vhathe vha vha Katolika na ambara? Hai zwa vhukuma! U fukedzwa huñuku nñha ha ñhoho dzañu, na kusagadugu? U khou amba nga ha mavhudzi anu!

⁸⁰⁴ Zwino! Arali musadzi a gera mavhudzi awe, u gera vhugala hawe, nahone ha ngo tendelwa aleñareni u ña u rabela. Ni a vhona, zwe ya tou amba hafha, "Naa ndi zwithu zwo doweleaho musadzi a tshi rabela na ñhoho i songo fukedzwaho?" I amba hafha, i ri, "Zwo ralo, u tea u ñunya mavhudzi awe." Ngauralo kha nambe a tou vheulwa luvhata zwenezwo. "Huno arali a tshi khou ya u geriwa luvhata," i ri, "ndi lunyadzo, zwi a shonisa musi musadzi a tshi ita hezwo." Zwenezwo a ri, "U tea u fukedzwa." Zwino, ndi tou vha—vha ndi khou vhala luñwalo lwa Paulo. Vhoiñwi noñhe, zwi kha vhoiñwi, ni a vhona.

Fhedzi arali ene musadzi a na mavhudzi malapfu, ndi vhugala khae: ngauri mavhudzi awe o newa kha ene u itela u fukedza.

⁸⁰⁵ Naa yo ri u do fhiwa muñwadzi? Vhoinwi vhatu vha vha Katolika kana vhoinwi Vhaporetetsanti, kana muñwe wa vhoinwi, ane a ya tshivhidzoni huno a ḥoda u ambara muñwadzi, ni ri, "Zwo ralo, ndi khou ya tshivhidzoni, ndi tea u ambara muñwadzi." Hai, ni tea u litsha mavhudzi anu a aluwa. Ndi yone phambano. Ni a vhona?

...ngauri mavhudzi awe o newa kha ene u itela u fukedza. (Huno ndi ḥoni khae u da tshivhidzoni a songo fukedzwa, u ya aleṭareni u rabelā.)

Fhedzi arali munna a tshi—a tshi... (A thi tendi uri ndi nga bula heļo ipfi, c-o-n-t-e-...) U vhanga phambano—u vhanga phambano (ni a divha uri u vhanga phambano ndi mini), a ri na ayo maitele, na kha tshone Tshivhidzo tsha Mudzimu.

⁸⁰⁶ Zwino arali ni tshi ḥoda u ṭaṭa nga hazwo, ṭaṭani na Hezwo. Zwo luga, arali ni tshi khou ḥoda u vha wa khani ngazwo, "Oo, a zwi iti iñwe phambano. Kha ri vha tendele vha bvele phanda. Mulandu, ndi humbula uri a si tshithu. Ndi... A si zwine mavhudzi a vha, naho zwo ralo, ndi zwine mbilu ya vha." Ndi zwone; arali mbilu yo kuna, na mavhudzi a do kuna (Uh-huh).

⁸⁰⁷ Bvelani phanda, arali ni tshi ḥoda u vha wa khani, Paulo u ri, "A ri na maitele o raloho, na Tshivhidzo tsha Mudzimu." A ri, "Arali ni tshi ḥoda u wela kha sia la Kaini, zwo ralo, itanu bvela phanda." Fhedzi Hezwi ndi zwine Paulo o vha a khou amba.

⁸⁰⁸ Oo, nahone a thi khou sea, ngauri a si mafhungo a seisaho. Fhedzi ndi a ni vhudza dzikhonani, ndi u shona u vhona nga ndila ye hezwi zwithu zwa litshedzelwa zwa vha. Ndi...

⁸⁰⁹ Thetshelesani! Kha inwi, khaladzi anga a funeaho, ndi khou ḥoda ni tshi vhonala ni wa khwine nahone ni vhe wa khwine, ndi zwine na tea u vha zwone. Ndi zwine na tea u vha zwone. Huno ni tea u vha wa vhulenda na u penyelela na tshiñwe na tshiñwe nga ndila ine na nga ralo musi munna wañu a tshi da, u tou fana namusi a dinga la mbilu. Huno ni tea u ṭangana nae muñangomni nga tou-tou u mu lumelisa sa wavhuđi khae u fana na duvha le na mu mama fhaļa aleṭarini uri a vhe munna wañu. Ndi zwone. A thi ni vhoni mulandu kha u vhonala ni wa khwine na u vha wa khwine. Huno ndi khou ḥoda ni tshi vha nga iyo yo ndila, Mudzimu u ya zwi divha uri ndi a ralo.

⁸¹⁰ Hafha tshiñwe tshifhinga tsho fhiraho, ndo vha ndi tshi khou amba na Jack Shuler. Ndi nnyi o no pfaho nga ha Jack Shuler? Mureri a divheaho nga maanda ane Methodisi ya vha nae. O ri, "Musadzi o da a ri... mavhudzi a na tshika, nahone a tshi khou

shenga tshingamu, huno zwi ambaro zwawe zwi hafu khae, a ri, ‘Ni a ɖivha munna wanga ha tsha kona na u nkondelela.’”

⁸¹¹ A ri, “A thi mu soli.”

⁸¹² Ndi zwone. Zwino, fhedzi zwine na tea u ita, ni tea u vha kha ndila yone. Ni songo dzhia u penyelela na lunako lwanu Hollywood, zwi dzhieni kha Bivhili, phanda ha Mudzimu. Ivhani khaladzi, difareni sa khaladzi, ambarani sa khaladzi, ivhani o kunaho. Difareni sa khaladzi, ni songo ambara izwo . . .

⁸¹³ Munna muñwe na muñwe ane a tendela mufumakadzi wawe u bvela nn̄da huno a ambara izwo zwithu phanda ha vhathu, na izwo zwithu zwa kale . . . huno vha bvela nn̄da mahatsini vha gera dzaraṭa, na zwithu zwi ngaho izwo, muhulwane, Ndi khou ni vhudza, murathu! A thi—a thi ambi u vhaisa, ndi . . . Mudzimu u ya ɖivha uri ndi mbilu yanga. Fhedzi ndi do tea u . . . Ndi do tea u shandukisa zwinzhi phanda ha musi ndi tshi nga tendela wanga a tshi zwi ita. Ndi khou u vha vhasa n̄tha kha tshikwara n̄tha heneffo u swika ndi tshi nga kona, ni a vhona; huno musi ndi si tsha kona, ndi khou ya u bva heneffo. Ndi zwone.

⁸¹⁴ Oo, murathu, ndi zwi shonisaho na u nyadzisa kha musadzi u ita hezwo. Huno a—a thi khou ralo, khaladzi . . . a—a thi khou ni tsitsela fhasi, Ndi khou tou lingedza u ri . . . Tshivhidzo tshashu hafha a tshi na mirado, vhathu vha sokou da hafha. Fhedzi heyi ndi nn̄du ya Mudzimu, huno zwa vhukuma ri vhudza vhathu uri vha songo ambara hezwo zwithu. Uri ndi . . . ni khou ya u zwi fhindulela nga ɖuvha la Khaṭhulo. Zwino lavhelesani hafha. Huno tendelani mavhudzi aṇu a aluwe, ni a vhona, huno ni vhe khaladzi.

⁸¹⁵ Zwino:

Zwino kha hezwi zwine zwa vha . . . Ndi ni vhudza uri a thi ni rendi, ngauri ni a kuvhangana u itela . . . hu si zwa khwine, fhedzi zwivhi.

Ngauri tsha u thoma, musi ni tshi kuvhangana tshividzoni, ndi pfa uri hu na dziphambano vhukati hanu; na zwiñwe-vho . . . (zwi bvela phanda zwino u ya kha ṭafula ya tshilalelo)

⁸¹⁶ Zwino thetselesani kha Hezwo. Ndi ngazwo vhone vharuñwa . . .

⁸¹⁷ Zwino, Mukomana Palmer, ndi sa khou ni vhudza kha heyi theiphi ni funza zwithu zwithihi fhasi heneffo zwine nda khou ita hafha. Fhedzi ni a ɖivha zwavhudzi na zwi re zwone, huno inwi ni mureri, ni a zwi ɖivha uri ndi Ngoho, murathu. Zwo luga.

⁸¹⁸ Ngauralo vharuñwa hafha ndi “vhanna.” Arali na dzhieila nzhele, Mukomana Palmer, zwi kha ḥedere liṭuku, vhone “vharuñwa.” Huno Bivhili i bvela phanda . . . U khou amba nga ha munna na musadzi wawe, ni a vhona, ndi zwine theroy vha zwone.

⁸¹⁹ Ndi ngazwo vhathu vha tshi dada nga maanda kha Bivhili, vha ri, "Zwo ralo, Mudzimu u amba tshithu tshithihi *hafha*, huno munwe . . ." Hai, ni—ni bva kha ther. Dzula kha ther nthihi, ndi zwezwo fhedzi. U khou amba nga munna na musadzi.

⁸²⁰ Zwino tshiñwe tshithu ndi khou ḥoda u tshi kwama phanda ha musi ri tshi vala, zwi do ndzhiela miniti mivhili:

74. Naa vhakhethwa vha ḥo vha vha gai nga murahu ha u vhusa ha ńwahagidi? Nahone vha ḥo vha na muvhili wa lushakade?

⁸²¹ Ndi humbula uri ndi mbudziso ya vhudisa heyo, ndi tou funa hezwo. Zwino kha ri lavhelese khayo.

⁸²² U rangani, Mudzimu . . . Ri do humela murahu kha pfunzo yashu ya Vhahevheru lwa minete i si gathi. Mudzimu o vha a hoyu muhulu, tshisima tshihulu tsha mivhala ya sumbe. Naa ndi vhangan vha no divha izwo? Ni a vhona? Huno ndi vhanga vha no divha uri Mudzimu u na mimuya ya Sumbe? Zwa vhukuma, mimuya ya Sumbe. Huno ho vha hu na maṭo a sumbe kha ngwana, na zwiñwe zwinzhi, zwoṭhe hezwo zwi tshi khou ṭangana zwino. Ni a vhona? Zwino, uyo o vha a Mudzimu.

⁸²³ Zwino musi A (yone Logosi) i tshi bva kha Mudzimu, zwa zwa vha zwi Mudzimu i tshi bva kha hetshi tshihulu tshisima u ya kha muvhili kha tshivhumbeo tsha—tsha munna; huno zwa ita Logosi, zwine ra zwi vhidza muvhili wa muya.

⁸²⁴ Zwino, arali na dzhia muvhili wa muya musi no lavhelesa kha hezwo, ndi muthu. Zwino ngauri ri . . . Zwino, ndi hone he ra vha ri hone u rangani. Zwino, a ni zwi pfesesu zwino, fhedzi no vha ni murahu ngeu u rangani nga iyo ndila. Musi muthu a tshi ita . . . Musi Mudzimu a tshi ita muthu kha tshifanyiso Tshawe, O mu ita wa tshimuya. Huno A tou mu vhea kha ńnama . . . Musi Mudzimu a tshi ita muthu kha tshifanyiso Tshawe, na kha u fana Hawe, vho vha . . . Kha Genesi 2, ho vha hu na . . . kana Genesi 1:28, ndi a tenda uri ndi yone, "Ho vha hu si na muthu wa u lima mavu," huno Mudzimu o vha o no ita munna na mufumakadzi. Ndi zwone, "A hu na muthu wa u lima mavu."

⁸²⁵ Zwenezwo Mudzimu a tsitsela munna fhasi huno a mu vhea kha vhutshilo ha tshipuka, ndi hoyu muvhili, u tou fana na zwipuka uri a kone u lima mavu, a kone u kwama. Muvhili wa muya a u kwami, a u vhon, thetshela, u nukhedza, u pfa; hezwi zwipfi zwine ra vha nazwo. Ngauralo Mudzimu o vhea munna fhasi henehfo uri a kone u—u kwama na u pfa.

⁸²⁶ Huno—huno vhunga a tshi tshimbila nga kha ngade ya Edeni, u thoma sa muvhili wa muya (u nga Muya Mukhethwa u fhano zwino u tshi khou tshimbila hafha), yo ranga phanda vhutshilo ha zwipuka. Wo langa tshiñwe na tshiñwe, fhedzi wo vha u sa koni u lima mavu, ni a vhona. Ngauralo Mudzimu o mu vhea kha ńnama uri a kone u lima mavu. A mu ńea zwipfi zwiṭanu zwawe,

u lima mavu na u lugisa yone—yone tsimu na—na zwinwe, huno naho zwe ralo munna a di vhonala a na vhuludu. Oo, hetshi ndi tshifanyiso tshavhuđi.

⁸²⁷ Lavhelesani, ngauri musi a tshi thoma u itiwa, o itwa a vhathu vhavhili fhethu huthihi. O itwa a zwe the tshinna na tshisadzi, muthu o vha o ralo. Bivhili yo amba uri o vha o ralo. Mudzimu o ita muthu zwe the tshinna na tshisadzi, “a Musika ene wa tshinna.” Dzhielani nzhele zwino, musi munna a tshi fhandekanywa kha wa tshi myua wawe huno a vhewa kha ɻnama, o vha a—a songo fhelela tsho the heneffo; tshiñwe tshipiđa tshawe tsho vha tshi kha di vha kha wa myua, ngauralo a zwi ngo vhonala zwe lulama.

⁸²⁸ Ho vha na kholomo ya mboho na tsadzi, ho vha na bere ya, huno ha vha na phulu, huno ha vha na tshiñwe na tshiñwe, nga zwivhili. Fhedzi Adamu, o . . . ho vha hu . . . Ni a vhona, ho vha hu na tshiñwe tshithu tsha khou shotha. Iyo nzudzanyo yo sumbedza uri hu na mufarisi o mu lindelaho. Ni khou zwi wana? Huno na muhumbulo wonoyo wa uri ri tea u fa hafha, uri ri a hanganea na u dinalea, nahone ri khou ɻulutshelwa Vhutshilo vhu si na lufu, zwi sumbedza uri ho ri lindela. Ni a vhona?

⁸²⁹ Huno Adamu o vha a na vhuludu. Huno Mudzimu, u sumbedza uri vho vha vha nga si fhandekanywe . . . Zwino ndi khou ya u humela murahu kha tshithu tshithihi, lwa mithethe.

⁸³⁰ Lavhelesani, Ha ngo vhuya a ya a ɻitswukadza huno a ita Efa, fhedzi O ita u bva kha tshika ya vhubvo, Adamu. O dzhia luvhabvu u bva kha lurumbu lwawe huno a mu itela mufarisi, huno uyo o vha a Efa. O vha o itelwa munna, na tshipiđa tsha munna. O vha a tshipiđa tshawe u rangani, kha tsiko, kha muvhilin wa tshimuya. O vha a tshipiđa tshawe phasi hafha kha tsiko. O vha a nga si khethekanywe kha iñwe tsiko, o do tea u itwa kha tsiko nthihi.

⁸³¹ Ndi ngazwo kokotolo Kristo na Mudzimu vha tshi tea u vha muthu Muthihi, zwi nga si vhe tshiñwe tshithu tsho fhambanaho. Arali O vha a munna wavhudì kana muporofita, O vha a nga si vhe Mulamuleli; O do tea u vha Musiki Ene-muñe. Fhedzi U kha di vha theofani zwino, ni a vhona, na nga ndila ye a vha A ngayo ngei murahu.

⁸³² Zwino munna o da phasi hafha huno o—o vha a wavhudì; huno Mudzimu a funa hezwo, A ri, “Ndi zwavhudì, irani vhothe vha vhe kha lifhasi nahone vha tshile heneffo lwa lini na lini. Ndi zwezwo fhedzi; lwa—lwa U Ya Nga Hu Sa Fheli, u bvela phanda na phanda. Itanu li litsha li aluwe, huno u ɻavha huñwe na huñwe hu bveledza, na tshiñwe na tshiñwe nga u ralo. Huno a tendela muthu a tshila, na zwipuka zwa tshila, na tshiñwe na tshiñwe, lwa lini na lini. Ndi zwone.” Ni a vhona?

⁸³³ Huno zwenezwo tshivhi tsha dzhena. Huno ndi khou ɻoda u ita hetshi tshiñatamennde. Kha yone . . . Vhathu vhanzhi vha

ita phoswo khulwane kha holwu Luñwalo, huno izwo ndi kha Phisalema ya vhu²³. Vha I vhala nga heyi ndila, “Ee, naho nda tshimbila nga kha muedzi wa *swiswi* wa murunzi wa lufu.” Zwino, a hu na tshithu tsho raloho. Bivhili a i ambi hezwo, uri, “Lone swiswi ḥa murunzi wa govha...govha ḥa swiswi ḥa murunzi wa lufu.”

⁸³⁴ I ri, “Naho nda tshimbila nga kha govha ḥa dunzi ḥa lufu.” Zwino, phanda ha musi u tshi nga vha murunzi, hu tea u vha na tshedza u ita murunzi. Ni a vhona, Davita nga u vha muporofita nahone a fhasi ha ndodzo, ha ngo ita phoswo, o tou amba Ngoho: “Ee, naho nda...” hu si, u tshimbila nga kha muedzi wa *swiswi*, fhedzi, “nga kha muedzi wa *mirunzi* ya lufu.”

⁸³⁵ Zwenezwo ni tea u vha na phesenthe ya tshedza u vha na murunzi. Huno ndi nga ndila ine zwa vha ngayo hafha. Ri zweṭhe vha mupo na nt̄ha ha mupo. Hoyu muvhili ndi wa u fa, nahone wo diswa nga musadzi; hu si nga tshithu fhedzi nga kha... Hu si nga Mudzimu, ni tshi bveledzwa u bva kha Adamu na Efa. Ni nga vha mutswu, mutshena, kana tshiñwe na tshiñwe tshine na vha tshone, ni tshi bveledzwa, qadzwane u bva kha Adamu na Efa. Hezwo zwi ita muvhili wañu “bebiwa tshivhini, vhumbwa vhutshinyini, huno na ða shangoni ni tshi amba mazwifhi.” No laṭwa na u haṭulwa u rangani ha vhutshilo hañu, hu si na na, hu si na na tshikhala.

⁸³⁶ Zwino, ngauri muya u ne na vha nawo wo ða nga mupo, huno nga mupo u bva kha u ṭangana ha vhudzekani, lutamo lwa munna na musadzi lwa bveledzwa ñwana wa lifiasi. Huno litshani uyo ñwana a eṭhe, huno ni songo mufunza tshithu tshi re tshone na tshithihi, u ðo khakha. Ni songo mu funza zwi re zwione kana zwi si zwone, u ðo dzhia zwi si zwone. Ngauri ndi mvelo yawe u ita nga u ralo.

⁸³⁷ Lavhelesani lushie luṭuku, lu sa athu fhira na *mini*, lu tou kwata nga maanda; u ðo tou vha... u ðo—ðo onyana kha zwanda zwawe, a tswukuluwa kha tshifhaṭuwo, huno a balelwā u fema. Zwa vhukuma. Naa ndi mini? Ndi mupo. O zwi wana kha khotsi awe kana mme awe, muthihī; o vha a na mbiti dzo edanaho u lwa na saha, kana khotsi awe. Arali vha sa ralo, makhulu vha munna kana makhulu vha musadzi vho ralo. Ni a vhona, ndi lushaka.

⁸³⁸ Ngauralo i zwe zwi ita... No bebiwa shangoni. No ða nga mupo, huno vhumuthu hañu hoṭhe ndi vhutswu na u swifhala, na u laṭwa, na u señwa ni tshi khou ya heleni. Ndi zwone!

⁸³⁹ Fhedzi musi no bebgwa hafhu, zwenezwo Tshedza tsha Mudzimu tsha penyela fhasi kha uyo muya (*hañeluya*) zwenezwo a hu tsha vha muedzi wa *swiswi*, fhedzi ndi muedzi u na murunzi khawo. Ni nga vha no putelwa hafha nga ñama, na zwithu kha tshifhaṭuwo tshashu, fhedzi hu na Tshedza tsho edanaho heneffho. Huno liñwe ḫuvha hetsho Tshedza na *swiswi* zwi tea u fhambana! Huno musi tshedza tshi tshi pena, *swiswi* li a

balangana. Huno musi ri tshi ya u vha na Kristo kha uyo muvhili, swiswi na lufu zwi a balangana, huno ra thunyuwa kha Tshedza tsho khunyelelaho. Vhugala kha Mudzimu! Khezwo-ha; a hu tshe na malwadze, a hu tshe na swiswi lo ḥanganaho natsho.

⁸⁴⁰ Zwino ri na zweṭhe dakalo na vhulwadze, na mutakalo na maanda, huno ri na *zwino na zwiļa*, na zwa *n̄tha na fhasi*, na dakalo na mathupho, na zwiňwe. Zweṭhe ralo, zwi tou vha murunzi. Ri na tshedza tsho edanaho u diyha uri hu na Tshedza heneffho; huno ri kha di vha kha muvhili, kha ḥama. Fhedzi liňwe Duvha li khou ya u thunyuwa. Ndi musi muruňwa wa lufu a tshi dzula kha phendelo ya mbete, ndi musi dokotela a tshi ri zwe fhela; huno hoyu wa mupo u bva kha wa n̄tha ha mupo, huno tshedza tsha humela murahu kha Tshedza, huno swiswi la humela murahu kha swiswi. Zwenezwo izwi zwi faho zwa ambara u sa fa. Ndi hone zwi tshinalahlo zwi tshi ambara u sa tshinala. Ndi hone izwi zwi faho zwi tshi ambara u safra, huno ra bva kha u vha zwivhumbwa zwa tshifhinga u ya kha zwivhumbwa zwa U Ya Nga Hu Sa Fheli. Ni nga si ye nn̄da heneffho na swiswi lo fhelelaho, ni tea u vha na tshedza kha swiswi. Khezwo-ha. Ndi uyo muvhili une na ḥanganedza.

⁸⁴¹ Naa ri ita mini? Zweṭhe ralo, murathu wanga mukhethwa, khaladzi anga mukhethwa, phanda ha musi shango li sa athu sikwa, musi Mudzimu a tshi ni sika kha tshifanyiso Tshawe, kana a sika ene—ene muthu kha tshifanyiso Tshawe, huno a sika musadzi kha tshifanyiso tsha munnaul itela vhugala ha munna, O ni ita thiofani. U tou fana na Ene-muňe, musi A tshi ri “Rine kha ri” kha zwivhumbwa zwe A ita, “hone Rine kha ri ite muthu kha tshifanyiso Tshashu Rine-vhanę, na u fana Hashu, thiofani.” Mudzimu o vha a sa athu vha ḥama zwenezwo, O vha a kha theofani.

⁸⁴² Huno Mushe a Mu vhona. Mushe o vhidzelela, “Murena, irai ndi U vhone.”

⁸⁴³ A ri, “Iya seli u dzumbame kha tombo, kha tombo.” Huno Mushe a dzumbama kha ilo tombo; huno musi Mudzimu vha tshi fhira, phenyo na mithathabo... Huno sa Mudzimu a tshi fhira, O vha a na Hawe muṭanani ho furalela nga u rali.

Huno Mushe a ri, “Ho vha hu muṭana wa Muthu.” Halementuya!

⁸⁴⁴ O vha a Nyi? Ene Melkitsedeke we a tsela fhasi, iyo Khosi ya Salema, a si na khotsi kana mme, a si na mathomo a mađuvha kana magumo a mađuvha. Ndi Ene! Huno U tsa fhasi. Hoyo ndi Ene we a amba na Abrahamu; we a Mu kuvhanganyela muvhili muṭuku wa ḥama sa hezwo, huno “Whew!” a femela khawo, a džhena khawo, hu a da fhasi a la ḥamana, a riwa mafhi u bva kha kholomo, huno a la inwe batha na tshiňwe tshinkwa. Huno na Vharuňwa vhavhili.

⁸⁴⁵ Huno musi vha tshi bva heneffho, huno izwo zwithu zweṭhe zwa sokou, “Whew!” nyamalala na u ngalangala.

⁸⁴⁶ A tho ngo vhuya nda humbula nga hezwo. Hafha tshiñwe tshifhinga, ndi tshi khou ḍadza gulu kha tshigidi, ndo vha ndi na tshigidi tsha .22, ndi .22 Swift. Huno vhoinwi vhathu vha zwigidi ni a zwi ḋivha hafha. Gulu ḫukhu, ndi ya fuiṇa thoro ya gulu, vhulapfu vhu no *nga* uvho, regular .22 gulu. Tshi pangwa kaṭuku-tuku kha maanda a tshemba a yone .30-06. Zwino ndi . . . Limaga li panga hezwo fhedzi lu no swika milenzhe ya mađana a fuiṇa-iṇa nga muthethe. Zwo luga, fhedzi ni nga vhea zwo eđanāho . . . ni nga dipangela inwi muṇe, huno ni nga tshi dadza u swika kha milenzhe ya zwigidi zwitānu nga mithethe. Huno—huno khańwe, arali no vha ni tshi khou thuntsha . . . Ro vha ri khou thuntsha, lińwe ḫuvha, kha yadi ya mađana mavhili, huno gulu yo vha i tshi khou thuntsha phasi, i do bva phanda ha musi tshigidi tshi tshi lila. Ndi nga ndila ine tsha ṭavhanya ngayo.

⁸⁴⁷ Zwenezwo ni dzhia tshi somola mađo (ni a di vha, tshipida tsha fuļete kha tshi somola mano) huno na isa kha luhuse lwańu huno na wana tshithu tsho ḫala luhuse, u tou vha gireimi nṇa kana ṭhanu ḫukhu, huno na luvheya n̄tha heneffo, huno zwenezwo na vhea gulu ngomu heneffo. Imani heneffo, huno ni na gulu tshanđani tshańu nga muthethe. Huno ni zwi thuntshele nn̄da heneffo fhethu ha u nthuntsela ho ima milenzhe ya mađana mavhili u bva kha inwi, huno tshithu tsha u thuntsha tsha sa vhuye tsha dzinginea. Gulu i humela murahu kha tshimo tshayo tsha u ranga, kha gese. Hafha ndi gulu ine ya vha khopha na lidi zwo tanganyiswa, huno muthethe muthihi fhedzi, yo no vhuya murahu u swika ni sa tsha ḫo i wana hafhu. Yo humela murahu vhu nga zwe ya vha i zwone miňwaha ya bilioni hafhu, murahu kha gese. Idzo gese dzi tea u vhumbea dza vhuya murahu kha khopha na lidi, na zwińwe zwinzhi, nga u ralo. Idzo gese dzi tea u dzula.

⁸⁴⁸ Zwino, khezwo-ha. Ndi nga ndila ine ra vha ngayo hafha, ri bva kha muthu wa n̄tha. U rangani ro vha ri kha tshifanyiso tsha Mudzimu. Lupila na swisi zwo ri thivha kha u zwi ḋivha zwino. Fhedzi Yeso o vhudza vhafunziwa vhawé O “vha a navho phanda ha musi shango li tshi sikwa.” Ni a vhona? Ro vha ro ralo! Ni nga si zwi ḋivhe zwino, fhedzi no vha ni hone u rangani. “Huno nga murahu ha ino thaberenakele ya liphasi yo no thuthwa, ri na ińwe yo lindelaho!” Haleluya! Huno zwenezwo ri ya kha heyi theofani, zwine ro no vhuya ra tshila, uri ri kone u la na u khađana. Huno mimuya phasi ha aleṭare ya lila, “U swika lini, Murena?”

⁸⁴⁹ Hu na zwiępe zwa sumbe zwine zwa ya kha Mudzimu, ya Mimuya ya sumbe vhunga i tshi tsa sa—sa Musi i tshi tsela phasi. Zwo luga, samusi ni tshi ya phasi ha aleṭari ya Mudzimu, yo vha i tshi khou lila, “Murena, u swika lini? Naa ri nga humela murahu, nga kha phasi afha?”

⁸⁵⁰ Mudzimu a ri, “Lwa khalańwanyana, u swika vhańwe nga vhoinwi vha tshi tambula zwithihi zwe na tambula.” Ni a vhona?

⁸⁵¹ Huno zwenezwo mimuya ya humela murahu, huno ya vha vhanna na vhasadzi hafhu, huno ya tshila lini na lini musi swiswi lōthe na lufu na vhulwadze na mathupho a vhutswu o no balangana; a hu tshe na murunzi, hu tou vha tshedza tsha ḫuvha!

⁸⁵² Thetshelesani. Hafha khezwi. Irani li swiphale nga ndila ine la ḫoda; li nga si swiphalese u swika ḫuvha li tshi balangana swiswi līnwe na līnwe. Swiswi na tshedza zwi nga si dzulisane. Ngauri tshone... Ndi tshifhio tsha maandesa? Ndi tshedza. Huno musi tshedza tshi tshi penya, swiswi li a shavha. Amen. Naa a ni ngo takala? Naa a ni ngo takala uri ni a ḫivha? A hu na u tima-tima, a hu na murunzi na fhethu na huthihi. Fhedzi hetshi Tshedza tsho fhaṭutshedzwaho tshine tsha vha mbiluni dzashu zwino, tshiñwe tshithu tshi tshi khou ḫanziela murahu: Murwa wa Mudzimu, maanda a Mudzimu.

⁸⁵³ Huno ri tshimbila hafha, ra lavhelesa maanda a Muya Mukhethwa a tshi tsa fhasi huno a ya kha muatangano, huno a ri, “No vha ni vho Vho-Mmme. *Mukene-nene*, we na ita tshithu tsho raliho, fhethu ho raliho. No tambudzwa nga hezwi lwa tshifhinga *tshilapfu*, fhedzi A RALO MA AMBA MURENA, ‘Imani nga milenzhe yanu.’” Huno vho holefhalaho na mabofu vha ima nga milenzhe yavho. Huno murunzi wa muthu, o liwaho nga pfuko, a vhuya vhutshilo na mutakalo muswa hafhu.

⁸⁵⁴ A hu na u tima-tima, Yesu o ri, “Hezwi zwithu zwine nda ita, na inwi ni do ralo.” Huno A ri, “A thi iti tshithu u swika Khotsi a tshi Ntsumbedza.”

⁸⁵⁵ Naa ndi mini izwo? Itshe ndi Tshedza tshe tsha da tshi tshi tangana na heli swiswi, ni a vhona, u ri lamulela. Ni a vhona zwine nda khou amba?

⁸⁵⁶ Zwino, muñwe muthu u ya murahu kha hezwi, huno musi muvhili wa maya u tshi vha ñama i sa fi hafhu u fana na musi zwe vha zwe ralo u rangani, zwenezwo Yesu a da, na Mudzimu... musi Kristo vhatshi vha vhathihhi. Kristo u do dzula kha Khulunoni, huno vhatu vhothe vha do vha vhathu. Kristo u do vha a kha khuluñoni ya Davita, Munna, ene Murena Yesu; u si tsha fa. Hu si tshe na u fa, a ri tsha do lwala, ri si tshena mathupho, nahone ri do tshila ñwahagidi.

⁸⁵⁷ Huno musi ñwahagidi wo no fhela kha heli lifhasi, zwenezwo diabolo u ya ña; na mvuwo ya vhuvhili i ya ña, mvuwo ya vha songo lugaho. Vha kuvhangana mmbi khulwane u fana na muñavha wa Iwanzhe, huno vha da u govhela khemphe ya vhakhethwa, huno musi zwe ralo, Mudzimu u nisa mvula na tsevhela u bva ḫaqdalu a vha tshinyadza.

⁸⁵⁸ Huno Yohane u ri, “Nda vhona lītađulu liswa na lifhasi liswa, ngauri lītađulu la u thoma na lifhasi la u thoma zwe vha zwe no fhela, huno ho vha hu si tshe na Iwanzhe. Huno nne, Yohane, nda vhona Dorobo Khethwa, Jerusalema Liswa, u tshi tsa u bva

ha Mudzimu ngei Tađulu, wo lugiselwa sa muselwa a tshi itela munna wawe.” Khezwo-ha.

⁸⁵⁹ Heneffo a ri, “Mufumakadzi... Ngwana na Muselwa vha do vha heneffo lwa lini na lini.” Hu do vha na lifhasi liswa, milioni na milioni dza maela dza zwikwea. Oo, nne nne. Yone Dorobo, Bivhili i kala Dorobo ya maela dza zwikwea zwa zwigidi zwa fumithani. Ndi maela dza zwigidi zwa fumiñhanu nga u hula, maela dza zwigidi zwa fumithanu nga vhuphara, huno na maela dza fumiñhanu nga vhulapfu. Ndi yone thaluso kokotolo ye Bivhili ya amba nga Dorobo. Ngazwo hu si tshe na lwanzhe, ho vha hu si na fhethu halwo.

⁸⁶⁰ Oo, hu do vha na ulwo lunako! Huno ngomu heneffo, hu na tshisima heneffo kha Khuluñoni ya Mudzimu, tshine tsha elela phanda ha Khuluñoni. Hu na muri nga thungo iñwe na iñwe ya muri... ya mulambo wa Vhutshilo. Huno kha hoyu muri hu dzula mitshelo ya tshaka dza fumimbili, huno u aña mutshelo nga iñwedzi muñwe na muñwe.

⁸⁶¹ Hu na magota a fumbili-iña. Hu na Muselwa. Hu na dza fuiña na zwigidi zwiñña, nduna dza thembele. Oo mukomana, ri khou ya huñwe fhethu! Zwithu zwi re phanđa hashu. One maña... One magota a fumbili-iña. Dzone nduna dza dana na fuiña-iña. Muselwa o dzula na Kristo. Nñe, ni amba... Haya hanga, Haya havhudí! Amen.

⁸⁶² U humbula uri ndi na u tondwa ha u ya heneffo, na inwi ni na u tondwa ha u ya heneffo. Huno ndi ngani ni tshi nga nanga u tshimbila kha lino swiswi huno na si vhone Thsedza, huno na fa na ya kha ndađo huno na si vhe tshithu? Ngauri musi Tshedza tshi tshi dzhia ndango yatsho khulwane, a hu na fhethu ha swiswi. Iyani ni wane he swiswi la ya musi tshedza tshi tshi da. Ndi musi tsho ralo, musi zwithu zweđhe zwi tshi humela murahu kha Mudzimu. Tshi na, swiswi lo vha na mathomo, swiswi li na magumo. Tshedza a tsho ngo vhuya tsha vha na mathomo kana kana a tshi nga vhuyi tsha guma. Mudzimu ha ngo vhuya a vha na mathomo kana a vhuya a vha na magumo. Ngauralo, liñwe quvha, shango lođhe na zwivhi zwalo zweđhe na lunako, zwi no vhidzwa nga u ralo, na madzanga aļo othe na zwipfi, na vhugala halo hođhe na tshiñwe na tshiñwe zwi do ngalangala kha u sa vha tshithu, nahone a li tsha do vha hone. A li tsha do vha hone, a li tsha do humbulwa nga halo! I ri, na, “U da muhumbuloni a li tsha do da.”

⁸⁶³ Fhedzi vha fhađutshedzwa vha Murena vha do dzulela u vha Nae. Ri do vha na muvhili u fanaho na Wawe Ene mune muvhili wa vhugala; huno ra tshila Nae, huno ra la Nae, ra dzula Nae, na u dzula Nae lini na lini na zwifhinga zwi sa vhalei; huno zwikhathi zwa U Ya Nga Hu Sa Pheli zwi do bvela phanda na shango hu si na u guma.

⁸⁶⁴ Huno ni na khetho madekwana a namusi. Arali ni songo lugela u ḥangana na afho fhethu, a zwi na ndavha uri ni ya tshivhidzoni lungana, ni murađo wavhuđi u swika gai, no xela u swika Kristo a tshi ni fha Vhutshilo vhuswa kha helo swiswi line na tshimbila khalo. Ni nga vha wa vhurereli. Vhurereli, thetshelesani, khonani, vhurereli ndi ha muhumbulo. Ni a vhona? Vhothe vhana vha Kaini vho dzulela u vha na vhurereli. Avho Vhayuda vho vha na vhurereli musi Yesu a tshi da, fhedzi vho landula tshidzo.

⁸⁶⁵ Ni nga di vha wa vhurereli nga maanda madekwana a namusi. Ni nga di vha ni Muphuresibetheriene, Methodisi, Pentekostała, Nazarini, Vhatsinda Vhakhethwa. Ni nga di tou vha wa vhurereli; na ya tshivhidzoni tshanu na ḥanziela, ni nga imba na ḥavha mukosi nahone na renda Murena, ni nga disa tsha fumi tshanu tshivhidzoni, ni nga fara mudzulatsini wanu zwavhuđi, izwo a zwi na vhushaka na vhuthihi na vhuyo hanu ha U Ya Nga Hu Sa Pheli. Kaini o ita zwińwe na zwińwe zwa hezwo. Zwa vhukuma.

⁸⁶⁶ Bivhili yo amba uri “goroi na mufhunga zwo mela zwothe.” Yone goroi yo mela, yo ḥulutshelwa mvula, na—na mufhunga nawo-vho. Musi mvula i tshi da, mufhunga wo tou takalela u wana mvula u fana na goroi yo ralo. “Fhedzi, ndi nga mitshelo yavho, ni tshi do vha divha.”

Zwino kha ri rabele musi ri tshi lingulula mitshelo yanu:

⁸⁶⁷ Zwino, Khotsi Mudzimu, ho no vha na dzińwe mbudziso dzi kondaho hafha madekwana a namusi. Ndi nga vha ndi songo ita zwithu zwire zwone, fhedzi zwa khwinesa zwine nda divha; U divha mbilu yanga. Ndi a rabela, Mudzimu, uri U do zwi ḥanganedza. Huno zwino, khamusi, kha dzińwe dza hedzi mbudziso, arali ndi songo dzi ita nga ndila yone, zwenezwo Amba na mbilu dza vhathu, huno U dici ita kokotolo hune dza tea u vha hone. Ndi pfa uri Wo mbudza. Fhedzi arali ndo khakha, zwenezwo U nkhangwele.

⁸⁶⁸ Huno ndi a rabela, Mudzimu, uri muńwe na muńwe wa havha u do dzhia hezwi zwithu mbiluni yawe, huno ngavhe vha tshi humbula nga hazwo huno vha elekanya nga heyi ndila, “Ee, khetsho tshivhidzo, khezwo izwi zwithu. Ndi zwine Bivhili ya amba.”

⁸⁶⁹ Khańwe vhasadzi, Murena, U ya zwi divha uri nda sakou zwi ambela nne nga u vha vhudza. Fhedzi, Mudzimu, ndi—ndi a funa khaladzi dzanga, huno ni A zwi divha hezwo, Khotsi. U ya divha uri ndi humbula hani nga havho. Fhedzi u ima nda vha vhudza tshińwe tshithu tsho khakheaho, ndi do vha ndi—ndi mufhuri khavho. A thi tami u vha mufhuri kha khaladzi dzanga, ndi ḥoda u vha vhudza Ngoho. Huno, Khotsi, ndi zwi Dzhia u bva kha Ipfi Lau.

⁸⁷⁰ Huno zwino a thi haṭuli vhahashu, fhedzi, Murena, ndi ri vho khakha musi vha tshi tendela hezwi zwithu. Huno arali musadzi a tshi ḫivha zwo fhambanaho huno a ya a zwi ita, zwenezwo zwi khae, vhafunzi a vha na mullandu.

⁸⁷¹ Vhone Abba Khotsi, izwo zwithu ndi Ipfi Lau, nahone ndi zwa Iwe. Zwino Wo amba na mbilu dza vhathu. Ndi vha kumedza vhothe kha Iwe. Ndi do vhona zwe Wa ita, Khotsi; U ya ḫivha. Amba na mbilu iñwe na iñwe. Ri zwi humbelu nga Dzina la Kristo.

Huno na ḫoho dzashu dzo kwatama:

⁸⁷² Ndi a ḫivhudzisa arali muñwe muthu a tshi nga imisa tshanda tshawe, a ri, “Mukomana Branham, itau nyelelwa uri ndi vhe mukundi o fhelelaho, huno nga ḫuvha la u fhedza ndi ambare nguvho ya munyanya huno ndi vhe na Kristo.” Naa ni nga imisa tshanda, na ri, “Nthabeleni”?

⁸⁷³ Muñwe na muñwe kha dzudze ḫoho yawe yo kwatama zwino, huno ni tou kwatama. Mudzimu a ni ḫaṭutshedze, zwo luga. Heneffo, Mudzimu a ni ḫaṭutshedze; na vhakomana vhanga, na inwi-vho, ni tshi imisa zwanda zwanu. Ndi zwavhuḍi.

⁸⁷⁴ Zwino, Khotsi, U vhona zwanda zwavho. (Ndi a ḫivha, tshinwe tshifhinga ni elekanya, “Zwo ralo, thabelo ḫukhu sa iyo?”) Mudzimu, ndi khou humbula nga ha uyo mme, a tshi amba mulovha, “Thabelo ḫukhu fhedzi nđuni yawe lia ḫuvha musi mutukana a tshi khou fa, vhege tsharu dza u tshila, tshone tshibvo kha maluvhi, huno na uri zwithu zwi shandukiswa hani.”

⁸⁷⁵ Ndi humbula nga ha Hezekiah, o livhanyisa tshifhaṭuwo tshawe kha luvhondo, huno a tshi khou lila, “Murena, ndi a U humbelu, ivha wa khathutshelo kha nne. Nkhumbule, ngauri ndo tshimbila phanda Hau nga mbilu yo kunaho.” Zwa shanduka u bva lufuni u ya vhutshiloni.

⁸⁷⁶ U tzhemha huthihi fhedzi u bva kha Murwa wa Mudzimu, “Lazaro, bvela nn̄da!” huno munna o faho a bvela nn̄da.

⁸⁷⁷ O Mudzimu, Wo ri, “Ambe, humbelu, huno zwi do newa. Musi ni tshi amba tshinwe tshithu, tendani uri zwine na amba zwi ya bvelela, ni do vha na zwine na amba.”

⁸⁷⁸ Zwino, Khotsi, ndi a rabela uri muñwe na muñwe ane o imisa tshanda tshawe u do ḫanganedza zwe vha imisela zwone tshanda. Huno ngavhe vha tshi vhaṭutshedzwa. Huno Mudzimu, ndi a rabela uri U thuse khaladzi dzashu, uri vha do vha... vha tendele vha ḫifare, uri Satheane nga kha thelevishini na magazini wa *True Story* na zwinwe zwinzhi, zwine zwi farwa ngau shaya vhudifhinduleli, na mbekanyamushumo dzi songo lingululiwaho, nga ndila ine tshika na miswaswo yo bvaho kha thelevishini na zwinwe zwinzhi, zwine zwi nga... Zwi nga vha

zwi shumiswa zwa u wina mimuya ya dzimilioni kha Iwe, fhedzi azwo ngo lingululwa, huno vhea nn̄da hezwi zwithu zwa tshika zwa kale zwine vha...Oo, zwi a pfisa vhuṭungu! Huno u divha uri muya wa diabolo wo dzhena ngomu na kha dzikhaladzi dzashu, huno vha khou lingedza u vha ita fesheni na u vha ambadza nga u ralo.

⁸⁷⁹ Huno ri wanulusa uri kha...kha vharathu vhashu, naho, Murena, vha wanulusa uri vha nga daha na u nwa, huno vha bvela phanda nga u ralo, huno vha vha vha tshi kha di vha Vhakriste ngaurivha ri "vha a tenda." Iri vha divhe uri "diabolo u ya tenda, nae-vho." Huno ha ngo tshidzwa, "u ya tenda na u tetemela."

⁸⁸⁰ Huno zwino, Khotsi, ri a rabela uri u do vha Wa khathutshelo kha riñe rothe, huno wa hangwela zwivhi zwashu, huno khañwe vhañwe a vho ngo imisa zwanda zwavho, O Mudzimu, i vha na khathutshelo. Ngavhe tshikhala tshi tevhelaho tshine vha vha natsho, ngavhe vha tshi imisa zwanda zwavho.

⁸⁸¹ Ri khou lugela u dzhia tshilalelo, Murena. Ri hangwele u pfuka hashu na bygones ya vhutshilo. huno ngavhe ri tshi ḥanganedza phaṭhutshedzo Dzau, ngauri ri zwi humbelo nga Dzina la Yesu. Amen.

⁸⁸² Murena vha ni fhaṭutshedze. Ndi humbelo pfarelo u ni fareledza nga u rali. Ndi tou divhudzisa, phanda ha tshilalelo, arali hu na muñwe muthu o daho u rabelelwa, a tshi ḥoda u rabelelwa, zwo ralo, ri do takala nga maanda u ita hezwo nga tshino tshifhinga, arali hu na muñwe muthu a ne a khou rabelelwa.

⁸⁸³ Zwo luga, murathu, mu diseni hafha nthā, izwo zwi do vha zwo luga. Huno lwa tshikhālanyana, huno zwenezwo ri khou ya u—u balangana. Huno zwenezwo musi ri tshi balanganya, zwenezwo avho vhane vha khou ḥoda u salela tshilalelo, vha nga sala. Fhedzi zwino ri khou ya u rabelela vhalwadze. Naa Bivhili i ri mini?

⁸⁸⁴ Arali murathu a nga si ime...Zwo luga hezwo, itanu mu litsha a dzule henfho, ri do da khae. Zwo luga hezwo, itanu mu litsha a dzule heneffho. Huno ri do tsa ra mu rabelela. Zwo luga. Zwo luga, muñe wanga, itanu—itanu mu litsha a dzule heneffho. Zwi a kondā khae u ima hafho, muland, ri do takala nga maanda u da khae.

⁸⁸⁵ Zwino ndi khou ḥodau bula hezwi zwiṭuku, khonani yanga a funeaho. Ni a vhona, ndi—ndi a zwi divha uri Murena vho no tikedza hezwi lunzhi na lunzhi zwiṭhinga zwinzhi. Ni a vhona? A thi a tu vha mureri, a thi na pfunzo na zwiñwe zwinzhi. Ndi a funa Murena Yesu, Mudzimu u ya zwi divha uri ndi a Mu funa. Fhedzi tshithu tshithihi tshe nda vhidzelwa u tshi ita, u rabelela vhalwadze. Naa ni a tenda izwo? Na phanda ha musi ndi tshi divha nga ha tshifhiwa, ndo vha ndi tshi anzela u ya nn̄da hafha

vhuongeloni; huno ndi a elelwa avho vhaongi vha tshi ri, “Zwino u khou ya u fhola.” Ni a vhona? Huno tou vha tshiñwe tshithu, tshire Mudzimuo tou vha tshilidzi u pfa thabelo yanga a tshi itela vhathu.

⁸⁸⁶ Itanu zwi humbula, madekwana a ḥamusi, arali zwa nga vhidzwa, kha shango lōthe nga vhuphara zwa ḥivhadzwa huñwe na huñwe kha shango. Huno ha pfi muñwe na muñwe we Mukomana Branham a mu rabelela, idani hafha, ri nga takalela ni tshi nea phindulo lha muvhoso wa United States, nga vhurifhi. Huno iyo i do vha khasho ya lifhasi lōthe. Ndi a humbulela, khañwe vhathu vha milioni nna kana thanu vho vha tshi do fhindula iyo mbidzo arali yo ḥivhiwa. Ni a vhona?

⁸⁸⁷ Huno avho vhathu, kana vhañwe vhavho vho vha vho no fa, vho no vhewa nga madokotela, na—na mimotshara. Vhañwe vhavho vho vhulawa nga khombo; vhañwe vho fa lufu lwa mupo. Vhañwe vhavho vha mabofu, vundea, zwihole, vundea, u vhaisala, muhumbulo... ngei vhuongeloni, vha sa zwi ḥivhi uri ri vhuongeloni u vha rabelela. Vha dzheniseni, ri tea u vha dzhia. Vha do lwisa musi vha tshi da na u ḥitumula, a sa ḥivhi hune a vha hone. Nga minete miñanu, a vha nomala, wa vhulenda, wa u funa vhathu, na u dzivhuluwa mađuvha ōthe a vhutshilo hawe. Ni a vhona?

⁸⁸⁸ Ndi... Ndi mini? A si Mukomana Branham. Ndi Yesu Kristo, O nthuma u ri ndi rabelele vhalwadze. Zwino hafha ndi zwine zwa vha zwone. A zwi ngo vha zwi bvelelaho nga maanda Jeffersonville, ngauri, hafha ndi ngani. Zwino, ndi khou ṭoda ni tshi ḥivha uri ndi na dziñwe dza tsini na dza hanwanī khonani kha heneiy dorobo. Naho dorobo yone iñe, tshiiimo tsha dorobo, ndi sa tshi takaleli. A thi takaleli heyi nyimele, nahone a thi ngo vhubya nda ralo; musi ndi mutukana muñuku, ndo dzula, ndi khou vhalal bugu dzanga dza ḥivhazwakale, Nda ri, “Liñwe ḥuvha ndi do ḥutshela hafha.” Ni a vhona?

⁸⁸⁹ A thi takaleli Jeffersonville, ndi swamp, ndi fhasi hafha. U tou vha swampy nga maanda, huno—huno a si havhudzi. Iyani nthā ha Spickert Knobs kana huñwe fhethu, huno ni lavhelese nthā u yela ngei New Albany na Jeffesornville, arali ni tshi ṭoda u vhona. Lavhelesani hafha, na madokotela vha khou amba zwino, u ri, “Na vhathu vha hoyu muedzi vha khou vha na amenia nga nthani ha heyi nyimele.”

⁸⁹⁰ Musidzana muñuku nthā hafha, Vho-Mme. Morgan, vho fhodzwa pfuko, a dzhia nngwa yawe a isa sibadela, a tshi elekanya uri yo vha i na mange. Ni a ḥivha zwe zwa vha zwi zwone? U dzula ha Colgatesna zwithu kha tshene hafho he ya fhira hone. Ndi fhethu hu si na mutakalo na luthihi.

⁸⁹¹ Muthu o vha a kha Mmbi, a tsa fhasi hafha a wana... O vha a na asima. A tsa fhasi hafha Florida huno mađo awe a vha matswu nga maanda, huno a ya kha dokoteal, huno a ri, “Dokotela...”

- ⁸⁹² Huno dokotela a ri, “Zwino, no vha ni khou lwa, a si zwone?”
- ⁸⁹³ A ri, “Hai, muñe wanga, ndo vha ndi sa khou ralo.”
- ⁸⁹⁴ Arali ni tshi ṭoda u qivha uri ndi nnyi, dzina lawe ndi Herby. Zwino, arali nda nga tou humbula . . . Ndi—ndi kha Union Nationa Bank, ngei New Albany, ndi thełara. Itanu ya heneffho ni sedze yo ነwaliwaho u pfi “Herby,” ni mu vhudzise.
- ⁸⁹⁵ Huno a ri . . . O ya, a ri, “Dokotela,” a ri, “Ndi na dzi sainasi.”
- ⁸⁹⁶ Huno a mu ṭola, a ri, “Ndi zwone.” A ri, “Ndo vha ndi khou ri no vha ni kha nndwa.” A ri, “Mutukana, naa ni dzula gai?”
- ⁸⁹⁷ A ri, “Zwi nga itea na si hu qivhe,” a ri, “Ndi dzula kha dorobo thukhu u mona na Louisville, Kentucky, i vhidzwaho New Albany, Indiana.”
- ⁸⁹⁸ A ri, “Ni khou ṭoda mbudza uri no wana thaidzo ya sainasi kha a ya madi a muñó afha Miami, nga u da?” A ri, “Arali na nga tou dzula Jeffersonville, Indiana, kana New Albany, Indiana, ni nga dzula huñwe na huñwe hune mmbi ya United States ya ḳo ni rumela.” Ndi zwezwo. Ni a vhona?
- ⁸⁹⁹ Ndi fhethu hu sinesa mutakalo hu re hone shangoni, hezwo ndi a zwi qivha, nga nn̄da ha musi hu kha matjavani a małaria. Ni a vhona? Huno ndi—ndi—ndi na dzikhonani hafha.
- ⁹⁰⁰ Lavhelesani hafha, ndi nga nda vha vhidza nga u rali. Lavhelesani kha Dok. Sam Adair, mungana wanga. Zwo luga, hu na Mike Egan, o dzula heneffho. Oo, nñe nñe, ndi vhangana vhane ndi nga vha bula! U tou vha madana vhāngana vhavhudí, khonani dzanga dza kale, dze nda vha ndo konana nadzo . . . Zwi si na ndavha uri ndi wana khonani ngana ntswa, a hu na tshithu tshire tsha nga dzhia fhethu ha khonani dza kale. Ni a zwi qivha hezwo.
- ⁹⁰¹ Khevho mme a nga vha kale vho dzula murahu, vha si ngo salelwa nga mađuvha manzhi kha lifhasi, vha kha yavho ya furathi. Ndi mme a mufumakadzi wanga, fusumbe, vha khou ya kha fusumbe; vho dzula murahu hafha huñwe fhethu, ndi a humbula, madekwana a ḥamusi. Huno heneffho, mu litsheni. Khotsi anga vho vhulungwa hafha n̄tha; mufumakadzi vho vhulungwa hafha kha Walnut Ridge; ነwananga o edela nn̄da hafha. Ni a vhona zwine nda khou amba?
- ⁹⁰² A—a—a thi takaleli . . . A—a—a—a thi ṭodi u dzula hafha, huno ndi a tenda uri hu si kale, nga u ṭavhanya, ndi khou tea u ṭuwa. Ni a vhona, ngauri ndi kale zwi tshi khou ḳela, ndi amba hezwi hafha kha phuluphithi huno na Bivhili yanga, tshifhinga tshoṭhe.
- ⁹⁰³ Musi ndi tshi vhudza mufumakadzi wanga, musi vha tshi ri fha tshelede ya u fhaña nn̄du ya vhafunzi ye nda fhedza ndo no i ita ino kereke . . . Hetshi tshihvidzi tshi langa nn̄du ya mufunzi; itsani fhasi hafha, ni wanuluse arali zwi songo ralo. Ni a vhona, ndi nga si i dzhie nñe muñe.

⁹⁰⁴ Zwino, musi ndo vha ndi tshi khou ya u fhaṭa heneffo, Meda a ri, "Ndi khou ḥoḍa u dzula hafha u itela mme anga."

⁹⁰⁵ Nda ri, "Mufuṇwa, tenda fhedzi ri tshi ralo, ri do ḫisola ngazwo. Ni a vhona, zwi tou vha zwi nga si shume. Mudzimu o ri, 'Dikhetheni,' ndi tea u zwi ita."

⁹⁰⁶ Huno a ri, "Zwo ralo, mme anga!"

⁹⁰⁷ Nda ri, "Mme anga, na nne-vho. 'Fhedzi a nga si ḫutshele vha re vhawe, huno U ntevhele, a zwi ngo fanela u vhidzwa Zwanga.' Huno ndi ngoho."

⁹⁰⁸ Liñwe ḫuvha, hu si kale, ndi pfa uri ndi do tea u pfuluwa, ndi, u ḫuwa. Fhedzi hafha ndi ndila, miṭangano i nga si shume. A zwi nga shumi vhunga zwi tshi ralo huñwe fhethu, huno muñwe na muñwe ane o no vhuya a vha kha miṭangano u ya zwi ḫivha, ngauri zwi hanefha kha dorobo ya hayani. Ndi zwezwo.

⁹⁰⁹ Yesu o amba zwithu zwithihi musi A tshi da.

⁹¹⁰ Vha ri, "Ndi nnyi uyu muṭhangā? Naa a si u ḫa ḫwana wa muvhadi? Naa o ya tshikoloni tshifhio? Naa o wana gai pfunzo ywe? Zwino irani ndi vhone a tshi ralo... Ni ri no ita madembe nga hafha, irani ndi ni vhone ni tshi ita tshithu tshithihi hafha. Zwe na ita Kapereniamu, irani ndi zwi vhone ni tshi zwi ita hafha."

⁹¹¹ Yesu o ri... "A mangadzwa nga u sa tenda hafho." Huno a rembuluwa a ri, "Ngoho, ngoho, ndi ri kha inwi, muporofita ha ḫonifhiwi vhukati ha vhathe vhaweha kha shango ḫaweha." Naa izwo ndi zwone?

⁹¹² Huno ri a ḫivha...lavhelesani kha...Dzhiani Finney, dzhiani Sankey, Moody; dzhiani John Wesley, vho vha vha nga si zwi tevhele, ni a vhona, u swika a tshi ḫutshela shango ḫaweha. Lavhelesani kha—lavhelesani kha—kha—kha Moody. Musi Moody, murungi wa zwienda wa Boston, o vha a nga si bvele phanda na luthihi, a da Chicago phanda ha musi a tshi bvelela. Ni a vhona? O do tea u zwi wana u bva kha vhaweha. Ni dzulela u tea u zwi ita.

⁹¹³ Fhedzi zwino, hafha, Mudzimu u do fhindula thabelo arali na hangwa uri ndi William Branham (Ni a vhona?) arali na hangwa uri ndi William Branham u na mushumo nazwo, u tou vha wa u tou ima a ni rabelela. Ndi Yesu Kristo ane o no ita kale zwine no zwi humbelala, arali na tou zwi tenda. Ni a vhona? A si tshiñwe tshithu tsha u ita... A thi na mushumo nazwo, u tou ḫanziela. Fhedzi nga nthani ha u aluwa hafha na vhoiñwi, huno ni ḫivha u shaya nungo hune nda vha nahoh, na phoswo iñwe na iñwe ine... Huno ni a ḫivha zwe Mudzimu a ita, haefha ḫoroboni.

⁹¹⁴ Heyi dorobo, nga ḫuvha la khaṭhulo, i do badela mutengo muhulu liñwe ḫuvha, ngauri ho vha na dza madana na madana phodzo ḫdzi mangadzaho hafha (Ndi zwone.) hanefha. Zwiga na swimangadzo, na u vhonala ha Vharuṇwa fhasi hafha, huno

gurann̄da dza zwi anđadza na tshiňwe na tshiňwe, huno naho zwo ralo vhatu a vha... Ndi ngani zwo ralo?

⁹¹⁵ Zwino liňwe ḫuvha, ndi khou ya u ḫuwa hafha. Ndi khou divhudzisa: "Naa magumo anga a ḫo vha mini? Naa zwo fhela? Naa zwi tou vha nga ha? Ndi na miňwaha ya fuiňa-malo. Naa zwo fhela?" Ndi a divhudzisa hezwi. Arali hu na...

⁹¹⁶ Lavhelesani, ndi ngani shango li songo limuwa tshiňa tshifanyiso heneffo? Naa ndi ngani vha songo tshi gavha nga u ḫavhanya? Ndi ngani vha sa limuwi izwi zwiňwe zwithu? Ndi ngani vha sa limuwi izwi zwiporofito na zwithu? Ni a ḫivha, vha nga si zwi ite zwino, fhedzi liňwe ḫuvha ndi khou ya u ḫutshela shango, huno musi ndi tshi ḫuwa, zwenezwo vha ḫo Žwi limuwa. Vhaňwe vha vhoiñwi vhatu vhaswa ni ḫo limuwa hezwo nga murahu ha musi ndo ḫuwa. Ni a vhona? Fhedzi Mudzimu a nga si zwi limuwe uri zwi itwe zwino. Ni a vhona uri mini...ni a pfectesa zwine nda khou amba. [A hu na tshithu kha theiphi—Mudz.]

⁹¹⁷ ...U tou vha bengele la musidzana muňuku. Muňwe na muňwe a nga vha naļo. Ndi a tenda uri Mukomana Sothmann uri o siaa Bivhili hafha tshifhinga tshe a ḫa hafha lwa u fhedzisela, ndi a tenda. Muňwe ane a wana Bivhili, ya—ya malevhelevhe Bivhili nga hafha? Arali na ralo, ndi ya Mukomana Fred Sothmann u bva Canada. Zwino kha ri rabele.

⁹¹⁸ Murena i vha wa khathutshelo, vhunga muzika u tshi ḫo lila nga u dzika nahone Mukomana Neville a tshi ḫo dolisa nga mapfura, Ndi ya u vhea zwanda kha vhalwadze nga Dzina la Yesu. Zwi tendele, Murena, u itela phodzo yavho. Amen.

⁹¹⁹ Muňwe na muňwe kha Rabele, zwino, muňwe na muňwe. Zwo luga.

Murena, muňuku, vhunga makhulu wawe vho mu imela. U na aļedzhi ya mafhi, mafhi othe. Fhedzi Iwe u na Maanda othe nahone muňuku a nga si vhe na lutendo a tshi itela ene munę. Huno zwenezwo, Murena, ndi khou vha na lutendo ndi tshi itela lwone, na vhabebi na vho makhulu huno ri ri, nga Dzina la Yesu, uri mutukana u ḫo kona u riwa mafhi nahone lwa tshila u itela vhugala ha Mudzimu. Amen. Zwi ḫo vha nga u ralo.

Oo, Mudzimu, u rabelela khotsi awe. Ndi rabela nae uri U ḫo mu fhodza khotsi nahonewa mu nea zwine a ḫoda, nga Dzina la Kristo. Amen.

⁹²⁰ Zwino, yo leluwa a i ngo ralo? Vhatu vha khou rabela, fhedzi ndi zwine vhatu... Vha ḫoda tshithu tshihulu huno vha zwi kondisa. Mudzimu u zwi ita zwo leluwa. Ni zwi ita zwi tshi konda hūno na pfukwa ngazwo. Ni a vhona? Itanu i... Irani zwi vhe zwo leluwaho vhunga Mudzimu o amba: "Hezwi zwiga zwi ḫo vha tevhela vhane vha tenda; arali vha vhea zwanda zwavho kha vha hoča, vha ḫo fholo," vhunga Mudzimu o amba.

⁹²¹ Ri vheya zwanda kha hoyu mufumakadzi, Murena, hoyu ndi khaladzi ashu o ima hafha, huno ngavhe a tshi fhodzwa vhunga ri tshi zwi humbelo, nga Dzina la Yesu Kristo. Amen.

⁹²² Khotsi, samusi ri tshi vhea zwanda zwashu kha khaladzi ashu, nga Dzina la Yesu Kristo, nga u elelwa Bivhili na pfunzo dza Murena, ngavhe a tshi fhodzwa.

Khotsi, nga Dzina la Kristo, ri humbelo phodzo ya khaladzi ashu, nahone ndia rabela uri U do mu fhodza vhunga ri tshi thonifha Ipfi Lau, hu si na na u timatima muhumbuloni wanga fhedzi zwine a nga vha . . . ? . . . Amen.

⁹²³ Khotsi, ri vhea zwanda kha khaladzi ashu, huno ra humbelo uri, nga Dzina la Murena Yesu, uri u do mu fhodza nahone wa mu ita uri a fhole. Amen.

Nga Dzina la Murena Yesu, ri vhea zwanda kha murathu washu huno ra humbelo uri U mu fhodze u itela vhugala ha Mudzimu.

Khotsi, nga Dzina la Murena Yesu, ri dolisa khaladzi, huno ra vhea zwanda khae huno ra humbelo phodzo yawe nga Dzina la Yesu.

Khotsi Mudzimu, ri vheya zwanda kha murathu washu, ri humbelo hezwo, nga Dzina la Yesu Kristo, vhunga ri tshi mu dolisa uri U mu fhodze.

Khotsi, hafha, mufumakadzi wawe a funeaho . . . ? . . . a mu dolisa huno a vhea zwanda khae, ri zwi humbelo, nga Dzina la Yesu Kristo.

⁹²⁴ Murena Mudzimu, ri dolisa Edith mułuku, ri vheya zwanda khae, huno ra zwi humbelo nga Dzina la Murena Yesu Kristo uri U do tendela khumbelo yawe.

Khotsi, kha mme awe, ri a dolisa na u vheya zwanda khae huno ra humbelo phodzo yawe, nga Dzina la Murena Yesu Kristo, ngavhe a tshi fhodzwa.

⁹²⁵ Khotsi, ri dolisa ino dzhuwele thukhu ya u no muła, u rwa ha mbilu hułuku, nga Dzina la Murena Yesu, liñwe ḥuvha ndo mu kumedzela Khae, huno ndi a rabela uri U do lu fhodza . . . ? . . .

⁹²⁶ Oo Mudzimu, Iwe u ḥivha zwe khaladzi ashu a humbelo nahone ri a U livhuwa nga lutendo lwave luhulwane. Zwino, ngavhe izwo zwithu zwe a humbelo, uri . . . ? . . . o tamba ngazwo musi a tshe mułuku, huno Mudzimu, ngavhe swina li tshi vhofholola mufumakadzi huno ngavhe a tshi vhuya hayani o fhola, Murena. Ri a rabela ri tshi itela uyo munna, nae-vho, we a mu humbelela, Iwe wo fulufhedzisa, "Arali na nga humbelo tshinwe tshithu Dzinani Łanga, Ndi do tshi ita." Ndi rabela uri U do tendela tshino tshi rabeliswa, nga Dzina la Yesu. Amen. Mudzimu a ni fhałutshedze.

⁹²⁷ Murena, vhunga hezwi zwipfi zwi tshi khou fa kha phanda ya mukomana wanga, ri humbelu uri vhutshilo vhu thunyuwe, vhunga ri tshi vhea zwanda khae ra zwi humbelu, nga Dzina la Yesu, izwo zwipfi zwi do fhola.

Khotsi Mudzimu, ri vheya zwanda zwashu kha khaladzi ashu nga murahu ha u mu dolisa nga mapfura, nga Dzina la Murena Yesu Kristo, ri humbelu phodzo. Amen.

⁹²⁸ Khotsi wa Tađulu, vhunga khaladzi ashu o no vha na u bvelela hunzhi he Iwe wa hu disa, u khou imela munwe wa vhadinda Vhau, mushumeli, o tshuwa nga maanda; u pfela vhuungu ha mbilu dzashu vhu ya khae ri a zwi divha zwine a khou fhira khazwo. Ndi a rabela, Mudzimu, uri U do dolisa khaladzi ashu nga u imela ene na u dolisa ene u itela phodzwo yawe. Ndi arabela, nga Dzina la Kristo. Amen. Murena u ya divha.

⁹²⁹ Zwavhuđi. Ndo takala nga maanda. Iyo ndi ndodzo ya Murena zwa vhukuma. Murena Mudzimu, nga murahu ha musi musadzi o vhofholowa kha demoni le a lwa nalo lwa minwaha, huno linwe quvha Wo mu pfa a tshi khou da nga hangei nđuni heneffo huno zwenezwo Muya wa tsela fhasi, "A RALO MA AMBA MURENA," nga murahu ha musi o no lila, a dzula kha aleđari, o vha o no ita zwe the zwine a divha uri zwi itwa hani, fhedzi zwe dzhia A RALO MA AMBA MURENA. Zwino, u khou dela nwana wa murathu wawe ane a khou tanzu; ha koni u tshimbila, o no divha na nwaha kale. Ndi a rabela, Murena, uri U do tendela phaṭutshedzo dla Mudzimu khae nga Dzina la Murena Yesu Kristo. Ro takala nga nthani ha hezwo, khaladzi, ni vhonala no fhambana, na iñwi-vho. Huno ni kule na u fa zwino, a ni ngo ralo?

Khotsi Mudzimu, ri a rabela uri U do fhaṭutshedza khaladzi ashu vhunga ri tshi mu dolisa huno u vheye zwanda zwanga khae huno nda humbelu uri hezwi zwithu zwe Wa amba: "Hezwi zwiga zwi do vha tevhela vhane vha tenda. Vha do vheya zwanda kha vhalwadze, vha do fhola." Ri bula u vha vhatendi, Murena, ngauralo ri rabela ura U ite tshinwe tshithu, nga Dzina la Yesu.

⁹³⁰ Khotsi Mudzimu, u divha mbilu ya hoyu musadzi mułuku, vhu nga o i tevhulela nnđa, ri rabela uri U do vha wa khathutshelo khae huno wa mu fha zwe a humbelu. O Khotsi Mudzimu, u itela muña wawe, u itela vhana, mutukana wawe, nga maanda, Mudzimu, ndi a rabela zwino, uri U do tendela hezwi zwithu. nga mbilu yanga yothe, ndi a zwi humbelu, nga Dzina la Yesu. Amen.

Khotsi Mudzimu, vhunga ri tshi dolisa hoyu mufumakadzi nga mapfura, huno ra mu rabelela nga Dzina la Murena Yesu, uri U do mu fhodza nahone wa mu nea mutakalo uitela vhugala ha Mudzimu.

⁹³¹ Dzina lanu li nga si iteye la vha West, li nga ralo?

Khotsi, ri rabelela musidza muṭuku. U humbelela khotsi awe. Zwino, ndi a rabela uri U ḫo mu fha khotsi awe, vhidza mbilu yavho, Murena. U khou ṭoda vha tshi tshidzwa. Ha vha ṭodi vha shangoni sa zwine vha vha zwone, hoyu, ḥwana wavho, lutsinga lwavho. Ndi a rabela, Khotsi, uri Udo vha wa khathutshelo khae, nga Dzina la Kristo.

⁹³² Fhatutshedzeya, ḥwananyanga, ngavhe Mudzimu a tshi ni fha zwone, tshithu tshe na humbela.

Mudzimu a funeaho, ri rabelela khathutshelo khae, ri tshi humbela uri U ḫo vha wa khathutshelo, vhunga ri tshi mu dolisa . . . ? . . .



*DZIMBUDZISO NA DZIPHINDULO KHA
VHAHEVHERU TSHIPIQA III TSV57-1006*
(Questions and Answers on Hebrews Part III)

MILAEDZA YA VHUDIFARI, NGONA NA PFUNZO ZWA TSHIVHIDZO

Hoyu Mulaedza nga Mukomana William Marrion Branham, u rangani wo newa nga Tshiisimane nga madekwana a Swondaha, Tshimedzi 6, 1957, Thaberenakeleñi ya Branham ngei Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ɏhalutshedzo ya Tshivenda yo gandiswa huno ya phaqladzwa nga vha Voice Of God Recordings.

TSHIVENDA

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org